

(ख)

ऐसा मेरा विनीत निवेदन और सुभाव है। इन शब्दों को मैं बिना किसी तरह की हिचकिचाहट के, शुद्ध हृदय से निवेदन करने का साहस करता हूँ। अब जमाना पलटा खा रहा है। जनता अन्धकार में रहना पसन्द नहीं करती। नकली साधुओं को सावधानी से काम करना ही उचित होगा।

इस महान् उपयोगी ग्रन्थ रत्न का संग्रह मेरे स्वर्गीय पूज्य पिताजी ने ही किया था। आप की उत्कृष्ट अभिलाषा थी कि इस ग्रन्थ को प्रकाशित करा कर अमूल्य वितरण करके सर्वे सधारण की सेवा करें। इस तरह की उच्च भावना दैव संयोग से कार्य रूप में परिणत न कर सके और मेरी तरफ संकेत करते हुये स्वर्गवासी हो गये। अतः मैं अपना मुख्य कर्त्तव्य समझ कर श्री स्वामीजी के रहस्यमय परोपकारी पद्यों को, प्रकाशित करके अपने पूज्य पिताजी की आत्मा को शान्ति पहुँचाने के निमित्त, और सर्वसाधारण की सेवा के लिये यथाशक्ति स्वल्प मूल्य में त्याग भावसे अर्पण करना चाहता हूँ। आशा है आत्म कल्याणार्थं विज्ञ जन इसको स्वीकार करेंगे और इन पद्यों को कंठाभरण बनाकर निष्पक्ष और निःस्वार्थ भाव से आत्म कल्याण का साधन समझ कर मेरे इस प्रचार कार्य में सहायक सिद्ध होंगे, और कृपा करके अपनी अपनी सन्मतियों को भी भेजें ताकि मैं इस ग्रन्थ रत्न को और भी लोकोपयोगी बनाने का प्रयत्न करूँ और इसी तरह की और भी अनेक धार्मिक पुस्तकें गुप्त रूप से रखी हुई हैं, जिनका प्रकाशन होना आवकों की भलाई के लिये परमावश्यक है। अगर भारतीय विद्वानों की तरफ से मुझे इस कार्य में प्रोत्साहन मिलेगा तो, इसके बाद दूसरा उपहार लेकर जल्दी ही उपास्थित होने की इच्छा है।

यद्यपि मेरी समझ से यह पुण्य कार्य अत्यन्त उपयोगी है, तथापि कई सज्जनों का मत है कि इस ग्रन्थ को इस वक्त प्रकाशित करना कर्ण कटु होने के कारण असामयिक है। विचारणीय विषय है कि, जिस तरह से कड़वी औषधि शारीरिक रोगों को दूर करने में सहायक समझी जाती है, उसी तरह मानसिक रोगों को दूर करने में मनोहर शब्द हितकर नहीं होते। इसकी पुष्टि अनेकानेक स्थानों पर नीतिकारों ने की है। मैं दावे के साथ कहता हूँ कि इस पुस्तक को पढ़ने से समस्त शिक्षित आवक समाज में एक तरह की हलचल पैदा हो सकती है, और वर्त्तमान शिथिलाचारी महात्माओं को भी करवट बंदलनी पड़ेगी, नहीं तो उदर निमित्त भेष के अस्तित्व को कायम रखने में किञ्चित् दुःख होने की अवश्य संभावना है और स्वार्थी तथा अन्ध विश्वासी आचारहीन साधुओं तथा आवकोंसे मैं धारं-वार प्रार्थना करूँगा कि वे इन अमूल्य गुणमयी गाथाओं को विचार पूर्वक पढ़ें, मनन करें और सबसे पहिले अपने आप में घटावें, फिर दूसरों के गुणदोषों की तरफ संकेत करने की इच्छा कर सकते हैं। संसार में गुरु और कुगुरु दो शब्द ऐसे हैं जो सदा विद्यमान रहते हैं और रहेंगे। इसीलिये पूज्यपाद आचार्य भीषणजी ने बिना संकोच के निडर होकर कुगुरुओं की करतूत का विस्तार पूर्वक पांचवीं और छठी ढालों में वर्णन किया है।

इन २३ ढालों को विचार पूर्वक पढ़ने और मनन करने पर पाठकों को प्रत्येक ढाल में नवीनता प्राप्त होगी, और शान्ति मिलेगी। जैसे प्रथम, द्वितीय ढाल में आचार्य श्री भीखणजी ने साधुओं के आचार, विचार, कार्य, अकार्यादि दिनचर्या, और तीसरी में यह विशेषता है कि आज कल के साधु महात्माओं में किस तरह पारखंड फैला है और बुद्धिमानों को भी इनके प्रपंच का पता लगाना कठिन हो रहा है। चौथी ढाल में आप ने मुख्य कर दान, दया, आहारादि आवश्यक कार्यों का विवेचन सूत्रों और सिद्धान्तों में वर्णित आस्तिकता को साकार उपस्थित किया है। पाठकों को पढ़कर अवश्य लाभ लेना चाहिये। पांचवीं से लेकर सातवीं ढाल तक साधु भेपधारी पारखंडियों ने क्या २ अन्याय और घृणित कार्य किया है इत्यादि बातों को श्री स्वामीजी ने निर्भीकता के साथ स्थानक, मठ, उपासरा आदिक स्थानों के बारे में भी अपना मत प्रकट किया है। आठवीं ढाल में एक शहर एक ग्राम में साधु साधवियों किस तरह निवास कर सकते हैं, आहार पांखी गोचरो तथा गृहस्थियों के साथ सम्बन्ध, पुस्तकों का संग्रह, इत्यादि विषयों पर बारीकी के साथ लिख कर समझाया है। पाठक आलोचनात्मक दृष्टि से पढ़ें। दशवीं, इग्यारहवीं ढाल में श्रावकों के साधुओं के प्रति कर्त्तव्याकर्त्तव्य कार्यों पर प्रकाश डालते हुये अनेकानेक उदाहरणों द्वारा समझाया है कि, गृहस्थों को किस तरह से आहार पानी वगैरह बस्तुएं देनी चाहियें। इत्यादि बातों का दिग्दर्शन है। बारहवीं में साधुओं का मुख्य आचार, गुरु चेला का सम्बन्ध, और उनके गुण, दोष, सांच, झूठ, प्रायश्चित्त-दि को व्यक्त किया है पाठक इन से लाभ उठावें। तेरहवीं और चौदहवीं ढाल में “चोर चोर मौसेरे भाई” वाली कहावत को चरिताथं करते हुवे, भारी कर्म जीवों का परिचय गुरु, कुगुरु, के लक्षण और गुरु किसको करना चाहिये इत्यादि विषयों को सावधानी के साथ अनेक उदाहरण जैसे गोशाला, जयमाली, सुखदेव सन्यासी, सुदर्शन सेठ वगैरह का देकर समझाया है। पन्द्रहवीं और सोलहवीं ढाल में साधुओं श्रावकों को उपदेश द्वारा भारी कर्मों से बचने का उपाय तथा दान, दया, देश, काल, पात्र इत्यादि विषयों की ज्ञातव्य बातें तथा पाप पुण्य की परिभाषा पर प्रकाश डाला है। सत्रहवीं ढाल में श्रावकों को उपदेश, साधुओं के प्रति श्रावकों का मुख्य कर्त्तव्य, आर्त दानादि से स्थानकों का निर्माण, कुगुरुओं के कपट वगैरह २ अकार्य कार्यों का खुलासा किया है। अठारहवीं ढाल में वस्त्र, अन्ध, पाद, बाजोट, कपटी साधुओं की करतूत, कुगुरुओं की पहिचान, पडिलेहणादि क्रिया का जिक्र है। पाठक गण पढ़कर ज्ञान प्राप्त करें। उन्नीसवीं और बीसवीं ढाल में आधाकर्म आहारो का परिचय, शुद्ध साधुओंका लक्षण, उनकी विशेष दिनचर्या, खाना, पीना, सोना, उठना, बैठना, वगैरह २ मुख्य कार्यों का समपादन किया है। इक्कीसवीं और बाईसवीं ढाल में साधुओं को, आहार कैसा देना चाहिये, किन कार्यों से साधुपना नष्ट हो जाता है। अर्थ, अनर्थ, अद्धा, भक्ति का विस्तार पूर्वक वर्णन है और सबसे अन्त की २३ वीं ढाल में, जीव, अजीव, पाप, पुण्य, बन्ध, मोक्ष इत्यादि गहन विषयों का सुचारु रूप से श्री आचार्य भीखणजी

स्वामीजी ने बहुत ही उत्तमता के साथ वर्णन किया है। आशा है पाठक गण, इसको पढ़कर समझ कर अपने आत्मा का कल्याण करेंगे।

इस “सरधा आचार की चौपाई” के अलावा श्रीमान् आचार्य श्री भीखण जी के द्वारा लिखित कई ग्रन्थरत्न हैं जैसे अनुकम्पादान, जिन आह्वा समकित, श्रद्धा आचार, बारह व्रत, एकसौ इक्यासी बोल की हुडी, इत्यादि। तथा तेरापंथी भाइयों के काम के और कई धर्म ग्रन्थों का प्रकाशित होना बहुत जरूरी है। मैं उन्हें भी प्रकाश में लाकर पाठकों की सेवा करूंगा। स्वामीजी ने परोपकारार्थ, एक से एक अमूल्य ग्रन्थों को लिखा है। सो प्रकाशित होने पर पाठकों को सुलभ होगा।

अन्त में मैं उन महानुभावों को कोटिशः धन्यवाद देता हूँ जिन्होंने मुझे इस पुस्तक के संकलन में सहायता प्रदान की है। शीघ्रता और मेरी इस विषय में अनभिज्ञता तथा प्रथम प्रयास के कारण अनेक त्रुटियाँ रह गई हैं अतः इसके लिये मैं विद्वानों के सन्मुख करवद्ध क्षमाप्रार्थी हूँ कि वे विद्वान् पाठक इन भूलों से मुझे भी सूचित करने की कृपा करें। जिससे अगले संस्करण में वे भूलें न रहने पावें। त्रुटियों को सुधारने का मौका मिलेगा तथा उन विद्वानों का मैं सदा आभारी रहूँगा जो मुझे इस कार्य में पथ प्रदर्शक बनकर सहायता करेंगे।

आज कल दुनियाँ की स्थिति डावांढोल है। बाजारों में इच्छानुकूल वस्तुएं नहीं प्राप्त होतीं। प्रेसों की असुविधाओं का सामना करते हुये भी मैंने साहस पूर्वक इस परोपकारी कार्य को यथाराक्ति शीघ्रता से ही किया है। अतः फिर भी प्रार्थना है कि प्रेस सन्बन्धी त्रुटियों को भी पाठक क्षमा करें। द्वितीयावृत्ति में इसका सुधार करने की अवश्य ही अभिलाषा है।

समस्त तेरापंथी भाइयों से सादर प्रार्थना है कि इस उपरोक्त पुस्तक की जितनी भी मूल प्रतियाँ मुझे उपलब्ध हुई हैं उनमें अशुद्धियों की भरमार है, अगर किसी भाई के पास इस ग्रन्थ की शुद्ध प्रति हो तो, कृपा करके मुझे सूचित करें। मैं दूसरे एडिशन में उस प्रतिसे सहायता लेकर टिप्पणी के साथ, संशोधन पूर्वक प्रकाशित करके उसकी कापी उनकी सेवा में अर्पण करूंगा।

मैं आखीर में चन्द्र प्रिंटिंग प्रेस के प्रबन्धकर्ता का बहुत आभारी हूँ जिनके अथक परिश्रम व तत्परता से पुस्तक का प्रकाशन ठीक समय पर हो सका।

सं० २००२
विजयदशमी

भवदीय—कृपाकांची—
सुमेरमल कोठारी
चुरु

श्री हंसराज बच्छराज नाहटा

सरदारशहर निवासी

द्वारा

जैन विश्व भारती, लाडनू

को सप्रेम भेंट -

✽ सारथा आचार का चौपाई ✽

॥ अथ श्री भीषण जी स्वामी कृत सरधा आचार की
चौपाई लिख्यते ॥

॥ दोहा ॥

पहिला अरिहन्त नमू, ज्यां सारथा आत्म काम ।

चले विशेषे वीर नें ते शासण नायक साम ॥१॥

पिण कारज साजी आपणां पहुंताछै निर्वाण ।

सिद्धाने वन्दणां करू, ज्यां भेटचा आवण जाण ॥२॥

आचारज सहु सारथा गुण रतनांरी खाण ।

उपाध्यायनें सर्व साधु जी, ए पांडु पद वपाण ॥३॥

वन्दिजे नित तेहिने, नीचो शीश नवाय ।

ते गुण ओलख वन्दणा करो ज्यं भव २ रा दुख जायो ॥४॥

सुगुरु कुगुरु दोनू तणी गुण विना खबर न काय ।

प्रथम कुगुरु नें ओलपो, सुणो सुत्रो न्याय ॥५॥

सुत्र साख दियां विना, लोक न माने वात ।

सांभल नें नर नारियां, छोडो मूल मिथ्यात ॥६॥

कुगुरु चरित्र अनन्त छै, ते पूरा केम कहाय ।

थोडा सा प्रकट करू, ते सुणज्यो चित लाय ॥७॥

❀ ढाल पहिली ❀

(ऊंधी सरधा कोई मत राखो—ए देशी)

ओलखणां दोरी भव जीवां, कुगुरु चरित्र अनन्त जी ।

कहतां छेह न आवे तिनरो, इम भाख्यो भगवंत जी ॥

साधु मत जांणों इण चलगत सुं ॥१॥

आधा कर्मी थानक में रहे तो पढ्यो चारित्र में भेद जी ।

निशीथ रे दशमें उद्देशे चार मास रो छेद जी ॥साधु०॥२॥

अठारे ठाणां कहा जुवा जुवा, एक विराधे कोय जी ।

वाल कहथो श्री वीर जिनेश्वर, साध न जाणों सोय जी ॥सा०॥३॥

आहार शय्या ने वस्त्र पातर, अशुद्ध लियां नहीं संत जी ।

दशवैकालिक छठे अध्ययने, अष्ट कहथो भगवन्त जी ॥सा०॥४॥

अचित वस्तुनें मोल लिरावे, तो सुमत गुप्त हुवे खंड जी ।

माह व्रत पांचो ही भांगें, तिनरो चोमासी दंड जी ॥सा०॥५॥

ए तो भाव निशीथ मैं चान्या उगणींस में उद्देशे जी ।

शुद्ध साधु बिण कूण सुनावे, सूत्र नी ऊंडी रहस्य जी ॥सा०॥६॥

पुस्तक पात्रा उपासरादिक, लिरावे ले ले नाम जी ।

आछा भूँडा कई मोल बतावे, करै गृहस्थ रो काम जी ॥सा०॥७॥

ग्राहक नें तो कह यों कहिजे, कुगुरु बिचे दलाल जी ।

बेचण वालो कहथो बांणियां, तीन्यां रो एक हवाल जी ॥सा०॥८॥

कूय विकूय मांहीं वरते ते तो, महा दोष छै एह जी ।

पैंतीसमां उत्तराध्ययन में, साधु न कहथो तेह जी ॥सा०॥९॥

नित को बहिरे एकण घर को चारचां में एक आहार जी ।

दशवैकालिक तीजे ध्ययने, साधु ने कहथो अणाचार जी ॥सा०॥१०॥

जो लावे नित धोवण पांखी, तिण लोप्यो खत्र रो न्याय जी ।
 बतलायां बोले नहीं सीधा, दूषण देवे छिपाय जी ॥सा०॥११॥
 नहीं कल्पे ते वस्तु बहिरे, तिण में मोटी खोड़ जी ।
 आचारांग पहिले श्रुत खंडे, कह दियो भगवंत चोर जी ॥सा०॥१२॥
 पहलो व्रत तो पूरो पड़ियो, जब आड़ा जड़ किवाड़ जी ।
 कूँटा आंगल होड़ा अटकावे, ते निश्चय नहीं अणगार जी ॥सा०॥१३॥
 पोते हांते जड़ उघाड़, करे जीवां रा जान जी ।
 गृहस्थ उधार ने आहार बहिरावे जब करे अणहुन्ता फेल जी ॥सा०॥१४॥
 साधवियां ने जड़नो चाल्यो, तिणरी मे करो तांण जी ।
 यां लारे कोई साधु जड़ तो, भागलां रा अहनांण जी ॥सा०॥१५॥
 मन करने जो जड़नो वंछै, तिण नहीं जांणी पर पीड़ जी ।
 पैतीसमां उत्तराध्ययन में, बरज गया महावीर जी ॥सा०॥१६॥
 पर निन्दा में राता माता, चित में नहीं संतोष जी ।
 बीर कहथो दशमां अंग मांहे, तिण में तेरह दोष जी ॥सा०॥१७॥
 दीक्षा ले तो मो आगल लीजे, ओर कने दे पाल जी ।
 कुगुरु एवा खूँस करावे, आचौड़ ऊंधी चाल जी ॥सा०॥१८॥
 इण बंधा थी ममता लागे, गृहस्थ सुं मेलप थाये जी ।
 निशीथ रे चौथे उद्देशे, दंड कहथो जिन राय जी ॥सा०॥१९॥
 जीमणवार में बहिरण जावे, आ साधारी नहीं रीत जी ।
 बरज्यो आचारांग वृहत्कल्प में, बले उत्तराध्ययन निशीथ जी ॥सा०॥२०॥
 आलस नहीं आरा में जातां, बेठी पांत विशेष जी ।
 सरस आहार लावे भर पातर, ज्यां लज्जा छोड़ी ले भेष जी ॥सा०॥२१॥
 चेला करने की चलगत ऊंधी, चाला बहुत चलाये जी ।
 लिया फिर गृहस्थ ने साथे, रोकड़ दाम दिराये जी ॥सा०॥२२॥

बिवेक बिकल ने सांग पहिरावे, भेलो करे आहार जी ।

सामगिरी में जाये बहरावे, फिर २ हुवे खुवार जी ॥सा०॥२३॥

अयोग्य ने दिक्षा दियां ते, भगवन्तरी आज्ञा बाहर जी ।

निशीथ रो दंड मूल न मान्यो, ते बिटल हुवा विकार जी ॥सा०॥२४॥

बिण परलेहचां पुस्तक राखे, तो जमें जीवां रा जाल जी ।

पढ़े कन्थवा उपजे माकड़, जिण बांधी भांगी पाल जी ॥सा०॥२५॥

जावे वर्ष छमास निकल थां, तो पहलो व्रत भुवे खंड जी ।

बिण परलेहां मेलें तिनने, एकमास रो दंड जी ॥सा०॥२६॥

गृहस्थ साथे कहे सन्देशो तो, भेलो हुवो संभोग जी ।

तिणने साधु किम सरधीजे, लाग्यो जोग ने रोगजी ॥सा०॥२७॥

समाचार विवरासुद कहि कहि, सानी कर गृहस्थ बोलाए जी ।

कागद लिखावा करे आमना, परहाथ देवे चलाए जी ॥सा०॥२८॥

आवण जावण बैसण उठण री, जाग्यां देवे बताय जी ।

इत्यादिक साधु कहे गृहस्थ ने तो, बेहुं बराबर थाए जी ॥सा०॥२९॥

गहस्थ ने देवे लोट पातरा, पूठा पड़त विशेष जी ।

रजो हरण ने पूंजणी देवे, तो अष्ट हुवा लेई भेष जी ॥सा०॥३०॥

पूछे तो कहे परठ दिया में, कूड़ कपट मन माँय जी ।

काम पड़े जद जाय उराले, न मिटी अन्तर चाहि जी ॥सा०॥३१॥

कहे परठथां गृहस्थ ने देई, बोले बले अन्याय जी ।

कह्यो आचारांग उत्तराध्ययन में, साधु परठे एकन्त जायजी ॥सा०॥३२॥

करे गृहस्थ स्रं अदलो बदलो, पण्डित नाम धराय जी ।

पूरी पड़ी सगला वरतां री, भेष ले भूला जाय जी ॥सा०॥३३॥

थोड़ो सो उपकरण देवे गृहस्थ ने, तो व्रत रहे नहीं एक जी ।

चौमासी दण्ड निशीथ में गूथ्यो, तिण छोड़ी जिन धर्म टेकजी ॥सा०॥३४॥

बिन अंकुश जिम हांथी चाले घोड़ो बिना लगाम जी ।

एहिची चाल कुगुरां री जाणो, कहिवा ने साधु नाम जी॥सा० ॥३५॥

अनुकम्पा नहीं छहूँ पाननी, गुण बिन कहे हमें साध जी ॥

आचर्चा अनुयोगद्वार में, विरला परमार्थ लाध जी ॥सा० ॥३६॥

कह्यो आचारांग उत्तराध्ययन में, साधु करे चालतां बात जी ।

ऊंची तिरछी दृष्टि जोवे, तो हुवे छकायां रो बात जी ॥सा० ॥३७॥

सरस आहार ले बिनां मर्यादा, तो बंधे लोही री लोथ जी ।

काच मणि प्रकाश करे ज्यूँ, कुगुरु माया थोथ जी ॥सा० ॥३८॥

दबक दबक उतावला चाले, त्रसथावर मारया जाय जी ।

इरज्या सुमत जोयां बिन चाले ते किम साधु थाय जी ॥सा० ॥३९॥

कपड़ा में लोपी मर्यादा, लांवा पहना लगाय जी ।

इधका राखे दोपट ओढे, बले बोले मूसा लाय जी ॥सा० ॥४०॥

हृष्ट पुष्ट कर मांस बधारे, करे वगेरा पूर जी ।

माठा परिणामा नारियां निरखे, तो साधु पणां थी दूर जी॥सा०॥४१॥

उपकरण जो अधि का राखे, तिण मोटो कियो अन्याय जी ।

निशीथ रे सोलमें उद्देशे, चौमासी चारित्र जाय जी॥सा० ॥४२॥

मूरख ने गुरु एहवा मिलिया, ते लेई ह्वसी लार जी ।

सांचो मारग साधु बतावे, तो लड़वा ने होवे त्यार जी ॥सा०॥४३॥

एहवा गुरु साचा करि माने, ते अन्ध अज्ञानी बाल जी ।

फोड़ा पड़े उत्कृष्ट था तिण में, तो रुले अनन्तो कालजी ॥सा०॥४४॥

हलु कर्मी जीव सुण सुण हरये, करे भारी कर्मा द्वेष जी ।

द्वज रो न्याय निन्दा कर जाणे, तो हूवे बले विशेष जी ॥सा०॥४५॥

॥ दोहा ॥

समदृष्टि आरे पांचमे, थोड़ी रीध अल्प रहमान ।
 मिथ्या दृष्टि बोला हुसी, बहु रीध बहु सनमान ॥१॥
 समण थोड़ा ने मूढ़घणा, पांच में आरा ना चैन ।
 भेष लेई साधू तणो, करसी कूड़ा फेन ॥२॥
 साधू अल्प पूजावसी, डायांग अंग में साख ।
 असाधु री महिमां अति घणी, श्री बीर गया छै भाष ॥३॥
 साधू भारग सांकड़ो, भोला ने खबर न काय ।
 जिम दीपक में परे पतंगीयो, तिम पड़े पगां में जाय ॥४॥
 घणां साधु ने साधवी श्रावक श्राविकां लार ।
 उलटा पड़े जिन धर्म थी पड़े नरक मंभार ॥५॥
 महा निशीथ में इम कह्यो, गुण बिना धारे भेष ।
 लाखां कोडां गमां सामठा, नरक पडंता देख ॥६॥
 लीध्या व्रत नहीं पालसी, खोटी दिष्ट अयांण ।
 तिणनें कहि छै नारकी, कोई आप में मति लीज्यो तांण ॥७॥
 आगम थी अबला बहे, साधू नाम धराये ।
 शुद्ध करनी थी वेगला, ते कह्यो कठे लग जाये ॥८॥

॥ ढाल दूजी ॥

(चन्द्रगुप्त राजा सुणो-ए देशी)

सीधा घर आपे साधने, बले ओर करावे आधारे ।
 एहवो उपासरो भोगवे तिणने, बज्र किया लागे रे ।
 तिणनें साधू किम जांणिये ॥ति०॥१॥
 आचारांग दूजे में कह्यो, महादुष्ट दूषण छे तिणमें रे
 जो बीर बचन संबलो करो तो, साधू पणों नहि तिणमें रे ॥ति०॥२॥

साधू अर्थे करावे उपासरो छायो लीप्यो गृहस्थ बाल रागीरे ।
 तिण थानक में रहे तिणनें महा सावज किया लागी रे ॥ ति० ॥ ३ ॥
 त्याने भावे तो गृहस्थ कहै, दियो आचारांग साखी रे ।
 मेष धारी कह्या सिद्धान्त में, भगवन्त काण न राखी रे ॥ ति० ॥ ४ ॥
 सेज्या तर पियड भोगवे, बले कुबुद्ध के लवे कमटी रे ।
 धर्णी छोड आज्ञा ले ओरनी
 सरस आहारादिक रा लम्पटी रे ॥ ति० ॥ ५ ॥
 संवलो दोष न लागे तेहनें, बले निशीथ में दंड भारी रे ।
 अण्णाचारी कह्यो दशवैकालिकै,
 तिण भगवंत री सीख न धारी रे ॥ ति० ॥ ६ ॥
 अनुकम्पा आण श्रावकां तणी द्रव्य दिरावण लाग्या रे ।
 दूजे करण खंड हुयो व्रत पांचों,
 तीजे करण पांचूही भांगा रे ॥ ति० ॥ ७ ॥
 गृहस्थ जीमावण रो करे आमना, बले करे साधु दलाली रे ।
 चौमासी दण्ड निशी थमें व्रत भांगी हुयो खाली रे ॥ ति० ॥ ८ ॥
 करे बांसादिक नो बांधवो, बले किया भीतारा चेजा रे ।
 छायो लीप्यो तेह ने कहिये, सारी करम साजारे ॥ ति० ॥ ९ ॥
 ए कदा वस्तु भोगवे, ते साधू नहीं लवलेसो रे ।
 मासिक दंड कह्यो तेहने, निशीथ रे पंचमे उद्देशो रे ॥ ति० ॥ १० ॥
 बांधे परदा परेच कनात में, बलेचन्दवा सिरकी ने ताटा रे ।
 साधू अर्थे करावे ते भोगवे, त्यांरा ज्ञानादिक गुणनाठा रे ॥ ति० ॥ ११ ॥
 थापी तो थानक भोगवे, त्यां दिया महाव्रत भांगी रे ।
 भावे साधू पणां थी बगुला,
 त्यां ने गुण बिना जांणो सांगी रे ॥ ति० ॥ १२ ॥

काच चश्मो बरज्यो ते राखणो, जाणो दोषण छै थोड़ो रे ।
 पांचमो व्रत पूरो पढ्यो, बले जिण आज्ञा राचोरो रे ॥ ति०॥१३॥
 गृहस्थ आयो देखी मोट को, हाव भाव स्रं हर्षित हूवा रे ।
 बिछावन री करे आमना, ते साध पणां थी जूवा रे ॥ ति०॥१४॥
 गृहस्थ तेइन आयो साधू ने, कपड़ादिक बहिरावण ले जावे रे ।
 इण विधि करैछै तेहिमें, चारित्र किण विधि पावेरे ॥ ति०॥१५॥
 सांम्हो आणो ले जावे तेड़ियो, ए दूषण दोनू ही भारी रे ।
 थां ने टाले केरायत वीर ना,

सेव्या नहीं साध आचारो रे ॥ ति०॥१६॥

धोवणादिक में नीलोतरी बले, जीवां सहित कण भीन्यां रे ।
 एहिवा बहेर सके नहीं, ते परभव स्रं नहिं बीना रे ॥ ति०॥१७॥
 एहिवो अन्न पांणी भोगवे, त्याने साधु केम थापी जे रे ।
 जो सूत्रमें सांचा करे तो, चोरां री पांत घातीजे रे ॥ ति०॥१८॥
 गृहस्थ रा सिम्हाय बोल थोकड़ा, साधू लिखावे तो दूषण लागे रे ।
 लिखायां ने अनुमोदियां, दोय करण ऊपरला भांगे रे ॥ ति०॥१९॥
 पहिले करण लिखायां में पाप छै तो, लिख्यां दूषण उधाड़ो रे ।
 पांच महाव्रत मूल का, त्यां सगला में परिया बधारो रे ॥ ति०॥२०॥
 उपकरण भुलावे गृहस्थ नें, ओ नहीं साधु आचारो रे ।

प्रवचन न्याय न मानियो,

लियो मुगत स्रं मारग न्यारो रे ॥ ति०॥२१॥

गृहस्थ रे उपधरां करे जावतां, किया व्रत चक चूरो रे ।
 सेवक हुवो संसारियो, साधु पणां थी दूरो रे ॥ ति०॥२२॥
 साता पूछे पूछावे अवतर गृहस्थ ने, अव्रत सेवण लाग्या रे ।
 अणाचारी कह था दशवैकालिके,
 बले पांचू ही महाव्रत मांगा रे ॥ ति०॥२३॥

श्रावक नें बले श्राविका, करे महो मांही अकार्य रे ।
 साता पूछे बिना विया वच करे, तिण में धर्म प्ररूपे अनार्य रे ॥ ति० ॥ २४ ॥
 अण्णाचार पूरा नबि ओलख्यां, ते नव भांगा किण विध टाले रे ।
 गृहस्थ ने सिखावे सेवणां, लीधा व्रत नहीं संभाले रे ॥ ति० ॥ २५ ॥
 कारण पड़ियां लेखो कहे साधनें, करे अशुद्ध बहरण री थापो रे ।
 दातार कहं निर्जरा घणी, बले थोड़ो बत्तावे पापो रे ॥ ति० ॥ २६ ॥
 एहवी ऊंधी करे प्ररूपणा, घणां जीवानें उल्टा न्हाखे रे
 अण विचारी भाषा बोलतां, भारी कर्मा जीव न शंके रे ॥ ति० ॥ २७ ॥
 करे अष्ट आचार नी थापणा, कहि कहि दुःखम कालो रे ।
 द्विद्वा आचार छै एहिबो, घणां दूषण को न हुवे टालो रे ॥ ति० ॥ २८ ॥
 एक पोते तो पाले नहीं, बले पाले जिण छं द्वेपो रे ।
 दोय मूर्ख कहन्था तेहिने पहिलो, आचारांग देखो रे ॥ ति० ॥ २९ ॥
 पाठ वाजोट आणे गृहस्थरा, पाछा देवण री नहीं नीतो रे ।
 मर्यादा लोपी ने भोगवे, तिण छोड़ी जिन धर्म री रीतो रे ॥ ति० ॥ ३० ॥
 तिण नें दण्ड कहन्थो एक मास नो, निशीथ रे उद्देशे बीजे रे ।
 ये न्याय मार्ग प्रगट कहन्थो, भारी कर्मा सुण र खीझे रे ॥ ति० ॥ ३१ ॥

॥ बोद्ध ॥

घणां असाधु जिन कहन्था, ते लोकां में साधु कहाय ।
 शंसय हुवे तो देख ज्यो, दशवैकालिक मांय ॥ १ ॥
 ते भेष सगलां से सारखो, ते भोला नें खबर न कांय ।
 व्यवरो वीर बत्तावियो, बीजे गाथा मांय ॥ २ ॥
 ज्ञान दर्शन चारित्र तप, ए चारन्थां में रक्त अपार ।
 एहवा गुण सहित छै, ते मोटा—अण्णगर ॥ ३ ॥

इण विध साध ने ओलखे, ते तो विरला जाण ।
 ए न्याय मार्ग जांण्यां विना, करे अज्ञानी ताण ॥४॥
 चोथे आरे अरिहन्तथाकां, इम हिज खांचा ताण ।
 पाखण्ड में पड़ता घणां, कर्मावश लोग अजाण ॥५॥
 भगडा राड हुंता घणां, चोथा आरा मांय ।
 पांच माह रो कहिवो किसो, ते सुणज्यो चित लाय ॥६॥

❀ ढाल तीजी ❀

(आहुखो टूटी ने सांघे को नहीं रे—ए देशी)

स्वार्थी नगरी वीर पधारिया रे, गोशालो भगड्यो छै तिहां आय रे ।
 लोक भूँडा सुं बांणी इम वधे रे, कुण सांचो कुण भूँठो थाय रे ॥

पाखण्ड वधसी आरे पांचमें रे ॥१॥

घणां लोकां रे मन इम मानियो रे, गोशालो भापे ते सत बाय रे ।
 वीर जिनन्द नहीं चौबीस मां रे, अणहूता बोले मूसा बाय रे ॥ पा०॥२॥
 कई एक तो उत्तम था ते इम कहै रे, गोशालो जिण ने भी करे अन्याय रे ।
 ए सत्यवादी वीर जिनन्द चौबीसमारि, ए कदही न बोले मूसा बायरे ॥पा०॥३॥
 कितरां एक रो शंसय तो मिट्यो नहीं, म्हानें तो समझ पडे नवि काय रे ।
 जिण दिन पिण सगला ही समझा नहीं रे, भोलप घणां थी लोकां मांयरे ॥
 आवक गोशाले रे सुणियां अतिघणा रे, इग्यारह लाख इकसठ हजार रे ।
 वीर नें एक लाख बले ऊपरै रे, गुणसठ सहस्र अधिक विचार रे ॥पा०॥५॥
 जद पिण पाखण्डी था अति घणां रे, तो हिवडा पाखण्डियां रो जोर रे ।
 वीर जिनन्द मुगत गयां पीछे रे, भरत में हुवो अंधारो घोर रे ॥पा०॥६॥
 तिण में पिण धर्म रहसी जिण राज रो रे, थोडो सो आगियांनुं चमत्कार रे ।
 भव को पड़ी ने बले मिट जायसी रे,

पिण निरंतर नहीं इकवीस हजार रे ॥ पा० ॥ ७ ॥

अन्य पूजा होसी शुद्ध साधरी रे,

आंकुच चीर गया छै भाष रे ।

असाधु री पूजा महिमां, अति धणी रे,

ठाणांग मांही तिथरी साख रे ॥ पा० ॥ ८ ॥

ऊग ऊग ने बलि ऊगीयो रे,

ते आथमियां विना किम उगाय रे ।

इन न्याय नहीं भवियण धर्म सास्तो रे,

होय र भट्ट पट बुझ जाय रे ॥ पा० ॥ ९ ॥

लिंगड़ा लिंगड़ी बधसी अति धणां रे,

मांह मांही करसी भगड़ा राड़ रे ।

जे कोई काढे तिण में खूँचणो,

तो क्रोध कर लड़वा ने छे तैयार रे ॥ पा० ॥ १० ॥

बेला बेली करण रा लोभिया रे,

एकन्त मत बांधण काम रे ।

बिकला नें मूँड र मेला किया रे,

दिराया गृहस्थ नें रोकड़ दाम रे ॥ पा० ॥ ११ ॥

पूजरी पदवी नाम धरावसी रे,

म्हे छां शासण नायक श्याम रे ।

पिय आचार में ढीला सुध नबि पालसी रे,

नहीं कोई आत्म साधन रो काम रे ॥ पा० ॥ १२ ॥

आचारज नाम धरायसी गुण विनां रे,

पेट भरसी सारो परिवार रे ।

लंपटी तो हुसी इन्द्री पोखवा रे,

कपट कर न्यासी सरस आहार रे ॥ पा० ॥ १३ ॥

तकसी देखी आरा टेमलो रे, रिगसी जांणी ने जमिणवार रे ।
पांत जिमे त्यां जासी पाधरा रे, आझा लोपी होसी बेकार रे ॥ पा० ॥ १४ ॥

* दोहा *

दावानल लाग्यो अधिक बलि, बाजे बाय अथाय ।
अटवी मोटी ईंधन घणो, ते किम आग बुझाय ॥ १ ॥
आगी छू ईंधन अलगो करे रे, बले हि बाजतो बाय ।
ऊपर जल छू छांटियां, दावानल बुझ जाय ॥ २ ॥
तिम भर जोबन व्रत आदरथा, बले डीलां में पुष्ट काय ।
अति सरस आहार नित भोगवे, तो विषय बधतो जाय ॥ ३ ॥
अति सरस आहार नित भोगवे, बले खीण पड़ी काय ।
बुझावे खेरूँ अग्नि ने, सुमति रस पांणी न्याय ॥ ४ ॥
विषय बधे तिम आहार ने भोगवे, हृष्ट पुष्ट राखण काय ।
मिन्न २ कर नेनखे दियो, सूत्र सिद्धान्त रे मांय ॥ ५ ॥
आ भोलप पड़ी मोटी घणी, तिहां जिह्वादिक मुकलाय ।
खाणो पहिरणो चित दियो, इण संबले सरणो आय ॥ ६ ॥
मेष लेई भगवान रो, खाद्या लोकां रा माल ।
लज्जा संयम बाहरा, कुंदावण रह्यो लाल ॥ ७ ॥
छदमस्त अदला नें ओलखे, ऐ मेष ले भूल्या जाय ।
तिणरी खबर किण बिघ पड़े, ते सुणज्यो चित न्याय ॥ ८ ॥

❀ ढाल चौथी ❀

(थे तो जीव दया व्रत पालो रे—ए देशी)

रस गिरधि हिलियां गटकै रे, सरस आहार कारण भटकै ।
मेष लेई आत्म नहीं हटकै रे, त्पारे चहुंदिशि फंदा लटकै ॥ १ ॥

रंगा चंगा ने डील सत्तूरा रे, लोही मांस बधावण रूड़ा रे ।
 लिया व्रत न पाले पूरा रे, ते शिव रमणी छ' दूरा ॥ २ ॥
 चांपी चांपी ने करे अहारो रे, डील फटे ने बधे विकारो रे ।
 त्यांरी देही बधे आडी ने ऊभी रे, साथल पिंढ्यां पड़ जाये जाड़ी रे ॥ ३ ॥
 घृत दूध दही भीठो भावे रे, कारण विन मांगी ल्यावे ।
 जुदा ल्यावे तसु जणार्ह रे, ए तो पेट भरण रो उपायो ॥ ४ ॥
 कोरो घृत पीवे बिधारी रे, आ' जुगत नहीं ब्रह्मचारी ।
 मर्यादा विन करो आहारो रे, तिण लोपी भगवन्त कारो ॥ ५ ॥
 ताक ताक जावे घर ताजा रे, साधु भेष लियो नवि लाजै ।
 घर घर जाये पड़यो मांडि रे, नहीं दियां भाण जिम भांडै ॥ ६ ॥
 दातारां करे गुण ग्रामो रे, पाड़े नहीं दे तिणरी मामो ।
 करे गृहस्थ आगे बातो रे, नहीं देवे वहरावे त्यारी करे बातो ॥ ७ ॥
 श्रावक श्राविकां ऊपर भमता रे, शिष्य शिष्यणी री नहीं समता ।
 मूँडे बले काल दुकाल, त्यास' व्रत न जावे पाल्या ॥ ८ ॥
 बान्ध्या थानक पकड़ा ठिकाना रे, गृहस्था सु' मोह बंधानां ।
 सुख सिलिया साता कारी रे, इल्या साध रो भेष धारी ॥ ९ ॥
 ए लक्ष्मण कुगुरुआंरा जाणो रे, उत्तम नर हृदय पिछानो ।
 देव गुरु में खोटा जिम धारथ रे, तिणरे छे संसार ज्यादा ॥ १० ॥
 एवा नें गुरु करने पूजे रे, समकित विन संबलो न छझे ।
 तिणरो छे भारी कर्मों रे, ते किम ओलखे जिन धर्मों ॥ ११ ॥
 कुगुरां री झाली पषपातो रे, त्यां ने न्याय री न गर्में बातो ।
 बुध उलटी न मूठ मिठाती रे, साधु वचन सुन्यां बले छाती ॥ १२ ॥
 धनावो सेठ वेटी ने खायो रे, कुशले राजगिरी आयो ।
 झम करसी साधु आहारो रे, तो पहुंचसी मुक्त मंभारो ॥ १३ ॥

॥ दोहा ॥

खोटो नाणो न सांतरो, एक्कण नोली मांय ।
 ते भोलां रे हांथे दियो, जुदो कियो किम जाय ॥१॥
 साधु असाधु लोक में, दोयां रो एक आकार ।
 भोला भेद नबि लेखवे, ते जांणे नहीं आचार ॥२॥
 जिणरी बुद्ध छै निर्मली, ते देखे दोनां री चाल ।
 कुगुरां नें नाके करे, साध बांधे पग भाल ॥३॥
 जे भारी करमां जिवड़ा, ते रक्षा कुड़ी पप भाल ।
 पिण छिपाया छिपे नहीं, ते सुणज्यो कुगुरु री चाल ॥४॥

❀ ढाल पांचमी ❀

(बात सुनो एक म्हांयरी रे—ए देशी)

गृहस्थ लीज्यो साधु कारणे, बले ऊपर छावे छान ।
 मुनिवर तिणरी करे अनुमोदना, ए कपट बुगला ज्यू' ध्यान ।

मु० ते किम तिरसी संसार मैं ॥१॥

थानक भाड़ेलियो भोगवे, ते विटला रा छे काम । मु० ॥
 गच्छ वासी मेला रहे, बले काचो पाणी तिण ठाम ॥ मु० ते० ॥२॥
 भिनख आतरयां ऊपरे, धन उदक थानक रे काजे । मु० ॥
 मोल लिराये मांही बसे, त्यां छोड़ी लोकांरी लाज ॥ मु० ॥ ते० ॥ ३ ॥
 बले जाग्यां बांधण रे कारणे, बले लेवे आउत्तरो माल । मु० ॥
 तिण जाग्य मांहि रक्षां, ओ खांफण वालो ख्याल ॥ मु० ॥ ते० ॥ ४ ॥
 लिंगडा लिंगड्यां कारणे, जाग्यां बांधी मठ जेम ॥ मु० ॥
 मठ वासी ज्यू' माहि बसे, त्यांने साधु कहीजे केम ॥ मु० ॥ ते० ॥ ५ ॥
 ए चालां तो पोते चलावियां, काम पड्यां हुवे दूर । मु० ॥
 थानक भार्यां निमते कहे, कपटी बोले कूड़ ॥ मु० ॥ ते० ॥ ६ ॥

गृहस्थ वेलादिक तप करथां, तिण पासे घाले दण्ड । मु० ॥
 मोला ने पाङ्गा अम में ते हणो जीवारा भंड ॥ मु० ॥ ते० ॥ ७ ॥
 लाहू करावे कर कर आमना, सामग्री देय दिराय । मु० ॥
 ते रस गिरधी चेड़ पड़ा, ते-आंणी २ खाय ॥ मु० ॥ ते० ॥ ८ ॥
 कई भेष धारी भूला। कहे, पोखे घरम के नाम । मु० ॥
 श्रावक ने श्राविका भणी, दया पालण रे काम ॥ मु० ॥ ते० ॥ ९ ॥
 पळे गृहस्थ साध श्रावकतणो, मेलो बांधे तुमार । मु० ॥
 मोल न्यावे त्यां रे कारणे, के घर नी पावे आहार ॥ मु० ॥ ते० ॥ १० ॥
 तिण घर जाथ तेडिया, जूठयो रो ताण्यो श्वान । मु० ॥
 भारी आहार टूटा पड़े, ओ पेट भरण रो काम ॥ मु० ॥ ते० ॥ ११ ॥
 ए जीमण रो नाम दे दियो, ज्यूं प्रत्यक्ष दीसे गोठ । मु० ॥
 काबू करवा आपणो, ऐ चौड़े चलायो खोट ॥ मु० ॥ ते० ॥ १२ ॥
 गुरु चेला एक समुदाय में, ते सगलां री एकण पांत । मु० ॥
 आहार पांणी मेलो करे, तिण में क्या जांणे भांत ॥ मु० ॥ ते० ॥ १३ ॥
 कई चेलां ने जाणे कुशीलिया, त्यां स्रं तो तोड़े समभोग । मु० ॥
 गुरु सुं न तोड़े संकता, ए तो वात अजोग ॥ मु० ॥ ते० ॥ १४ ॥
 श्री वीर जिनेश्वर हम कळो, मेलो राखे भागल जांण । मु० ॥
 तिण गच्छ सुं मेलाप करे, ए द्वय रा अहनाण ॥ मु० ॥ ते० ॥ १५ ॥
 कुशीलिया भागल मेला रहे, तिण रो तोने काडे निकाल । मु० ॥
 कूड कपट करता फिरे, वले साधु सिर दे आल ॥ मु० ॥ ते० ॥ १६ ॥
 प्रशंसा करे आप आपरी, दूषण देवे डांक ॥ मु० ॥
 भागल भागल मिल गया, किण री ना राखे कांण ॥ मु० ॥ ते० ॥ १७ ॥
 ज्यो एकण ने अलगो करे, तो करे घणां रो उधाड़ । मु० ॥
 पलमों दूर कियां डरे, ओ खोटो तणो आहार ॥ मु० ॥ ते० ॥ १८ ॥

पांच सुमति तीन गुप्ति में, दीसे छिद् अनेक । मु० ॥
 पांच महाव्रत माहलो, आखो न राख्यो एक । मु० ॥ ते० ॥ १६ ॥
 ते गुरु नें पूजावतां, आप हूब्यो औरा नें डुबोय । मु० ॥
 हम सांभल नर नारियां, छोड़ो कुगुरु ने जोय ॥ मु० ॥ ते० ॥ २० ॥
 भट्टी काढण कलाल तणे घरे, ऊनो पांखी हुवो तयार । मु० ॥
 लिंगड़ा लिंगड़ी शहर में, बांधें मकोड़ ज्यू'हार ॥ मु० ॥ ते० ॥ २१ ॥
 कदा पांखी आगे ना वे उतरयो, तो त्यां ही लियो विश्राम । मु० ॥
 भर भर न्याया लोट पातरा, खाली करदे ढांच ॥ मु० ॥ ते० ॥ २२ ॥
 पछे फेर भरावे ढामडा, काचो पांखी आंख आंख । मु० ॥
 ते भारी दोष छै पछ्यात रो, ए हूबण रा अहनाण ॥ मु० ॥ ते० ॥ २३ ॥
 त्यांरा परमपरा में निपेदियो, नहीं बहरणो घर कलाल ॥ मु० ॥
 तिण कुण हुकावा बहरवा, मांगी परमपरा नी पाल । मु० ॥ ते० ॥ २४ ॥
 त्यांरे लेखे । तण कुल बहरियां, आवे चोमासी दंड । मु० ॥
 आज्ञा लोपी बड़ा तणी, हुवा जगत में भंड ॥ मु० ॥ ते० ॥ २५ ॥
 धुरस्यु' तो कुल जुगतो नहीं, बीज्यो गृहस्थ ले जावे साथ ॥ मु० ॥
 नित २ बहरे तीसरो, चोथो दोष पच्छ्यात ॥ मु० ॥ ते० ॥ २६ ॥
 बलिमन शंकादिक दूषण घणां, पिणचाबा तो दूषण च्यार ॥ मु० ॥
 ते लिंगड़ा लिंगड़ी टाले नहीं, ते बिटल हुआ बेकार ॥ मु० ॥ ते० ॥ २७ ॥
 यां में कितलायक बहरे नहीं, कई बहरे तिण घर जाय ॥ मु० ॥
 त्यां में कुण साधू ने कुण चोरटा, पेपिणखबर न काय ॥ मु० ॥ ते० ॥ २८ ॥
 जो स्त्री समझे साधा खने, तो धणी ने देवे लगाय ॥ मु० ॥
 मरतोर समझे नार नें, कुगुरु कुबुद्धि सिखाय ॥ मु० ॥ ते० ॥ २९ ॥
 साख बहु मा वेटियां, बले सगा सम्बन्धी मांय ॥ मु० ॥
 त्यां ने 'राग द्वेष सिखावतां, भेद धलावे ताय ॥ मु० ॥ ते० ॥ ३० ॥

कई आवे शुद्ध साधु कने, तो सतियां ने कहे आम ॥ मु०-॥
 ते बरज राखो थारे मिनख ने, जावा मत दथो ताम ॥ मु० ॥ ते० ॥ ३१॥
 कहे दर्शन करवा द्यौ मति, बले सुणवा मत द्यो बरवांण ॥ मु० ॥
 डराय ने न्यावो म्हां खने, ए कुगुरु चरित्र पिछांण ॥ मु० ॥ ते० ॥ ३२॥
 त्यांरी अकल लारे कई वापड़ा, त्यां में बुद्धि नहीं लवलेश ॥ मु० ॥
 दग्ध बरांरा मानशा, करा रक्षा कुडो क्लेश ॥ मु० ॥ ते० ॥ ३३॥
 कई आपचकर भूखा मरे, आ खोटा मतां री रैस ॥ मु० ॥
 तिणरो दिन छै वांकडो, त्यांरे कुगुरां तणो परवेस ॥ मु० ॥ ते० ॥ ३४॥
 हलु कर्मी डरायां डरे नहीं, त्यांरे रुचियो जिणवर धर्म ॥ मु० ॥
 चल जाय कई एक वापड़ा, उदय हुवा उसम कर्म ॥ मु० ॥ ते० ॥ ३५॥
 त्यांरा मत तणा घर मांहिलो, एक फंसियां दुख थाय ॥ मु० ॥
 ताजा आहार पांणी कपड़ा तणो, त्यांरे लेखे पढ़े अन्तराय ॥ मु० ॥ ते० ॥ ३६॥
 पेट रे कारण पापियां, त्यांरे घर में घाले राड़ ॥ मु० ॥
 कलह बधावा री करे आमना, ए खोटा कुगुरु पेट ॥ मु० ॥ ते० ॥ ३७॥
 तिण कारण कुगुरु रह्या, आमी सामी धर्म डोल ॥ मु० ॥
 तो ही आंधा ने भूल स्रष्टे नहीं, जिम तांवा ऊपर भोल ॥ मु० ॥ ते० ॥ ३८॥
 भाग प्रमाणे गुरु कुगुरु मिल्या, ते करमां रो छै दोष ॥ मु० ॥
 इम सांमल नर नारियां, मत करो मांहो-मांही रोष ॥ मु० ॥ ते० ॥ ३९॥

॥ दोहा ॥

मेप धोरी बिगड्यां घणां, पांचमे आरा सांय ।
 नाम धरावे साधरो, पिण देवा शर्म न काय ॥ १॥
 खेत खाध्यो लोकां तणो, पहर नाहर री खाल ।
 ज्युं मेप लियो साधु तणो, पण चाले गंधारी चाल ॥ २ ॥

- सरधां में भूला घणा, ते थापे हिंसा धर्म ।
 बले भ्रष्ट हुआ आचार थी, बांधे बोला कर्म ॥३॥
 आभा फाटें तैं गली, कुण छै देवण हार ।
 ज्युं गुरु सहित गण बीगडयो, त्यारे चहुं दिश पड़था वधार ॥४॥
 चोरी जारी आदि दे, नीपजे माठा कर्म ।
 तो हीं आंधा जाय पगां पड़े, ते मूल ने जाण्ये धर्म ॥६॥
 गुरु गुरणी तणा चरित्र जाणिये, पिण छूटे नहीं पपपात ।
 तो ही निरलज्जा शुद्ध साधु तणी, उठावे अणहुंती वात ॥६॥
 आल देवण आधा घणां, बले डरे नहीं तिल मात ।
 बले भूठ बोले मुख बांधने, ते किम आवे हाथ ॥७॥
 ज्युं रे लाय लागी दशों दिशी, रहे न त्यांरी शुद्ध ।
 ज्युं विनाश काले इणभेप रे, उपनी विपरीत बुद्ध ॥८॥
 कुगुरु चारित्र अनन्त छै, कहतां न आवे पार ।
 हिव भव जीवां प्रति बोधवा, अल्प कहुं विस्तार ॥९॥

❀ ढाल छठी ❀

एक एक तणा दूषण ढांकै, अकार्य करतां नवि संके ।
 त्यां ने कोई नहीं हटकण वालो, एहवा भेष धारी पंचमें कालो ॥१॥
 त्यांरा बितल हुआ चेली चेला, गुरुमांही पिण आवे रेला ।
 लोपी मर्यादा फोड़ी पाल ॥ ए० ॥ २ ॥
 व्रत पचखाण में नहिं सेंठा, ठाम २ थानक मांड़ी बेठा ।
 आ, जिणवर साख थी टालो ॥ ए० ॥ ३ ॥
 साथ लियां फिरे पुस्तक पोथा, आचार पालन जावक थोथा ।
 ते फंस रखा माया जालो ॥ ए० ॥ ४ ॥

करनी करतूत मांही पोला, वले अरड अरड मुख बोला ।
 त्यांरे भूँठ तणो नहीं टालो ॥ ए० ॥ ५ ॥
 विकलां नें मूढ किया भेला, ते नाच रखा कुबुद्धि खेला ।
 जाणे भरमोलिया तिणी वरमालो ॥ ए० ॥ ६ ॥
 त्यांरा श्रावक पण केई मूढ मति, पहलां री वात करे अछेनी ।
 पर भव डरे न आणे देता आलो ॥ ए० ॥ ७ ॥
 नाम धरावे साधु सती, पिण लपण दिसे नहीं एक रती ।
 मूँढे भूँठ तणो वह रखो नालो ॥ ए० ॥ ८ ॥
 कई पढवी धर बाजे मोटा, चलगत ऊंधी लपण खोटा ।
 कण रहता एकन्त परालो ॥ ए० ॥ ९ ॥
 कई लिंगड़ा ने लिंगडी, त्यांरी सुमति गुप्ति धुर स्युं विगडी ।
 अन्तर नवि धान्यो विचारो ॥ ए० ॥ १० ॥
 एक २ टोला में तायफा रहै धणा, तायफ तायफ में भागल धणां ।
 कुण काढे त्यांरो निकालो ॥ ए० ॥ ११ ॥
 उघाड़ मांहीं मांही केम करे, पांणी सगलां रे मांह मरे ।
 लिंगड़ा लिंगड़ियां रोइयो टोलो ॥ ए० ॥ १२ ॥
 मेप मांही करे चोरी जारी, त्यांने गृहस्थ विचे कहिजे भारी ।
 त्यांरे केड़ लिया मूरख वालो ॥ ए० ॥ १३ ॥
 दोषां रो कर रखा गाला गोलो, त्यांरो विगड़ गयो जावक टोलो ।
 त्यां में कुकर्म रो बाधियो चालो ॥ ए० ॥ १४ ॥
 एहवा कर्म करी साधु बाजे, निरलजा मूल नहीं लाजे ।
 निकाल काढ्यां उठे आलो ॥ ए० ॥ १५ ॥
 त्यांरो जथा तथा उखाड़ करे, तो परिवार सहित तिण सुं लढे ।
 भगडो आले बांधे चालो ॥ ए० ॥ १६ ॥

जब आपेई लोकां में उवाड़ पड़े, किण ही भागल में दूर करे ।

तिण ने प्रायश्चित्त विण ले मांह बाड़े ॥ ए० ॥ १७ ॥

ए तो कपट करे लोकिक राखी, इतनी कियां जावे नाकी ।

आहार पांणी आड़ो आवे तालो ॥ ए० ॥ १८ ॥

इम कर कर नें राखे सेखी, त्यां ने केवल ज्ञानी रखा देखी ।

ए तो बेठो तणां करे प्रतिपालो ॥ ए० ॥ १९ ॥

जो आप तणा किरतव देखे, तो ऊंचे स्वर बोले किण लेखे ।

समझे नहिं ज्ञान रहित वालो ॥ ए० ॥ २० ॥

त्यां में अठारह पाप तणों खातो, तो पिण भूरख बोले तातो ।

अज्ञानी आपो नहीं संभालो ॥ ए० ॥ २१ ॥

हृष्ट पुष्टन देहि राखे चंगी, त्यां में मिली मीठी २ चोभंगी ।

तोह बोले आल न पंपालो ॥ ए० ॥ २२ ॥

मोची डूम घोबी ने पिंजारो, ठांगा सु' राज कियो चारो ।

ए दृष्टान्त लीज्यो संभालो ए० ॥ २३ ॥

त्यांने प्रकट किया मांडे कजिया, त्यांरा विगड़ गया साधु आरजिया ।

तिणस्यु' साधु शिर दे आलो ॥ ए० ॥ २४ ॥

ते परिवार सहित नरकां जासी, पछै चहु' मत में गोता खासी ।

अरट तणी ज्यू' घट मालो ॥ ए० ॥ २५ ॥

में सुणियां थीवरी ना बांणो, ते प्रत्यक्ष देख लिया नैणो ।

शंसय हुचै तो सूत्र संभालो ॥ ए० ॥ २६ ॥

अन्धारा सु' चोर रहे राजी, जेहवी कुगुरु तणी जहर बाजी ।

कोई आय पड़े भ्रम जालो ॥ ए० ॥ २७ ॥

वैराग 'घटथो न मेष बध्यो, हाथ्यांरो भार गधां लदियो ।

थक गया गधां भार दियो रालो ॥ ए० ॥ २८ ॥

धुर सुं कई नवतत्व नाहीं भणियां, ते सांग पहिर मुनिराज वण्यां ।
 ज्युं नाहर री खाल पहरी स्यालो ॥ ए० ॥ २६ ॥
 मांही मांही निजर पढ्या खीजे, त्यां ने उपमां श्वान तणी दीजे ।
 वतलायां करे मुख विकरालो ॥ ए० ॥ ३० ॥
 कितला एक अदत्त लेवण लाग्या, कितला एक चौथां सुं भांग्या ।
 निकलियो भरम पडियो दिवालो ॥ ए० ॥ ३१ ॥
 चोरां में चोर जाय वस्या, भागलां में भागल आय धस्या ।
 कचरा कूडा ज्युं ओ गालो ॥ ए० ॥ ३२ ॥
 रस गिरणी ताके घर ने हाटै, वले अवसर देख्यां पाडै वाट ।
 डाकण ज्युं दातार राखे टालो ॥ ए० ॥ ३३ ॥
 इण मेप तणा कुड कपट तणी, कितली एक कक्षो त्रिभुवन धणी ।
 रुलियांरां तणो नहिं रखवालो ॥ ए० ॥ ३४ ॥
 त्याने पिण गुरु जांणी पूजै, समकित विन संवलो नवि छमै ।
 अभ्यन्तर भूंठी आयो जालो ॥ ए० ॥ ३५ ॥
 तिण री दीसे छे सगली कांणी, ते खांच आपणा में ले तांणी ।
 अग्नि ज्युं उठे अन्तर झालो ॥ ए० ॥ ३६ ॥
 समचे कक्षां पिण निन्दया जांणे, बुद्धी अष्ट तया उलटी तांणे ।
 ते कर रक्षा भूंठी झालो ॥ ए० ॥ ३७ ॥
 जे अन्याय मारग रा पपपाती, त्यांरी सुंण २ वल उठे छाती ।
 त्यांरे कुगुरु तणी लागी लालो ॥ ए० ॥ ३८ ॥
 पपपाते त्यांरे नहिं मन भावे, पिण चोर ने चांणो नहिं सुहावे ।
 लार वैरी पूरा लाग्या लारो ॥ ए० ॥ ३९ ॥
 भाव आचारांग में चान्या, कई ठाणांग में धान्या ।
 एवा विकलां ने वीर दिया टालो ॥ ए० ॥ ४० ॥

बले अंग उपांग मूल न छेदे, तिण मांहि पण चाल्या भेदे ।
 ओलख कियो वीर उजियालो ॥ ए० ॥ ४१ ॥
 कितला एक चरित काने सुणियो, कितला एक सूत्र सुं गुणियो ।
 कई प्रत्यक्ष देख लियो वालो ॥ ए० ॥ ४२ ॥
 सूत्र तणो लेहि शरणो, पाखण्ड मत रो कियो निरणो ।
 खोटा नें उत्तम देसी टालो ॥ ए० ॥ ४३ ॥
 तो कुगुरु तणी छे निसाणी, सुण तर्क धरो उत्तम प्राणी ।
 अमृत ज्युं लागे रसालो ॥ ए० ॥ ४४ ॥

॥ दोहा ॥

कई भेष धारी भूलां थकां, ते कर रखा ऊंधी तांण ।
 अव्रत बतावे साध रे, ते सूत्र अर्थ अजान ॥ १ ॥
 त्यां साध पणो नवि ओलख्यो, ते भूल्या भर्म गिवांर ।
 सर्व सावध रा त्याग मुख सूं कहे, बले पाप रो करे आधार ॥ २ ॥
 आहार पांणी कपड़ा ऊपरे, रहा सदा मुरझाय ।
 एहिवा भेष धारथा रे अव्रत खरी, पिण साधां रे अव्रत नांय ॥ ३ ॥
 चार गुण ठाणां अव्रत कही, तठे व्रत नहीं लिगार ।
 देश व्रत गुण ठाणो पांचमो, आगे सर्व वर्ती अणगार ॥ ४ ॥
 जो साधारे अव्रत हुवे तो, सर्व व्रती कुण होय ।
 त्यां रो भाव भेद प्रगट करू, सांभलज्यो सहुकोय ॥ ५ ॥
 आहार उपधने उपासरो, भोगवे दोष सहित ।
 अण्ठ थया आचार सूं, त्यां छोडी साधां री रीत ॥ ६ ॥
 आहार उपधने उपासरो, अशुद्ध दे दातार ।
 ते गुरु सहित दुर्गति पड़े, खाय अनन्ती मार ॥ ७ ॥

सहु दोषां में मोटको, आधा कर्मी जाण ।
 एहिवो थानकादिक भोगवे, त्यां मांगी जिनवर आण ॥८॥
 जिण आज्ञा पाले नहीं, ते मागलां री छे पांत ।
 ते कुण २ अकार्य कर रखा, ते सुणज्यो कर ख्यांत ॥९॥

❀ ढाल सातमीं ❀

(आ अणुकम्या जिन आज्ञा में—ए देशी)

कई भेष धारी कहे म्हे जीव बचावां, ते करे अनोखी अण-हुंता कूका ।
 ते साध पणां रो नाम धरावे, उलटा छ काया मरावण हुका ।
 इण सांग धारयां रो निर्णय कीजे ॥ १ ॥
 पीलू जितरी मुरड माटी में, असंख्याता जीव तो मुख से बतावे ।
 महा बुगल ध्यानी मुनिवर बैठ्या, ऊपर ठाठा २ मुरड नखावे ॥ ६० ॥ १२ ॥
 साधां रे कारण थानक लीपे, पहली पांणी रा जीवा ने मारी ।
 ज्यो उण थानक मांहि साध रहे तो,

तिण ने तो वीर कखो भेष धारी ॥ ६० ॥ ३ ॥

फूटा थानक करावा कारणे, बले खाती सिलावट बैठा २ कमावे ।
 केलू कुटी जे ने चूनों दरीजे, ए पिण चाला कुगुरु चलावे ॥ ६० ॥ ४ ॥
 एक अंकुरा वनस्पति में, जीव अनन्ता तो मुख सुं बतावे ।
 जो थानक ऊपर नीलो उगे तो, सानी कर दुष्ट जीवां सुं कटावे ॥ ६० ॥ ५ ॥
 दडता नीपता ने थानक चुणतां, कीडा माकड़ादिक मरे अथागे ।
 डरे नवि दुष्ट अकार्य करतां,

त्यरि करम जोगे डंक कुगुरां रो लाग्यो ॥ ६० ॥ ६ ॥

बले छपरा छावे छावतां ने केलु फेर बतावे,

तठे नीलण फूलण जीव मरे अनन्ता ।

जमीयां जाला उखाले अज्ञानी, ते पिण कुगुरां रे काजे हयांता ॥ ६० ॥ ७ ॥

ए थानक काजे जीव हणें दुष्टी, हण वालो दूजो करण जाणो ।

सरावण वालो तीजो करण हूच्यो,

पछे अन्नत लेखे वरोवर जांणो ॥ ६० ॥ ८ ॥

जिण थानक करावण अर्थ दियो, ते सर्व हिंसा रो कहिजे नायक ।

धर्म काजे दुष्टी जीवहणें, अनन्ता जीवां रो हुवो दुख दायक ॥ ६० ॥ ९ ॥

अनन्ता जीव मारी ने थानक कीच्यो, बले दिन २ अनन्ता मारे छे आगे ।

मेष धारयां सहित श्रावकां ने पूछी,

इण थानक रो पाप किण २ ने लागे ॥ ६० ॥ १० ॥

कोई श्रावक राते अछायां सोवे तो, तिणने पाप लाग्यो कहै छै निमासी ।

ओ थानक सदां ई अछाया रहे छे,

तिण पाप सुं दुर्गति कुण २ ज्यासी ॥ ६० ॥ ११ ॥

सठ बासी ज्यू तिण में मुरभाय रहा छै,

बले थानक री राखे धणी आपो ।

सार संभाल करे पड़ियां धुड़ियां,

तिणने लागे छे निरन्तर पापो ॥ ६० ॥ १२ ॥

कोई पूछे तो कूड़े बोले कपटी, श्रावक रे काजे कीच्यो बतावे ।

जो सांचा हुवे तो मांय रहणो त्यागे,

पछे कुण २ श्रावक थानक करावे ॥ ६० ॥ १३ ॥

छ काया हणी ने थानक कीच्यो, ते तो थानक छे आधा कर्मी ।

तिण थानक मांहि साध रहे तो,

धर्म सुं भिष्टी नहीं जिन धर्मी ॥ ६० ॥ १४ ॥

बले गृहस्थ कहां तिणा ने बीर जिनैवर,

महा सावज किरिया लागे भारी ।

आचारांग दूजे श्रुतस्कन्धे मेष ले रया कक्षा मेष धारी ॥ ६० ॥ १५ ॥

आधा कर्मी थानक में साध रहे तो, नरक निगोद में भौंका खावे ।

ए भाव भगवती में वीर कथ्यो छै,

बले चहुँगत मांय घणो दुख पावे ॥ ई० ॥ १६ ॥

साधां रे कारण थानक करावे, ते गरम में आड़ा आवे दाता ।

त्याने काप २ काटे नान्हां करतां,

बले नरक में मार अनन्ती खातो ॥ ई० ॥ १७ ॥

धर्म रे कारण जीव हणो त्यानें, मन्द बुद्धि कद्यो दशमें अंगे ।

दया ने छोड़ हिंसा ने थापी,

डुवा रे डुवा थै कुगुरां रो संग ॥ ई० ॥ १८ ॥

धर्म हिंसा रकियां समकित जावे, बले जन्म मरण दुख बन्द ।

यथा योग्य वीर वचन सांचा करि सरथे,

पाहिले अध्ययन आचारांग मांयो ॥ ई० ॥ १९ ॥

इम सांभल उत्तम नरनारी, देव गुरु धर्म काजे हिंसा नवि कीजे ।

आर उपध सेज्यां ने संथारो,

निर्दोष हुवे तो दे लाहो लीजे ॥ ई० ॥ २० ॥

न्याती अन्याती आवक अणआवक ने, आधी आखी रात थानक में बसावे ।

निशीथ रे आठमें । उद्देशे,

चार महीना रो चारित्र जावे ॥ ई० ॥ २१ ॥

बासा रूप रहे तिण ने नवि निपेदे, कोई निपेद्यां पछे रहै ज्योरी दावै ।

तिण साथे वारे जावे,

पाछे तिणने दंड चोमासी आवे ॥ ई० ॥ २२ ॥

सिद्धान्त रा पाठ में वीर निपेद्यो, कोई निपेद्यां पछे रहे जोरी दावे ।

तिण साथे वारे जावत्यां,

पाछै तिण ने दंड चोमासी आवे ॥ ई० ॥ २३ ॥

कुड़ा २ अर्थ बतावे लोकां ने, आप हून्वा करे औरां ने भारी ।
अणहुंता अर्थ सुं पाठ उथापे,

टांको भाले न हुवे अणन्त संसारी ॥ ई० ॥ २४ ॥
उद्देशिक अशनादिक भोगवे, बले मोल लीध्यो उपधादिक ।
आंरो नित पिंड भोगवे एकरा घर को,

एहवा साधु जासी नरक मंभारो ॥ ई० ॥ २५ ॥
ए तो भाव कहा उत्तराध्ययन मांदि, वीसमां अध्ययने काढो निकालो ।
त्याने पिण गुरु जांण बांधे अज्ञानी,

त्यांरी आभ्यन्तर फूटी आयो कर्म जालो ॥ ई० ॥ २६ ॥
गाम वारे उत्तरचो कटक संथ वाडो, तियां गोचरी जावे तो पाछो आवे ।
कोई जिन आज्ञा लोपी नें रात रहे तो,

चार महीना रो चारित्र जावे ॥ ई० ॥ २७ ॥
ए तो बृहत्कल्प रे तीजे उद्देशे, साधु ने कटक में न रह्यो रातो ।
कोई रात रहे बले दोष न सरधे,

तिण मूर्खां री मानें मूर्ख वातो ॥ ई० ॥ २८ ॥
एहवा भारी दोष जांणी ने सेवै, बले बतलायो बोले नहीं विशुद्धा ।
ते समझायो समझै नवि मूर्ख,

जिन आज्ञा ने लोपी ने पड़िया ऊंधा ॥ ई० ॥ २९ ॥
एहिवा भेष धारी साधां रे भेष मांही, ते आप हूवे औरां ने डुबोवे ।
त्याने बांधे पूजे ते सतगुरु जांणी ने,

ते पिण मानव रो भव खोवै ॥ ई० ॥ ३० ॥
अशुभ करम उदै सु संवलो न सद्धे, त्याने गुरु मिलिया हीणा आचारी ।
त्यांरी सेवा भक्ति कियां ह्ये फल लागे,

जो टांको भले तो होवे अणन्त संसारी ॥ ई० ॥ ३१ ॥

हम सांभल उत्तम नर नारी, एहिवा भेष धारी सुं रहिज्यो दूरा ।
साधां री सेवा करे चित चोखे,

ते तो चारित्र विचक्षण प्रवीण पूरा ॥ ई० ॥ ३२ ॥

॥ दोहा ॥

भेष पहरथो भगवान रो, साधु नाम धराय ।
पिण आचार में ढीला घणां, ते कह्यो कठा लग जाय ॥१॥
त्यां ने बान्धे पूजे गुरु जाण ने, बले कूड़ी करे पक्षपात ।
त्यां भूँठा ने साचा करण खपे, त्यांरे मोटो साल मिथ्यात ॥२॥
कुगुरु तणा पग बांधने, आगे डूब्या जीव अनन्त ।
बले दूवे नै दूवसी घणां, त्यांरो कहता न आवे अन्त ॥३॥
साधु मारग छै सांकड़ो, तिण में न चाले खोट ।
आगार नहीं त्यांरे पापरो, त्यां वरत किया नब कोट ॥४॥
भेष धारी भागल घणां, त्यां सुं पले नहीं आचार ।
ते कुण २ अकारज कर रह्या, ते सुणज्यो विस्तार ॥५॥

॥ ढाल आठमीं ॥

(साधु तम जांणो इण चलगत सुं—ए देशी)

कुगुरु तणी चरित्र चौड़े करस्युं, सूत्र नी देई साख जी ।

समता आंण सुनो भव जीवां, श्री वीर गया छै भाप जी ।

साधु मत जांणो इण आचारे ॥१॥

जो थे कुगुरु ने सेंठां कर भाल्या, तोई सुण २ म करो द्वेष जी ।

सांच भूँठा रो करो निवेरो,

सूत्र सामो देख जी ॥ सा० ॥२॥

जीवणवार मांय सुं कोई गृहस्थ न्यावे, धोवण पांणी मांड जी ।

ते आपण धरे आंण बहरावे, ते करे भेष न मांड जी ॥ सा० ॥३॥

जो जाय २ ने साधु बहरे, तिण लोप दियो आचार जी ।

ए प्रत्यक्ष सामो आणो बहरे,

त्याने केम कहिजे अणगार जी ॥ सा० ॥४॥

ए अणआचार उघाड़ो सेवै, ते सामो आणयो ले आहार जी ।

ए दशवैकालिक तीजे अभ्ययने,

कोई जोवो आख उघाड़जी ॥ सा० ॥५॥

साध साधवी थरड़े मात्रे, एकण दरवाजे जाय जी ।

ते बीर बचन सुं उलटां पड़िया,

ए चोड़े करे अन्याय जी ॥ सा० ॥६॥

गांव नगर पुर पाटण पाड़ो, तिणरो हुवे एक निकाल जी ।

तिहां साधु साधवी नहीं रहे भेला,

आ बांधी भगवत पाल जी ॥ सा० ॥७॥

एकण दरवाजे साधु साधवी, जावे नगरी बार जी ।

तो अप्रतीति उठे लोकां में,

कई व्रत भांगे हुवे खराब जो ॥ सा० ॥८॥

शुदो २ निकाल छै ते पिण, लेई जावे एकण दरवाजे जी ।

धेटां । हटक न माने किणरी,

बले न माने मन में लाज जी ॥ सा० ॥९॥

एक निकाल तिहां रहणो ही बरज्यो, तो किम जाये एकण द्वार जी ।

ए बृहत्कल्प रे पहले उद्देश्ये,

ते बुद्धिवंत करो विचार जी ॥ सा० ॥१०॥

गृहस्थ ने घर जाये गोचरी, जड़ियो देखे द्वार जी ।

तियां शुद्ध साधु तो फिर जाये पाछा,

भागल जावे खोल कियाड़ जी ॥ सा० ॥११॥

कई मेघ धारथां रे एहिंवी सरघा, जो जड़ियो देखे द्वार जी ।

तो धनीं तणी आज्ञा लेई ने,

मांही जावे खोल किवाड़ जो ॥ सा० ॥१२॥

हाथ सुं साधु किवाड़ उघाड़े, मांही जावे बहिरण ने आहार जी ।

इसड़ी ढीली करे प्ररूपणा,

ते वितल हुआ बेकार जी ॥ सा० ॥१३॥

किवाड़ डघाड़ी ने आहार बहरणो, मूल न सरघे पाप जी ।

कदा न गया तो पिण गया सरीखा,

आकर राखी छे थाप जी ॥ सा० ॥१४॥

किवाड़ उघाड़ ने बसहण जावे, तो हिंसा जीवां री थाय जी ।

ते आवश्यक सुत्र मांही बरज्यो,

चोथा अध्ययन रे मांही जी ॥ सा० ॥१५॥

गांव नगर वारे उतरयो, कटक संथ वारो ताय जी ।

जो साधू रात रहे तिण ठामें,

ते नहिं जिण आज्ञा मांही जी ॥ सा० ॥१६॥

एक रात रहे कटक में तिण ने, चार मास रो छेद जी ।

ए बृहत्कल्प रे तीजे उद्देशे,

ते सुण २ मकरो खेद जी ॥ सा० ॥१७॥

इसरा दोष जाणी ने सेवे, तिण छोड़ी जिन धर्म रीत जी ।

एहिंवां अष्टाचारी भागल,

त्यांरी कुण २ मानसी प्रतीत जी ॥ सा० ॥१८॥

बिन कारण आख्यां में अंजन, घाले आख मंभार जी ।

त्याने साध किम सरधीज्यो,

त्यां छोड़ दियो आचार जी ॥ सा० ॥ १९ ॥

विन कारण आख्यां में अन्नजन, घाले आंख मझार जी ।
 त्यांने साधवियां केम सरधीजे, त्यां छोड़ दियो आचार जी ॥सा० ॥२०॥
 विन कारण जो अन्नजन घाले, तो श्री जिन आज्ञा बाहर जी ।
 दशवैकालिक तीजे अध्ययने, ओ उघाड़ो अनाचार जी ॥ सा० ॥ २१ ॥
 बस्त्र पात्र पोथी पानादिक, जाय गृहस्थ रे घरे मेल जी ।
 पछे कर विहार दे धरणी भलावण, तिण प्रवचन दी ठेल जी ॥सा०॥२२॥
 पछे गृहस्थ आमा सामां मेलतां, हिंसा जीवां री थाय जी ।
 तिण हिंसा सुं गृहस्थ ने साधु, दोनुं भारी हुवा ताय जी । सा०॥२३ ॥
 भार उपड़ावे गृहस्थ आगे, ते किम साधु भाय जी ।
 निशीथ रे बारहवें उद्देशे, चोमासी चारित्र जाय जी ॥ सा० ॥२४॥
 बले बिय पड़लेयां रहे सदा, नित गृहस्थ रे घर मांहि जी ।
 ओ साधपणो रहसी किम त्यांरो, जोवो सूत्र रो न्याय जी ॥सा०॥२५॥
 जो विन पढ़लेहां रहे एकण दिन, तिण ने दण्ड कहथो मासीक जी ।
 निशीथ रे दूजे उद्देशे, तिण जोय करो तहतीक जी ॥ सा० ॥ २६ ॥
 सानी कर साध दिरावे रुपिया, व्रत पांचमो भांग जी ।
 बले पूछे झूठ कपट सुं बोले, त्यां पहर बिगारथों सांग जी ॥सा०२७॥
 न्यातीला ने दाम दिलावे, त्यांरो मोह न मिटियो कोय जी ।
 बले साल संभाल करावे त्यांरी, ते निश्चय साध न होय जी ॥सा०॥२८॥
 अनर्थ रो मूल कहथो परिग्रहो, ठाणंग तीजे ठाण जी ।
 तिणरी साधु करे दलाली, ते पूरा मूढ़ अथाण जी ॥ सा० ॥ २९ ॥
 रीत उंधाले ले पांणी ठारे, गृहस्थ रा ठांव मंझार जी ।
 मनमाने जब पाछा सूं पे, ते श्री जिन आज्ञा बाहर जी ॥ सा० ॥ ३० ॥
 गृहस्थ रा भाजन में साधु जीमें, अशनादिक आहार जी ।
 तिण ने अष्ट कहथो दशवैकालिक में, छठा अध्ययने मंजार जी ॥सा०॥३१

कही सांग पहिरे साधवियां बाजे, पिण घट में नवि बिबेक जी ।
 आहार करे जब जडे किंवाण, दिन में वार अनेक जी ॥ सा० ॥ ३२ ॥
 ठरड़े मात्रे गोचरी जावे, जब आडा जडे किवाड़ जी ।
 बले साध खने आवे तोही जरने, त्यांरो बिगड़ गयो आचारजी ॥ सा० ॥ ३३ ॥
 साधवियां ने जड़वो चाल्यो, ते सीलादिक राखण काज जी ।
 ओर काम जो जडे साधवी, त्यां छोडी संजम लाज जी ॥ सा० ॥ ३४ ॥
 आवश्यक मांहि हिंसा कही, जडियां आलोवण खाते ताय जी ॥
 मन करणे जड़वो नही बंधै, उत्तराध्ययन पेंतीसमां मांहि जी ॥ सा० ॥ ३५ ॥
 ओषध आदि दे वहरी आंणे, कोई वासी राखे रात जी ।
 ते जाय मेले गृहस्थ रा घरमें, पछे नित न्यावे परमात जी ॥ सा० ॥ ३६ ॥
 ओर थको गृहस्थ ने खूपे, ओ मोटो दोष पिछान जी ।
 बले बीजो दोष वासी राख्यां रो, तीजो अजेखा रो जांण जी ॥ सा० ॥ ३७ ॥
 बले चोथो दोष पूछ्यां भूठ बोले, वासी राख्यो न कहे मूढ जी ।
 कई मेपधारी छै एहिवा भागल, त्यांरे भूठ कपट छै गूढ जी ॥ सा० ॥ ३८ ॥
 औषधादिक वासी राख्यां, वरतां में पड़े बधार जी ।
 कह्यो दशवैकालिक तीजे अध्ययनें, वासी राखे तो अनाचारजी ॥ सा० ॥ ३९ ॥
 कहि आधा कर्मी पुस्तक बहिरे, बले तेहिज लीध्यो मोल जी ।
 ते पिण सामो आणयां वहरे, त्यांरे पूरी जांणजे पोलजी ॥ सा० ॥ ४० ॥
 कोई आप खने दीक्षा ले तिण नें, सानी कर मेले साज जी ।
 पुस्तक पानादिक मोल लिरावे, बले कुण २ करे अकाज जी ॥ सा० ॥ ४१ ॥
 गच्छ वासी प्रमुख आगा सुं, लिखावे सूत्र जांण जी ।
 पहला मोल करावे परतां रो, संच करावे ताय जी ॥ सा० ॥ ४२ ॥
 रुपिया मेले ओर तणो घरे, इसडो सेंठो करे काम जी ।
 ते पिण हांथ परत आया विण, दीक्षा दे काढे ताम जी । सा० ॥ ४३ ॥

पच्छे गच्छ बासी भागलां सुं डरतां, परत लिखे दिन रात जी ।

जीव अनेक मरे तिण लिखतां, करे तस थावरनी घात जी ॥ सा० ॥ ४४ ॥

इण विध साधु परत लिखावे, तिण संजम दियो खोय जी ।

जे दया रहित छै एहिवा दुष्टी, ते निश्चय साधु न होय जी ॥ सा० ॥ ४५ ॥

छे काय हणी ने प्रति लिखी ते, ते आधा कर्मी जाण जी ।

तेहि साधु जो परत बहरे, तो भागलां रा अहनाण जी ॥ सा० ॥ ४६ ॥

बले ते हिज परत टोलां में राखे, ते आधा कर्मी जाण जी ।

जे सामल हुवा तो सगला हूया, तिणमें शंका मत आण जी ॥ सा० ॥ ४७ ॥

आधा कर्मी राले बाल रुले तो, ऊतूकिण्टो काल अनन्त जी ।

दया रहित कह्यो तिणसाधु ने, भगवती मे भगवन्त जी ॥ सा० ॥ ४८ ॥

कोई श्रावक साधु समीपे आये, हरष बांधे पग झाल जी ।

जद साध हांथ दे तिणरे माथे, आ चोडे कुगुरु री चाल जी ॥ सा० ॥ ४९ ॥

गृहस्थ रे माथे हाथ देवे तो, गृहस्थ बरोवर जाण जी ।

एहिवा बिकलां ने साधु सरघै, ते पिण बिकल समान जी ॥ सा० ॥ ५० ॥

गृहस्थ रे माथे हांथ दियो तिण, गृहस्थ सुं कियो संभोग जी ।

तिण ने साधु किम सरघीजे, लाग्यो जोग ने रोग जी ॥ सा० ॥ ५१ ॥

दशवैकालिक आचारांग मांहि, बले जोवो खत्र निशीथ जी ।

गृहस्थ ने माथे हांथ देवे तो, आ प्रत्यक्ष ऊंधी रीत जी ॥ सा० ॥ ५२ ॥

बले चेला करे तो चोर तणीं पर, ठग फांसीगर ज्यूं जाम जी ।

उजबक ज्यूं तिणने उक्कावे, लेजाये मुंडे ओर गामजी ॥ सा० ॥ ५३ ॥

आछो आहार दिखावे तिणा ने, कपड़ादिक मोहे दिखाय जी ।

इत्यादिक लालच लोभ बतावे, मोलां ने मूंडे भरमाय जी ॥ सा० ॥ ५४ ॥

इण विधी चेला कर मत बांधे, ते गुण विन कौरो भेष जी ।

साध प्रणा नो सांग पहिरी ने, भारी हुबो विशेष जी ॥ सा० ॥ ५५ ॥

मुंड मुंडाय मेलो कीप्यो, त्यां सुं पले नहीं आचार जी ।

भूष त्रिषा पिण खमणी न आवे, जद लेवे अशुद्ध आहारजी ॥सा०॥५६॥

अनल अजोग ने दिक्षा दे दियां, तो चारित्र रो हुवे खंड जी ।

निशीथ रे उद्देशे इग्यारमें, चोमासी रो दंड जी ॥ सा० ॥ ५७ ॥

विवेक विकल बालक बूढ़ां ने, पहिरावे सांग सताव जी ।

त्यां ने जीवादिक पदार्थ नव रा, जावक न आवे जबाब जी ॥सा०॥५८॥

शिष्य करणो तो निपुण बुद्धि बालो, जीवादिक जाणो ताय जी ।

नहिं त एकलो रहणों टोलामें, उत्तराध्ययन बत्तीसमें मांहि जी ॥सा०॥५९॥

कहि दड़ लीपे हांथा सुं थानक, ते पिण डग लिया कूट जी ।

इसड़ो काम करे तिण साधू, पाड़ी भेष माहिं फूट जी ॥ सा० ॥ ६० ॥

जो दड़ लीपे थानक ने साधु, तिण श्री जिन आज्ञा भंग जी ।

तीजा बरत री तीजी भावना, तियां बरज्यो दशमें अंग जी ॥सा०॥ ६१ ॥

छती साधवियां छै टोला में, बले कारण न पडथो कोय जी ।

तो पिण दोय साधवियां रहे छै, ओ दोष उधाड़ो जोय जी ॥सा०॥६२॥

दो साधवियां कर चोमासो, ते जिन आज्ञा में नांहि जी ।

त्याने बरज्यो छै व्यवहार सूत्र में, पांचमें छठे उद्देशा मांहि जी ॥सा०॥६३॥

कारण बिना एकली साधवी, अशनादिक बहिरण जाय जी ।

बले ठरड़ पिण एकलड़ी जावे, ते नहिं जिन आज्ञा मांहि जी ॥सा०॥६४॥

बले एकलड़ी ने रहणो बरज्यो, इत्यादिक बोल अनेक जी ।

बृहत्कल्प रे पांचमें उद्देशे, ते समझो आण विवेक जी ॥सा०॥६५॥

कुगुरु एहिवा हीण आचारी, साधां छं देय भिड़काय जी ।

आप तणा किरतबसुं डरता, जिण मारग दियो छिपाय जी ॥सा०॥६६॥

इसड़ा कुगुरां ने गुरु कर माने, त्यांरे आभ्यन्तर में अन्धकार जी ।

गुरु में खोट पाये अज्ञानी, ते चाल्या जन्म विराध जी ॥सा०॥६७॥

अशुभ कर्म ज्यारे उदय हुवा, जब इसंडा गुरु मिलिया आयं जी ।
 एध बिच होय जावक बूढा, पछे चहुंगत गोता खाय जी ॥सा०॥६८॥
 हम सांभलो उत्तम नरं नारी, छोड़ो कुगुरु रो संग जी ।
 सत् गुरु सेवो शुद्ध आचारी, दिन २ चंदतो रंग जी ॥सा०॥६९॥
 आसीज्याप करी कुगुरु ओलखावन, शहर पिपाड़ मंझार जी ।
 समत अठारह ने बरस चोतीसे, आसोज सुदि ७ बुधवार जी ॥सा०॥७०॥

॥ दोहा ॥

मेष धारी भूला फिरे, त्यारे घोर रुद्र संसार ।
 बले अष्ट थया आचार थी, त्यांरी भोला करे पक्षपात ॥ १ ॥
 आहार उपध उपासरो, अशुद्ध भोगवे जांण ।
 त्यां सुं आचार री चर्चा कियां, तो लागे जहर समान ॥ २ ॥
 बले जीव हिंसा खूं डरे नहीं, शंके नभि करता अकाज ।
 बले धर्म कहे हिंसा किया, न आणे मन में लाज ॥ ३ ॥
 पिण भोलां ने खबर पड़े नहीं, चोड़े आचार री बात ।
 थोड़ी सी प्रगट करूं, ते सुणज्यो विख्यात ॥ ४ ॥
 दुखमों आरो पांचमो, वणो हलाहल मान ।
 तिणमें मेष धारी हुसी घणां, कूड़ कपट री खांण ॥ ५ ॥
 ए कुबुद्धि खेला ज्युं नाचसी, इण साधु तणो मेष मांहि ।
 बले हिंसा धर्म प्ररूप ने, ए पड़सी नरक में जाय ॥ ६ ॥
 त्यां रा विकल आवक ने आविका, ते करसी कूड़ी पक्षपात ।
 त्यां ने कुष्ट कटागरो सिखायने, त्यां ने पिण लेसी साथ ॥ ७ ॥
 त्यां रे अन्धकूप ने जलो जथां, दिवस जिसमें रात ।
 घूघू स्यारिखा होइ रखा, बले दिन २ अधिक मिथ्यात ॥ ८ ॥

ए नव २ आकारां नव कड़ा, ते जासी नरक मभार ।

महानिशीथ में इम सुण्यो, ते सुणज्यो विस्तार ॥ ६ ॥

॥ ढाल नवमीं ॥

(सल कोई मत राखज्यो—ए देशी)

आचार्य ने साध साधवी, बले आवक आविका जांणो रे ।

ए गुण बिना नाम धराय नें, नरकां जासी त्यांरो परमाणो रे ।

इण विधि ओलसो नव कड़ा ॥ १ ॥

पिच्यावन कोड़ लाख पिच्यावन, बले पिच्यावन हजारो रे ।

पांच सो ने पिच्यावन ऊपरे,

आचार्य जासी नरक मभारो रे ॥ ई० ॥ २ ॥

छयासठ कोड़ ने छयासठ लाख, बले छयासठ हजारो रे ।

छ सौ ने छियासठ ऊपरे,

साधु जासी नरक मभारो रे ॥ ई० ॥ ३ ॥

सितन्तर कोड़ लाख सितन्तर बले, सितन्तर हजारो रे,

सात सो सितन्तर ऊपरे,

साधवियां जासी नरक मभारो रे ॥ ई० ॥ ४ ॥

अठ्यासी कोड़ लाख अठ्यासी, बले अठ्यासी हजारो रे ।

आठ सौ ने अठ्यासी ऊपरे,

आवक जासी नरक मभारो रे ॥ ई० ॥ ५ ॥

निन्यानवै कोड़ लाख निन्यानवै, बले निन्यानवै हजारो रे ।

नव सौ निन्यानवै ऊपरे,

आवकियां जासी नरक मभारो रे ॥ ई० ॥ ६ ॥

इये आचार्य ने साधु साधवी, पदवी घर बाजे मोटा रे ।

जे नरक जासी इण मेप में,

त्यांरा लपण घणां छै खोटा रे ॥ ई० ॥ ७ ॥

ते अष्ट थया आचार थी, व सरघा में मूढ मिथ्याती रे ।

पहर ने सांग साधां तणो,

पिण थोथा चिणा रा साथी रे ॥ ई० ॥ ८ ॥

खाय पिये देही सुख से रहे, बले डीलां में बण रहा रूंडा रे ।

गोचरो विहार करे जाणे,

जाण रावलां कोतुक छुटार रे ॥ ई० ॥ ९ ॥

ए तो फिरता बचन बोले घणां, बले कूड कपट में राच रे ।

चरचा करे तिण अवसरे,

जाणे उघड़ उघाड़ा नाचै रे ॥ ई० ॥ १० ॥

न्याय निर्णय किया बिनां, कर रहा फेन फतूर रे ।

जो खत्र री चर्चा करे तो,

पग २ जाय कूड़ रे ॥ ई० ॥ ११ ॥

कूड़ कपट करि मत बांधता, ते तो पेट भराई काजे रे ।

आचार में ढीला घणां,

तोही निरलज्जा मूल न लाजे रे ॥ ई० ॥ १२ ॥

ते साधू नाम धराय ने, ठांव ठांव थानक करावै रे ।

तिण सानी सुं कर कर आमना,

छ काय जीवां ने मरायै रे ॥ ई० ॥ १३ ॥

आधा कर्मी थानक ने भोगवे, बले सांग साधां रो धारियो रे ।

छ काय जीवां ने मरावतां,

ओ तो पीहर पूरो पड़ियो रे ॥ ई० ॥ १४ ॥

बले परदा परेच बन्धावतां, चन्द्र वा सरकी टाटारे ।

बले छपरा छान करावतां,

तिणरा ज्ञानादिक गुण नाठा रे ॥ ई० ॥ १५ ॥

इत्यादिक थानक रै कारणे, जीव हथे बारं बारो रे ।

एहिवा थानक साधु भोगवे,

ते जासी नरक मंझारो रे ॥ ई० ॥ १६ ॥

साधु थैई उद्देशिक भोगवे, बले मोल लियो बहरे अहारो रे ।

नित पिंड बहरे एकरा घर रो,

ते जासी नरक मंझारो रे ॥ ई० ॥ १७ ॥

हथे उत्तराध्येयन वीस में, वीर ना बचन संभालो रे ।

जै उद्देशिकादिक भोगवे,

तियां रे किम होसी नरक खं टालो रे ॥ ई० ॥ १८ ॥

धी खांड लाइ मिथ्री मोल लै, त्यांरा भर २ मेलै चाडा रे ।

मोल ले बहरावे साधने,

ते तो गर्म में आवसी आडा रे ॥ ई० ॥ १९ ॥

धी खांड लाइ लेले, मिसिरिया मोल री लीधी बहरण जाणो रे ।

बले साधु बाजे इण लोक में,

ते तो पूरा मूढ अयाणों रे ॥ ई० ॥ २० ॥

जो चेलो हुवे जाणे आपरो तो, उण नो रोकड़ा दाम दिरावे रे ।

पांचमों महान्रत भांगनै,

तो हि साधूरो चिड़द धरावे रे ॥ ई० ॥ २१ ॥

जीवादिक जाणे नहीं तेने, पांचो ही महान्रत उचरावेरे ।

साधूरो सांग पहरायनै,

भोला लोकाने पगावै रे ॥ ई० ॥ २२ ॥

बालक बूढ़ो देखे नहीं थारो, पानो पड़े ज्यूं ज्यूं छुं डै रे ।

नामना करवा आपरी ते,

तो मान बड़ाई छुं वूडे रे ॥ ई० ॥ २३ ॥

चैला करवा कारणे, मांहो मांहि भगडो माडै रे ।

फांटो तोडो करतां लाजे नहीं,

इण साधां रे भेष ने भांडे रे ॥ ई० ॥ २४ ॥

गामां नगरां समंचार भेलवा, सानी कर गृहस्थ बुलावै रे ।

कागद लिखावे तिण खने,

विचरो आप बतावे रे ॥ ई० ॥ २५ ॥

गृहस्थ आगे वियांवच करावियां, साधु ने कहयो अणाचारी रे ।

दशवैकालिक तीजे अध्ययने,

कोई बुद्धिबंत लीज्यो विचारो रे ॥ ई० ॥ २६ ॥

भागल टूटल त्यामें घणां, त्यारो कुण काढे निकालो रे ।

थोडा सा त्याने छेड़वा,

उलटा दे अनारखी आलो रे ॥ ई० ॥ २७ ॥

आप सरीखा करवा खपै, दे दे अणहुन्ता आलो रे ।

त्यारे पर भव री चिन्ता नहीं,

त्यारे झूठ तणो नवि टालो रे ॥ ई० ॥ २८ ॥

शुद्ध साधु रे माये आल दे, त्यारे टोलां में ते सपूतो रे ।

तिण झूठ रो निर्णय करे नहि,

त्यांरा नरक जावां रा सतो रे ॥ ई० ॥ २९ ॥

झूठो आल दे तेहि ने, प्रायश्चित्त न दियो लिगारो रे ।

तिण सुं आहार पांणी भेलो करे,

ते ह्व गयो काली धारो रे ॥ ई० ॥ ३० ॥

रैना देवी री कुगुरु ने ओपमां, ते सांभलज्यो चित न्यायो रे ।

कूड़ कपट कर पापियां,

शुद्ध साधु सुं मिड़कायो रे ॥ ई० ॥ ३१ ॥

रैणा देवी दिखण रा बाग में, अणहुंतो ही अग्रसंग बतायो रे ।

जिन आपना किरतव ढांकवा,

उण बोलियां मुंसा वायो रे ॥ ई० ॥ ३२ ॥

तिण जिण रिखने जिन पालनें, उण धाल दी थी मोदी शंका रे ।

पिण बुद्धिचंत जाय जोइयो,

तियां जव जांणी छे तिण ने खोटी रे ॥ ई० ॥ ३३ ॥

कुगुरु रैणा देवी सारिखा, शंका साधांरी धालै रे ।

तिण आपणा किरतव ढांकवा,

शुद्ध साधां कने जाता पालै रे ॥ ई० ॥ ३४ ॥

पिण बुद्धिचंत पूछ निर्णय करे, जव जाण लिया त्याने खोटा रे ।

ज्ञान क्रियां में खोटा घणां,

जांणे पांणी तथा पपोटा रे ॥ ई० ॥ ३५ ॥

तिणरे रैणा देवी सामो जोय नें, जिन रिखी हुबो खुवारो रे ।

तिण कुगुरु री परतीत सुं,

दुर्गत जासी नर भव हारो रे ॥ ई० ॥ ३६ ॥

रैणा देवो रो कपट जियां ही रह्यो, पिण कुगुरु रो कपट छै भारी रे ।

आप ह्वे औरां ने ह्वोवता,

कोई होय जासी अणन्त संसारी रे ॥ ई० ॥ ३७ ॥

सांग पहर साधु तणो, खाध्यां लोकां रो मालो रे ।

तप जप संयम बाहिरा,

वण रह्या कूँदा लालो रे ॥ ई० ॥ ३८ ॥

इम सुण नर नारियां, छोड़ो कुगुरु सतावो रे ।

शुद्ध साधू तणी सेवा करो,

राखी चावो इज्ज ने आवो रे ॥ ई० ॥ ३९ ॥

॥:दोहा ॥

दुखम आरो पांचमो, श्रावक श्राविका नाम धराय ।
 गुण विना खाली ठीकरा, पड़सी नरक में जाय ॥१॥
 तो हीणाचारी कुगुरां तणा, सेवा करे दिन रात ।
 त्यां ने भूँठा ने सांचा करवा, भणी कूड़ी करे पक्षपात ॥२॥
 त्यां आंधां ने मूल छे नहीं, न्याय मार्ग री बात ।
 पाखण्ड मत में राचि रहथा, घट में घोर मिथ्यात ॥३॥
 दिष्ट्या नें अणदीठो कहे, भूठ बोलतां न आंणे शंक ।
 आल देवण ने नवि आल स, त्यांरी बोली मायंक ॥४॥
 एहिवा श्रावक जासी नरक में, त्यांरा चाला चरित्र अनेक ।
 बले थोड़ासा प्रगट करूँ, ते गुणज्यो आण विवेक ॥५॥

॥ ढाल दशमी ॥

(रे जीवा मोह अनुकम्पा न आणिये—ए देशी)

नव २ आंका रो कुगुरु नवकड़ा, ते तो जासी नरक मंभार रे ।
 त्यांरा श्रावक ने श्राविका तणो, तुम्हे सांभलज्यो विस्तार रे ।
 एहिवा श्रावक जांणो नव कड़ा ॥१॥
 धुर स्युं तो भूल्या मार्ग मुगत रो, गुरु काजे हणो छे जीव रे ।
 बले धर्म जांणो हिंसा कियां,
 त्यां दीधी नरकां री नीव रे ॥२॥
 चूवतो दीखे थानक जो गुरु तणो, तिणरी आय करे संभाल रे ।
 नीलण फूलण परन्हासै मुरड ने,
 करे अनन्ती जीवां रो खंगाल रे ॥३॥
 पहली पांणी तणा जीव मारने, दड़ लीपे थानक ने आप रे ।
 ते पिण गुरु ने काज निशंक से,
 ए तो हण रहथा जीव छ काय रे ॥४॥

कई करावे छै थानक मूलथी, धुर स्थु' नवि जाग्यां उठाये रे ।

पछे जीव बिनासे विधि रे,

ते तो कह्यो कठा लग जाय रे ॥ए०॥५॥

गाड़ा-गाड़ा पृथ्वी मंगावता, वाणां रे पाणी मंगाय रे ।

करे कचरा कूटो छकाय रो,

मन गमतो थानक बणाय रे ॥ए०॥६॥

कई करे मंजूरी हाथ सु', ऊंढी रे दिरावे नीव रे ।

घर रो अर्थ देई पापियां,

छ कायो रा मरावे जीव रे ॥ए०॥७॥

छ काया हणै थानक करे, तिण में धर्म जाणै निशंक रे ।

तिण स्थु' ठाम रे जाग्यां वधे,

एहिवा लाग्या कुगुरां रा डंक रे ॥ए०॥८॥

त्यां ने पूछ्यां बोले कई पादरा, कई भूँठ बोले तत्काल रे ।

मायां निमित्ते थानक करायो,

कहे अनाखी थका भाखे आल रे ॥ए०॥९॥

प्रत्यक्ष करायो गुरु कारणे, लाज्यां मरता स्वांचे आपरे ।

धर्म रे ठिकाने भूँठ बोल ने,

भारी हुवे चीकना वान्धे पाप रे ॥ए०॥१०॥

धर्म ठिकानें भूँठ बोलियां, वान्धे महा मोहणी कर्म रे ।

सत्तर कोड़ा कोड़ सागर लगे,

नहीं पांमे जिन वर धर्म रे ॥ए०॥११॥

ज्यु' किणारी मां बहनादिक डाकण हुवे, त्यांरी वात सु'ण्या पांमे खीज रे ।

त्यां ने सांची करवा खपे घणां,

भूँठो थको पिण थापे धीज रे ॥ए०॥१२॥

बले अनेक उपाय करे घणां, घर जाये पिण करे कबूल रे ।

पिण मुख सुं डाकण कहणी दोहिली,

गाडोई हुवे भूंडो कसुल रे ॥ ए० ॥ १३ ॥

ज्यूं भारी कर्मा कई जीवड़ा, बोले कुगुरां रा बदले भूठ रे ।

त्याने सांचा करण खपे घणां,

कूड़ा गुण करे पर पूठ रे ॥ ए० ॥ १४ ॥

अनन्त संसार सुं डरे नहीं, नरकां जाणो पिण कबूल रे ।

पिण मुख सुं खोटा कहणा दोहिला,

रहथा पाखण्ड मत में भूल रे ॥ ए० ॥ १५ ॥

डाकण रे बदले धीज कियां थकां, कदा राजा कोप्यां घर जाये रे ।

पिण कुगुरां रे काजे भूठ बोलियां,

पड़े नरक निगोद में जाय रे ॥ ए० ॥ १६ ॥

आप आदरिया कुगुरु तयां, देवे दूषण सगला टांक रे ।

शुद्ध साधु ने आल देता अकां,

पापिया मूल न आणे शंक रे ॥ ए० ॥ १७ ॥

शुद्ध साधुनी निन्दा करे बले, निजर पढ़या जागे द्रोष रे ।

त्याने वरते बैरी ने शोक ज्यूं,

जोवे बले छिद्र विशेष रे ॥ ए० ॥ १८ ॥

आप कुगुरु ने सेठां भालिया, त्यां में दोषां रो छेह न पार रे ।

तिणस्युं साध तया दोष जोवतां,

खप कर रया मूठ गिंवार रे ॥ ए० ॥ १९ ॥

पिण साधां मांही दोष देखे नहीं, जब कूड़ो ही देवे आल रे ।

पछे भूठ बोले बकता फिरे,

त्यां रो कुण काड़े निकाल रे ॥ ए० ॥ २० ॥

कड़वो तुम्हो बहरावे साधने, नाग श्री ब्राह्मणी एक बार रे ।

तिण से संसार में रुली धयी,

सातुं नरक में खादी मार रे ॥ ए० ॥ २१ ॥

तिण तो न्हाखण रा ओलस थकी, तुम्हो बहरावे साध ने देख रे ।

तिणरा फल लाग्या पाड़वा,

पांमी दुख मांह दुख विशेष रे ॥ ए० ॥ २२ ॥

तो साधारी कई निन्दा करे, बले राखे आभ्यन्तर द्वेष रे ।

अछतो पिण ओल दे निशक सुं,

ते तो डूब्या बले विशेष रे ॥ ए० ॥ २३ ॥

कई कड़वा बोले बुरी तरह, कई बंछै साधां री बात रे ।

कई परिसा देवे नचनां रा,

कई तकता रखा दिन रात रे ॥ ए० ॥ २४ ॥

सर्व पाखण्डियां सुं मिल गया, बले लोकां ने देवे लगाय रे ।

त्यांरे केड़ गमता बोले पणां,

साधु सुं बैर करवा तांय रे ॥ ए० ॥ २५ ॥

एहिवा नागश्री सुंही अति बुरा, त्यांरो कहता न आवे अन्त रे ।

ते तो नरकां गामी छै नव कड़ा,

त्यां ने ओलखज्यो मतिवन्त रे ॥ ए० ॥ २६ ॥

नागश्री ब्राह्मणी दुख भोगज्यो, नीठ २ पांम्यो तिण अन्त रे ।

सदा बैरी ज्यूं नरते साध ने,

त्यांरो होसी कुण विरतन्त रे ॥ ए० ॥ २७ ॥

हिव कहि २ ने कितरो कहूं, कई बुद्धिवन्त करज्यो विचार रे ।

जे जे साधां सीर अलदे,

ते तो डूब्या काली धार रे ॥ ए० ॥ २८ ॥

जे सांची ने सांची कहे, ते तो निन्दा में जाणे कोय रे ।

सांची ने सांची कहणी निशंक स्युं,

ते पिण अवसर जोय रे ॥ ए० ॥ २६ ॥

ए तो जीव अजीव जाणे नहीं, आश्रव समर री खबर न काय रे ।

आश्रव सेवे सर्व धर्म जाण ने,

ए तो चौड़े भूल्या जाय रे ॥ ए० ॥ ३० ॥

उपभोग परिभोग श्रावकां तणो, ते तो द्रव आश्रव मांहि रे ।

सेविया सिवाइयां भलो जाणियां

ता में धर्म जाणे छे ताय रे ॥ ए० ॥ ३१ ॥

देव गुरु धर्म ओलख्यां विना, रह्या खाली वादल ज्युं गाज रे ।

बले धोरी होय बैठा धर्म ना,

पिण पूरा मूढ अबूझ रे ॥ ए० ॥ ३२ ॥

कई चर्चा में अटके घणां, पिण शुद्ध न बोले मूढ रे ।

अण बिचारथां ऊंधा बोले घणां,

पिण छोड़े नवि खोटी रूढ रे ॥ ए० ॥ ३३ ॥

बले गुरु रो आचार जाणे नहीं, सरधारी खबर न काय रे ।

मेघ धारी भागल दूटल भणी,

तिखुत्तो कर बांधे पाप रे ॥ ए० ॥ ३४ ॥

धी खांड गुड़ मिश्री आदि दे, मोल ले बहरावा जाण रे ।

बले निपजो जाणे व्रत बारहमो,

इसड़ा छै मूढ अजाण रे ॥ ए० ॥ ३५ ॥

बारहमो व्रत भांग्यो आपरो, साधनि बहरावे ले मोल रे ।

तिकां पिण समझ पड़े नहीं,

तारा बरता में मोटी पोल् रे ॥ ए० ॥ ३६ ॥

धानक मोल ले गुरु रे कारणे, वले भाङ्गे ले गुरु रे काज रे ।

बारहमों व्रत भांग भागल हुवा,

नरकां में जासी आवक वाज रे ॥ ए० ॥ ३७ ॥

कपड़ा मांगे साधु साधवी, जव हाजर नवि घर मांय रे ।

मोल ले बहरावे साधने,

गामां पर गामां सुं मंगाय रे ॥ ए० ॥ ३८ ॥

मोल ले कपड़ो बहरावे, वले धर्म जाणो मन मांहि रे ।

इसड़ी सरथा रा आवक आविका,

ते तो दुरगत पड़ सी जाय रे ॥ ए० ॥ ३९ ॥

जीमणवार ओरां तखे घरे मांड, धोवण ऊणो पांणी जान रे ।

ते साधने बहरावा कारणे,

आपरे घरे राखे आंण रे ॥ ए० ॥ ४० ॥

पछे ते तिड़ावे साधने, वले जांणे मने होसी धर्म रे ।

एहिवा कुगुरां रा भरमाविया,

भून्या छे अज्ञानी भरम रे ॥ ए० ॥ ४१ ॥

कोई धोवण जाण अधिको करे, साधां ने बहरावणकाम रे ।

ऊनो पानी को भर २ ठामा,

ते पिण ले ले गुरां रो नाम रे ॥ ए० ॥ ४२ ॥

घणा साध साधवी जाणने, अधिको निपजावे आहारं ।

पछे भर २ बहरावे पातरा,

ते तो पर भव में होसी खुवार रे ॥ ए० ॥ ४३ ॥

अशुद्ध आहार पांणी बहरावियां, बांधे पाप करम रा पूर रे ।

साधु पिण जांणी बहरे असुभक्तो,

ते तो साधु पणां थी दूर रे ॥ ए० ॥ ४४ ॥

कई आहार बहरावे असम्भतो, कई कपड़ो बहरावे अशुद्ध रे ।

देवे थानकादिक असम्भतो,

अष्ट हुई सगलारी बुद्ध रे ॥ ए० ॥ ४५ ॥

समायक संवर पोसा मंझे, करे सावध योगां रा त्याग रे ।

तिण में भागलां ने बन्दणा करे,

समाई पोसो पिण गयो भाग रे ॥ ए० ॥ ४६ ॥

एक समाई भांग्यां तेहने, दंड देवे समाई इग्यारह रे ।

ते नित का समाई भांगे तिका,

ते तो गया जमारो हार रे ॥ ए० ॥ ४७ ॥

संस न ले त्यां ने पापी कह्या, लेने भांगे ते महा पापी होय रे ।

बले जाण्य हुवो आवक मोट को,

त्यारे नरक तयी गति जोय रे ॥ ए० ॥ ४८ ॥

माने भागल दूटल एकल भणी, विनती कर राखे चोमासे रे ।

ते पिण सार्धां सुं बेवरा बालिया,

बखांण सुणे तिय पास रे ॥ ए० ॥ ४९ ॥

जो सार्धारा ओगण बोले बणां, तिणने हरख सुं देवे दान रे ।

बले करे प्रशंसा तेहनी,

बणां देवे आहार सनमान रे ॥ ए० ॥ ५० ॥

उन ने मन में तो साध जाण्ये नहीं, तो हिये धारे उण रो आव रे ।

तो पिण सार्धां खंच लाईयां,

त्यां रो निश्चय ही जाण्ये अभाग रे ॥ ए० ॥ ५१ ॥

आप अधुरा कृगुरु तेहना, गुण बोण्यां विण रे काम रे ।

उवे पिण लोभरा बालिया,

भूँठा २ करे गुण ग्राम रे ॥ ए० ॥ ५२ ॥

एहिवा चालां चरित्र करे तेहिखे, जे पाप उदय हुवे इण भव आण रे ।
दुख असाता अठे हिज हुवे घणां,

पर भव में तो शंका मति आण रे ॥ ए० ॥ ५३ ॥

भाग लांरा बखाण वांणी सुण्या, कई पर बजे वेगो मिथ्यात रे ।
बले तेत वचन कहे तेहिनें,

हुंकार सुंहरखी बात रे ॥ ए० ॥ ५४ ॥

त्यारे कुगुरां सुं राग अति घणो, बले साधां सु अत्यन्त द्वेष रे ।
दोनुं कानी दिवालो तेहने,

ते तो इव्यां में इव्यां विशेष रे ॥ ए० ॥ ५५ ॥

करडो डंक लाग्यो कुगुरां तणो, तिण सुंकरे त्यांरी पक्षपात रे ।
त्यां सुं सीधी टेक छूटे नहीं,

त्यारे घट में घोर मिथ्यात रे ॥ ए० ॥ ५६ ॥

समत अठारह सौ तीस में, अपाद बद नवमी रविवार रे ।

भावक नरकां गामी नव कड़ा,

क्रीध्या रीयां गांम मंभार रे ॥ ए० ॥ ५७ ॥



॥ ढाल इग्यारहमी ॥

कई भंगी रे घर खावे नही, पिण भंगी रो मीटयो तो खावे ।

इसड़ी उतमाई देख विकलां री, डावा ते इचरच पावे रैं ।

भविष्यन जोइज्यो हृदय विचारी ।

अकेड़ थे तो छोड़ो कुगुरां री लारो रे ।

भविष्यन कुगुरु छै हीणा आचारी ॥ १ ॥

ज्यूं कई हाथां सुं किवाड़ जड़े उघाड़े, गृहस्थ उघाड़ी दियां करे टालो ।

इसड़ो आचार देखो कुगुरां रो,

ते प्रत्यक्ष दाल में कालो रे ॥ भ० ॥ २ ॥

गृहस्थ उघाड़ ने आहार बहरावे, ते बहरने नवि दूषण जाणे ।

हांथे जड थां उघाड़ थां रो दूषण न जाणो,

इसड़ो छै मूढ अयाणो रे ॥ भ० ॥ ३ ॥

गोचरी जावे जव जड़े किवाड़, पाछा आयां पिण खोले किवाड़,

गृहस्थ रे घरे गयां खोल ने पैसे,

इसड़ो कुगुरां रो आचार रै ॥ भ० ॥ ४ ॥

त्यां ने साथ सरधे त्यां ने भेलां ने राखे, एकण थानक मांहि ।

त्यां ने पूछ थां कहे म्हारे नहीं संभोग,

तिण सु' तो भेलां उतरां नांहि रै ॥ भ० ॥ ५ ॥

इम कहि २ राते भेला न राखे, एक थानक मांहि ।

तो थारे गृहस्थ सु' संभोग किसोक छै,

तिण ने मांहि राखो काई रै ॥ भ० ॥ ६ ॥

गृहस्थ ने भेलो राखे साध ने, न राखे ओ दोनां काणी दीवालो रे ।

थाने दोनु बोलां रो प्रायश्चित्त जावे,

स्रत्र निशीथ संभालो रे ॥ भ० ॥ ७ ॥

कोई साधु कुल गण मांही भेद पाड़ कर २ तांण ।

तिण ने प्रायश्चित्त दशमो आवे,

ठाणांग पांचमे ठाणा रे ॥ भ० ॥ ८ ॥

ज्यो दोखीला सु' संभोग तोड़ तो, प्रायश्चित्त मूल न आवे ।

बले त्यां दोखीलां ने तेहिज बंधे,

तो सगलां सारिखा थावे ॥ भ० ॥ ९ ॥

कदा आप दोखीलां ने वन्दना छोड़ै, तो पिण थानक हुकावै ।

ते आप तणा मतब अरये,

ठागां सुं काम चलावे रे ॥ भ० ॥ १० ॥

बले धर्म कहे दोषिलां ने वान्छ्या, तिण रे आय चुक्यो मिथ्यात ।

तिण समकिन सहित साधु पणो खोयो,

ऊंधी सरधे स्रज री वात रे ॥ भ० ॥ ११ ॥

त्यां दोषीलां ने साध बंदना छोड़ी, त्यां ने श्रावक श्रावकां बंधे ।

तिण रे त्यांरा गुरु री परतीत न आवे,

जिन धर्म ने ओलख्यो आंधे रे ॥ भ० ॥ १२ ॥

त्यांरी परतीत थकी त्यां ने वन्दना छोड़ी, तो आप वन्धणो किण लेखे ।

इसडो अन्धारो छै घट भीत रै रे,

जेह ने ते स्रज न्याय न देखे रे ॥ भ० ॥ १३ ॥

ज्यां ने दोखीला सरधे त्यां ने हिवे बांधे इसड़ी ।

त्यांरे भोलप मोटी ते समझे नहीं,

ढम ढोल में पढ्या सरधा ले रह्या छै खोटी रे ॥ भ० ॥ १४ ॥

दीला भागलों ने साध बांधे नहीं, लागतो जाणें पाप कर्म ।

तो श्रावक श्राविका बांधसी त्यां ने,

किण विध होसी धर्म रे ॥ भ० ॥ १५ ॥

जे घर हुवो अस्रक्ततो जिण दिन बहरणों नांय ।

जो उणहिज दिन तिण रे घर रो बहरै,

तो भागलों री पांत मांय रे ॥ भ० ॥ १६ ॥

पहलां तो ज्यां घर रो धोवण ल्यावे, तो कठे अस्रक्ततो हो जावे ।

पळे तिण हिज दिन तिन हिज टोलां रो,

विण पूछां बहिरी ल्यावे रे ॥ भ० ॥ १७ ॥

उणहिज दिन उणही टोलां रो, मन माने तिण घर जावे ।

असुभतो घर नहीं बतावे,

विण पूछ्या वहिरी ल्यावे रे ॥ भ० ॥ १८ ॥

इम प्रत्यक्ष आहार असुभतो खावे, त्यां ने आछी अकल किम आवे ।

ते साध पणां रो नाम धरावे,

इण लेखे दुर्गति जावे रे ॥ भ० ॥ १९ ॥

कोई कहे म्हे नित को एकण घर रो, नहीं वहरां आहार न पाणी ।

म्हे धोवनादिक वहरां न्हाखी तो,

ओ पण भूठ बोले छै जांणी रे ॥ भ० ॥ २० ॥

तो पहलां दिन जिण घर जाय वहर सो, अशनादिक चारुं आहार रे ।

बीजे दिन विहार करन्ता नित वहरे,

जब कठे गयो आचार रे ॥ भ० ॥ २१ ॥

ऊनो पाणी पिन नित को वहिरै, कलालादिक रे घरे जाय ।

त्यां ने पूछे पाणी नित को किर्या वहिरै,

जब सांच बोल्या नवि जाय रे ॥ भ० ॥ २२ ॥

कोई पाड़ा बंध गोचरी फिरै, न फुटकर घरां रे मांहि ।

शिष्य शिष्यणी सगलां ने मेले,

तिहां वहरै नितरा नित जाय रे ॥ भ० ॥ २३ ॥

एक दोय सिंहाडो पहले दिन वहरयो, तिका वहरो बिजे दिन जाण ।

नितरा नित वहरे एकण टोलां रो,

गुरां रे पासे मेळ्यो आंण रे ॥ भ० ॥ २४ ॥

कई एकण गुरु रा शिष्य शिष्यणी छे, चारां पांचा जग्या रहवै ।

ताहि ते गोचरियां जाय बिण पूछ्या,

मोह मांह एकण घर पिण वहरे आय रे ॥ भ० ॥ २५ ॥

उण घर बहेर स्यो ते घर बीजा दिन टाल रे ।

बीजा गहरस्यो ते ओ पण नहीं टाले,

नितरो नित गहरो एकण टोला रो अनाचार कुणसंभाले रे ॥ भ० ॥ २६ ॥

इत्यादिक बले कूड़ कपट सुं एकण घर बहरे नित को आहार रै ।

ते अणाचारी उधाड़ा चोड़े,

ते पिण वाज रहथा अणगार रै ॥ भ० ॥ २७ ॥

चार पांच साध किहा रहथा चोमासे, आप आपरो बहरस्यो पावे ।

तो संकड़ाडाई पिण न पड़े तिण रे,

सगलां रे साता होय जावे रे ॥ भ० ॥ २८ ॥

चार पांच अनेक मेला रहे साधु, ते जुबा २ बहरन जावे ।

ते एकण दिन एकण घर मांहि,

सगलां ही बहरण आवे रे ॥ भ० ॥ २९ ॥

कई साधू नाम धराबै तणरो आचार धणो छै अजोग ।

आहार पांणी रा गिरधी छै गाढा,

तिणसुं तोड़ माहों मांहि संभोगो रे ॥ भ० ॥ ३० ॥

कई त्यांरे संभोग ते मेला राखे, त्यांरे केड़े आहार न पांणी ।

ते नितरो एकण घर बहरन,

त्यांरा कपट ने लीज्यो पिछानी रे ॥ भ० ॥ ३१ ॥

ते पण मांहो मांहि देवे लेवे तो मेलोहिज आहार न पांणी ।

ते नित पिंड एकण घर रो राखे,

एत्यांरा चारित्ररी धुल दांणी रै ॥ भ० ॥ ३२ ॥

सदा मेला रहे नित इण सरधां सुं, सदा नित पिंड इण बिध खावे ।

ते पेट भरे साधूरा भेष मांहि,

ठागां सुं काम चलावे रै ॥ भ० ॥ ३३ ॥

कोई कारन विशेषे रोगादिक आयां, नित पिंड ओषधलु खावे ।

राग द्वेष रहित कोई कारण बतावे,

ते तो न खेदणी ने आवे रै ॥ भ० ॥ ३४ ॥

जे जे बोल सूत्र में नाहि, तेहिवा घणा जीत आचार में ।

जे प्रत्यक्ष नित २ बहरे एकण घर,

ओ तो उघाड़ो अनाचार रे ॥ भ० ॥ ३५ ॥

पाणी बहर ने धोवण बहरै, ते पिण सरधा खोटी ।

धोवण मांहे तो बले छे अशनादिक,

ते बहरयां भोलय मोटी रे ॥ भ० ॥ ३६ ॥

ते धोवण ने पांणी मांह न गिणे, ओ पिण मोटो अंधारो रे ।

पाणी तो चारु आहार में आयो,

पिण धोवण नहि निरालो रे ॥ भ० ॥ ३७ ॥

कोई चारो ही आहार नो उपवास करने, ते धोवण पीवे नाहि ।

जो धोवण पांणी मांहि ने हुंतो,

क्यूं पीवे उपवास मांहि रे ॥ भ० ॥ ३८ ॥

इक्कीस जात रें धोवण पांणी चान्यो, ते धोवण पांणी एक जात ।

जे धोवण बहर ने पांणी ने बहरै,

त्यांरी मूरख माने बात रे ॥ भ० ॥ ३९ ॥

जो आप तयो बहरयो आप खावे, जो इसड़ो हिंज हुवे आचार ।

तो जुवो २ बहर आण खाद्यां रे,

ते दोष नहीं छै लिगार रे ॥ भ० ॥ ४० ॥

तो जोड करियां ने ओलखावै, इयां हिज उलखायो आचार ।

आप थापे ने आप उथापे,

बोन्यां नेवि बन्ध लिगार रे ॥ भ० ॥ ४१ ॥

निरवद्य किरतव कहि २ मूढ़, पड़िया खप करती आवे ।

पिय शुद्ध साधां ने दोखीला ठहरावै,

तिण में हिज दोष बतावै रे ॥ म० ॥ ४२ ॥

कई आप तणो नाक जावक काटै, पेलां वे कुसंण काजे ।

ज्यूं साधू ने दोखीला थापण,

आप दोखीला होतां ने लाजे रे ॥ म० ॥ ४३ ॥

जिय २ किरतवां मांह दूषण थापे, ते छोड़ बतावे ।

ते शूरा पिय छोड़ा गहला भूखे,

ते साध मारगें थी दूरा रे ॥ म० ॥ ४४ ॥

दोष बतावै पिय छोड़णी ना आवै, बले साधू नाम धरावे ।

बार २ ते वार्ता करतां

निरलज्जा ने लाज न आवे रे ॥ म० ॥ ४५ ॥

सुध बुध बिना विचारयां बोले, तो होय बेठूया छे मडंग ।

त्यां मुं चरचा तणो कदे काम पड़े,

तो जाण के बोले भूँठा रे ॥ म० ॥ ४६ ॥

इसड़ा छै कुगुरु हीणां आचारी, ते पिय राखे छे मुक्ति री आसो ।

ज्ञानी पुरुष इसड़ा विकलां रा,

देख रखा छै तमासो रे ॥ म० ॥ ४७ ॥

कांणी काजल धाले तिण आंखे, ते शोभा न पांमे लिगार रे ।

जे आचार बतावै पोते ने पाले,

ते पिय मूढ़ गिंवार रे ॥ म० ॥ ४८ ॥

जे अणाचारी थकां आचार बतावै, ते यूं ही अनारबी कूकै ।

जाण गया तिण दोलां रे मांहि

नि केवल गधा ज्यूं भूँकै रे ॥ म० ॥ ४९ ॥

साधू मन करने नवि बंछै किवाड़, उत्तराध्ययन पैंतीस में चाल्यो ।

पिण जड़वो उघाड़वो वरज्यो नन्दी में,

ओ घोंचो कुगुरां रो घाल्यो रे ॥ भ० ॥ ५० ॥

मन करनै किवाड़ उघाड़नो न बंछनो, ते जड़वारो परमार्थ जाण ।

तेह हांथां सुं जड़वो उघाड़वो किवाड़,

तिणसुं उलटी मत तानो रे ॥ भ० ॥ ५१ ॥

मन करने साधू स्त्री ने बांछै, ते परमार्थ सेवा रो जाणो ।

धर्म परमार्थ बांछे करतो सावध,

कदे में पिछाणो रे ॥ भ० ॥ ५२ ॥

मन कर साधु धन नवि बंछै, ते तो राखवा काजे ।

पिण थानक मांहि धन पड़ियो देखे,

तो साधू रे व्रत मूल न भांझ रे ॥ भ० ॥ ५३ ॥

मन कर साधू किवाड़ न बंछै, ते तो जड़वा उघाड़वा कामो ।

तिण किवाड़ ऊपर सुं वेस इत्यादिक,

दोष नहीं छै तामो रे ॥ भ० ॥ ५४ ॥

चन्द्र वादिक साधू मन करने नवि बंछै, पिण तिहां रहथां तो दूषण लागे ।

पण छूटथा चन्दरवाने हांथा बान्छ्या,

ते साध तणो व्रत भांगै रे ॥ भ० ॥ ५५ ॥

॥ दोहा ॥

अरिहन्त, सिद्ध, ने आयरिया, उपाध्याय सर्व साध ।

मुक्ति नगर ना दायका, ए पांचूं पद आराध ॥ १ ॥

बन्दीजे नित तेहने, नीचो शीश नवाय ।

या गुण ओलख बन्दना, किर्या भव २ रा दुख जाय ॥ २ ॥

साध साधवी आवक आविका, जिण भाण्या तीरथ चार ।

मोटी छोटी माला गुण रत्नां री, त्यांने सरिखी कही हितकार ॥ ३ ॥

साध साधवी सगला भणी, चालणो एकण मर्याद ।
 दोष देखे तो तुरंत बतावणो, ज्यूं वधे नहीं विष वाद ॥ ४ ॥
 कोई कपाय वस दुष्ट आत्मा, और साधां शिर दे आल ।
 त्यां में घणां दिना रो दोष कहे घणी, तिणरो किण विध काढे
 निकाल ॥ ५ ॥

औरां में बतावे दूषण घणां, तिनरी मूल न मानणी वात ।
 आ बांधी मर्यादा सर्व साधने, ते लोपनी नहीं तिल मात ॥ ६ ॥
 तोहि दोष काढे किण में घणा दिनांरा, बले झूठो करे बकवाद ।
 ते अपछन्दा निर्लज्ज नागडा, तिण लोप दीधी मर्याद ॥ ७ ॥
 इसडो अजोग नें अलगो ।कियां, जब उघाड़े दोष अनेक ।
 बोले अवगुण अतिघणा, तिणरी वात न मानणी एक ॥ ८ ॥
 इण रीते साधु न चालियां, जब किणरे शंका पड़े नवि काय ।
 बले विशेषे प्रकट करूं, ते सुणज्यो चित न्याय ॥ ९ ॥

॥ ढाल बारहवीं ॥

(विनय रा भाव सुण २ रीझे-ए देशी)

हिवे सांभलज्यो आचार नर नार, शुद्ध साधू तणो आचार ।
 कदा कर्म जोगे दोष लागे, तो प्रायश्चित्त ले गुरु आगे ॥ १ ॥
 कोई गण मांहि दोष लगावे, ते निजर आपरी आवे
 ते पिण न राखणा दाव, उणने कह देखो शताव ॥ २ ॥
 गुरु चेलां ने गुरु भाई माहयों, दोष देखे तो देवे बताई ।
 त्यां सुं पिण नहीं करणो टालो, तिणरो काढणो तुरंत निकालो ॥ ३ ॥
 कोई दोष जांणी ने सेवे, तिण रो प्रायश्चित्त न लेवे ।
 तिण ने कर देखो गण सुं न्यारो, कुण इवसी तिण री लारो ॥ ४ ॥

दोषीलां सुं करे आहार पांणी, तिणरो चारित्र हुवे धूल धाणी ।
 दोषिलां नै राखे गण मांहि, तो सगला ही भिण्टी थाय ॥ ५ ॥
 गुरु रो दोष चेलो ढांके, गुढे पिण कहतो शंके ।
 तिणरे छे भोलप मोटी, घर छोड़ ने हुचो छै खोटी ॥ ६ ॥
 किणरो द्वेपी कोई होय जावे, तिण में दोष अनेक बतावे ।
 कह म्हे छाने राख्या दोष जाण, ते म्हां राखी घणा दिन कांण ॥ ७ ॥
 घणां दिनां रा दोष बतावे, ते तो मानणी में किम आवे ।
 सांच भूँठ तो केवली जाणे, छदमस्त तो प्रतीत न आणे ॥ ८ ॥
 हेत मांहि तो दूषण ढांके, हेत टूट्या कहतो नवि शंके ।
 तिणरो किम आवे परतीत, तिण ने जाण लेणो विपरीत ॥ ९ ॥
 इण दोखीलां सुं कियो आहार जब पिण नहीं डरथो लिगारो ।
 तो हिवे आल दे तो किम डरसी, इणरी प्रतीत तो भूरख करसी ॥ १० ॥
 इण दोष क्यां ने किया भेला, इण क्यूं न कहथो तिण वेला ।
 इणरी साधू तणी रीत हुवे, तो जिण दिन रो जिण दिन कहतो ॥ ११ ॥
 जब ओ कहे म्हे न कहथो डरतो, गुरु सुं पिण लाज्या मरतो ।
 जब उणा ने बले कहणो पाछो, तो ने किण विथ जांणां आछो ॥ १२ ॥
 थे दोषिलां सुं कियो संभोग, थारां बरतियां माठा जोग ।
 थारी प्रतीत न आवे म्हांने, इणरा दोष राख्या छाने ॥ १३ ॥
 थे कियो अकारज मोटो, जिण मारग में चलायो खोटो ।
 थारी भ्रष्ट हुई मति बुद्धि, हिव प्रायश्चित लो होचो शुद्धि ॥ १४ ॥
 उणने पूछथां ओ आरे होय, तो उणने प्रायाश्चित देसां जोय ।
 जो पूछथां आरे न होय, ते उण सुं जोर न चाले कोय ॥ १५ ॥
 उणारी तो था कहणे सुं संका, पिण तू तो दोषिलो निशंका ।
 इम कहि उण घालणो कूड़ो, प्रायश्चित न लेतो कर देखो दूरो ॥ १६ ॥

जब ले कोई दूजी बार, किणरा दोष न ढाँके लिगार ।
 दोष ढाँक्यां हुवे घणी खुवारी, टाँको भल्ले तो अनन्त संसारी ॥ १७ ॥
 शंका सहित न राखे माँहि, तो ओर दोषिला साध न थाही ।
 दोषिलां ने जाणी राखे माही, तो सगला ही अशुद्ध थाही ॥ १८ ॥
 एक दोष सेवे नित साध, तिण संजम दियो विराध ।
 तिण ने गुरु जाण न बांधे कोय, तो अनन्त संसारी होय ॥ १९ ॥
 तो घणा दोष सेवे साक्षात, तिणने गुरु जाण ने बांधे दिन रात ।
 ते तो पूरो अज्ञानी बाल, ओ रलसी कितनो एक काल ॥ २० ॥
 एक दोष रो सेवण हार, तिण बांध्या वधे अणन्त संसार ।
 तो जिण में जाण्यो घणां दोष साले, तिण बान्ध्या होसी कुण हवाल ॥ २१ ॥
 जाण्य २ दोषिलां ने बांधे, जिन धर्म न ओलख्यो आंधे ।
 ते तो ह्व गयो कालीधार, आरे किढ्यो अणन्त संसार ॥ २२ ॥
 जो दोषिलां रो करे गालो गोलो, तो अण्ट हुवे सब टोलो ।
 दोषिलां री करे पक्षपात, तिणरे बेगो आवे मिथ्यात ॥ २३ ॥
 छिद्र पर छिद्र धारी राखे, कदेहि काम पढ्यां कहि दाखे ।
 तिणमें साधू तणी नहिं रीत, तिणरी कुण मानसी परतीत ॥ २४ ॥
 एहिवारो वचन गाँने सांचो, तो जिण मत पढ़ जाये काचो ।
 पछे हर कोई झूठ चलावे, हर कोई में दोष बतावे ॥ २५ ॥
 उणरी मान्यां होय जाय सेरी, जिण मत माँहि पढ़े विखेरी ।
 शुद्ध साधू होवे मोत्यां री माल, त्यांने पिण कोई काढे आल ॥ २६ ॥
 घणा दिनारा ढाँके दोष विख्यात, तिणरी मूल न मानणी बात ।
 शुद्ध साधां री या मर्याद, तिणसुं वधे नहीं विखवाद ॥ २७ ॥
 ओर साधां में दूषण देखी, तुरंत कह देखी निरा पेखी ।
 तिणरो मूल नहीं पक्षपात, तिणरी मानणी आवे बात ॥ २८ ॥

किण में दोष पर पूठा बतावे, ओर सांधां ने आए सुणावे ।
 तिणरो किण विध काढे निकालो, दोनों मेला नहिं तिण कालो ॥ २६ ॥
 एहिवा कारण पढ्थां करे जेज, ओर मतलब रो नहिं हेज ।
 दोष हांकरणी री रही नीत, या तो जिन मार्ग री रीत ॥ ३० ॥
 प्रायश्चित्त देवारो छे कामी, त्यां में कदेही में जाणज्यो खामी ।
 पछे करे दोयां ने मेलां, निकाल काढण उण वेला ॥ ३१ ॥
 तिण में दूषण आया जाणो, तिण ने दण्ड दे आणे ठिकाणो ।
 उतावल सुं न करणो विगाडो, प्रायश्चित्त न ले तो करदेशो न्यारो ॥ ३२ ॥
 कदां सगलां दूषण हुंता ही, दोनुं झगडो छे मांहो मांही ।
 समझाया समझे नांहि, तो केवली ने देखो झुलाई ॥ ३३ ॥

॥ दोहा ॥

विनय मूल धर्म जिन कह्यो, ते जाणो विरला जीव ।
 ते सत गुरुरो विनय करो, त्यां दीधी मुक्ति री नींव ॥ १ ॥
 जो कुगुरु तणो विनय करे, ते किम उत्तरे भव पार ।
 ज्यां सुगुरु कुगुरु नवि ओलख्यां, ते गया जमारो हार ॥ २ ॥
 कई अज्ञानी हम कहे, गुरु ने बाप एक होय ।
 भूँडा भलाते गुरु कह्या, त्यांने नवि छोड़ना कोय ॥ ३ ॥
 जिण आगम मांहि हम कह्यो, गुरु करणा गुण देख ।
 खोटा गुरु ने नवि सेवणा, त्यांरी कीमत करणी विशेष ॥ ४ ॥
 कुगुरु ने अजान पणो गुरु किया, ठीक पढ्था छोड़नो शताव ।
 आ लीधी टेक न राखणी, ते सुणज्यो सत्रां रा जवाव ॥ ५ ॥

॥ ढाल तेरहमीं ॥

(चतुर नर छोड़ो कुगुरु संग-ए देशी)

कोई भोला हम कहे जी, गुरु नहिं छोड़नो कोय ।
 त्यांरा आचार तो ओलख्यो नवि जी, मन आवे ज्यूं बोल सी बाय ॥ १ ॥

गुरु गहला गुरु बावला जी, गुरु देवन का देव ।
 जो चेलो स्याणों हुवे तो, करे गुरांरी सेव ॥ च० ॥ २ ॥
 सांचो मारग साधरो जी, खोटा खटावे नांहि ।
 चेलो गुरु चूके कदां जी, तो छोड़े खिण एक मांहि ॥ च० ॥ ३ ॥
 कहो साधु किण कारणे जी, तइके तोड़े नेह ।
 आचारी सुं हिले मिले जी, अणाचारी सुं छेह ॥ च० ॥ ४ ॥
 नील टांच कीड़ा चुगे जी, मांहि विराजे राम ।
 गुरु करणी रो कारण को नहि, म्हारे दर्शन सुं हिज काम ॥ च० ॥ ५ ॥
 नील टांच कीड़ा चुगेजी, तिणरे दया नहीं धट मांहि ।
 पापी रो मुख देखतां जी, मलो कठा सुं थाय ॥ च० ॥ ६ ॥
 गुण लारे पूजा कही जी, तोह निगुणां पूजता जाय ।
 चोड़े भूल्या मानवी जी, त्यांमें किम आंणीजे ठाम ॥ च० ॥ ७ ॥
 सोना री छुरी चोखी धणी जी, पिण पेट न मारे कोय ।
 ए लौकिक दृष्टान्त सांभलो जी, तूं हृदय विमासी जोय ॥ च० ॥ ८ ॥
 ज्युं गुरु किया तिरवा भयीं जी, ते ले जासी दुर्गत मांहि ।
 जे भागल टूटल गुरु हुवे, त्यां ने ऊमा दीजे छिटकाय ॥ च० ॥ ९ ॥
 खोटा गुरु नें नवि सेवणां जी, श्री वीर गया छै भाप ।
 कुण २ गुरु ने छोडिया जी, तयारी छत्र में छै साख ॥ च० ॥ १० ॥
 जयमाली शिष्य भगवान रो जी, तिणरे चेला पांचसौ जांण ।
 एक वचन उथाप्यो वीर खोजी, पड़ गयो उलटी तांण ॥ च० ॥ ११ ॥
 जब कितनाक चेला तणो जी, तुरंत गयो मन मांझ ।
 घणा चेला जयमाली ने छोडिया जी, स्वार्थी नगरी रे वाग ॥ च० ॥ १२ ॥
 कई मूढ मिथ्यात्वी खने रह्या जी, कई आया भगवन्त पास ।
 जयमाली ने खोटो जांण छोडियाजी, त्यांने वीर बखाण्यां तास ॥ च० ॥ १३ ॥

जयमाली ने कुगुरु जाण्यां पछे जी, छोड़ दियो तत्काल ।
जो गुरु छोड़्यारी शंका पढ़े तो, सत्र भगवती संभाल ॥ च० ॥ १४ ॥
स्वार्थी नगरी बाहिरेजी, कोढ़क नामें बाग ।
तठे गोशालो भगवन्त सुंजी, कियो सवा दो लाग ॥ च० ॥ १५ ॥
अजोग बोल्यो भगवन्त ने जी, मूल न राखी कांण ।
दोष साध वाल्या भगवान रा, वीर न कियो लोहि ठांण ॥ च० ॥ १६ ॥
लेस्यां सुं खाली हुबो जांण ने जी, साध आया शताव ।
गोशाले ने प्रश्न पूछियोजी, जब न आयो गोशालाने जवाव ॥ च० ॥ १७ ॥
जब गोशाले रा चेला तयो जी, उतर गयो गोशाला सुं राग ।
तिणने खोटो जांण ने छोड़ियाजी, स्वार्थी नगरी रे बाहर ॥ च० ॥ १८ ॥
त्यां गोशाला ने गुरु किया हुं तो जी, पिण छोड़ता न आंणी लाज ।
पछे गुरु कर श्री भगवन ने रह्योजी, त्यां सारा आत्म काज ॥ च० ॥ १९ ॥
कई चेला गोशाले खने रहंथा जी, त्यां राखी गोशालारी टेक ।
ते तो कुगुरुने सेवने जी, ए इवा बिना विवेक ॥ च० ॥ २० ॥
गोशाला ने चेला छोड़ियो जी, ते तिरया संसार ।
ए भगवती रा श्रुतस्कंध पन्द्रहवें जी, ते बुद्धिबन्त करज्यो विचार ॥ च० ॥ २१ ॥
सुख देव सन्यासी गुरु किया जी, सेठ सुदर्शण जांण ।
खोटा जाण्यां जब छोड़ियाजी, उणरो मूल न राखी कांण ॥ च० ॥ २२ ॥
सोग दिया नगरी तिहां जी, नीलो शोक उद्यान ।
सेठ सुदर्शन तिहां बसेजी, ते डाहो चतुर सुजान ॥ च० ॥ २३ ॥
थावर चा अणगार ने जी, गुरु किया उत्तम जांण ।
सुखदेव सन्यासी ने छोड़ियोजी, तिण श्री जिन धर्म पिछांण ॥ च० ॥ २४ ॥
सुखदेव सन्यासी सांभली जी, जब आयो बेग शताव ।
सेठ सुदर्शन रे धरे जी, आयो करवा जवाव ॥ च० ॥ २५ ॥

पछे सुखदेव ने सुदर्शन जी, आयो नीलो सोक उधान ।
 थावरचा अणगार समझावियोजी, जब आयो घट में ज्ञान ॥ च० ॥ २६ ॥
 सुखदेव सन्यासी तिण समे जी, बले चेला एक हजार ।
 थावरचा अणगार ने गुरु कियो जी, लीघ्यो संयम भार ॥ च० ॥ २७ ॥
 त्यां आगला गुरु ने छोडतां जी, शंका न आंणी काय ।
 ज्ञातारा पचमां अध्ययन में जी, चोडे स्रज रो न्याय ॥ च० ॥ २८ ॥
 सेलग राय रिखी स्वर तणां जी, चेला पांचसौ लार
 सेलगपुर नगर पधारिया जी, घरना उग्र विहार ॥ च० ॥ २९ ॥
 तठै बठै करी त्यांरी बिनती जी, शरीर में रोग जांण ।
 जब रथ शाला में जाय उतरया जी, पछे ओपद कियो आंण ॥ च० ॥ ३० ॥
 रोग गयो साता हुई जी, पिण न करे तिहांथी विहार ।
 खावा पीवा उया चित दियोजी, गृद्धी थको करे आहार ॥ च० ॥ ३१ ॥
 उसनो उसनी बिहार हुवो जी, पासताने कुसीलियो जांण ।
 प्रमादी ने सांसतो एहिवा, ए पांचो बोल पिछांण ॥ च० ॥ ३२ ॥
 जब पंथक बरजी पांचसौ जी, मिलने कियो विचार ।
 गुरु तो पढ्या प्रमाद में जी, पण आपाने करणो सिरे छै विहार ॥ च० ॥ ३३ ॥
 एहिबी करी विचारणा जी, प्रमाते कियो विहार ।
 गुरु ने ढीलो जांण छोडियो जी, ते ब्रन्य मोटा अणगार ॥ च० ॥ ३४ ॥
 पंथक बरजी पांचसौ जी, न आंणी गुरु री प्रतीत ।
 त्यां ढीलो जांण ने पर हरयोजी, आ जिण मारग री ॥ च० ॥ ३५ ॥
 पंथक बिया-बच करे तिका जी, तिण ने कई कहे धर्म ।
 त्यां जिन मारग नवि ओलख्यो जी, भूल्या अज्ञानी भर्म ॥ च० ॥ ३६ ॥
 उशनादिक पांचू भणी जी, अशनादिक दे कोय ।
 तिष में चोमासी दंड निशीथ में जी, पन्द्रहमें उद्देशे जोय ॥ च० ॥ ३७ ॥

सेलग ने जिन-वालियो जी, उशनादिक पांचो ही मांय ।

तो तिण री बियां बच कियां जी, धर्म कियां थी थाय ॥ च० ॥ ३८ ॥

ज्ञाता अंग में जिण कहथो जी, म्हारा साध साधवी होय ।

जो सेलग ज्यूं ढीलो पड़े जी, तो गण में आछो न कोय ॥ च० ॥ ३९ ॥

घणां साध ने साधवी जी, आवक आविका मांय ।

हेलवा निन्दवा जोग छै जी, जावे अनन्त संसारी थाय ॥ च० ॥ ४० ॥

जे हेलवा निन्दवा जोग छै जी, तिण ने बाधा कियां थी धर्म ।

तिण रो बिनो बिया बच किया जी, निश्चय बंध ली कर्म ॥ च० ॥ ४१ ॥

पंथक बिया बच करा जी, आपरो छांदो जांण ।

धर्म नहीं तीन काल में जी, निशीथ स्रं करो पिछांण ॥ च० ॥ ४२ ॥

पंथक ने बिया बच थापियो जी, जब सगला ही मेला जांण ।

ते पिण छांदो आपरो जी, पूरब ली ग्रीत आंण ॥ च० ॥ ४३ ॥

। पंथक वरजी पांचसौ जी, गुरु ने छोड्यो खोटा जांण ।

पछे शुद्ध हुवो काने सुण्यो जी, जब सगला ही मिलिया आंण ॥ च० ॥ ४४ ॥

ए ज्ञाता स्रं में कहथो जी, पांचमां अभ्ययन रे मांय ।

खोटा जांण गुरु छोड़ना जी, आ शंका में आणो कोय ॥ च० ॥ ४५ ॥

सकडाल गोशाला ने गुरु कियो जी, छेला तिर्थंकर जांण ।

तिण खोटो जांण्यो जब छोड़ियो जी, उणरी मूल न राखी कांण ॥ च० ॥ ४६ ॥

पछे गुरु किया भगवान ने जी, कियो गोशाला ने दूर ।

ए सातमां अंग-में कहथो जी, ते निश्चय में जांणो कूड़ ॥ च० ॥ ४७ ॥

पछे गोशालो सुण आयो तिहां जी, सकडाल ने फेरवा काम ।

सकडाल गोशाले ने देख ने जी, बेछो रहथो एकण ठाम ॥ च० ॥ ४८ ॥

तिणने आदर सन्मान दियो नहीं जी, बले मीट न मेली ताम ।

जब गोशाले कपटी थके जी, किया भगवन्तरा गुण ग्राम ॥ च० ॥ ४९ ॥

हाट दीवी उतरवा तेहनें जी, पिण माम पाड़ी तिण ठाम ।

कहथो तो ने ओ दान दियो तिको जी, म्हारे नहीं धर्म रो काम ॥च०॥५०

अंगाल मरदन साधरे जी, चेला पांच सौ मुनिराय ।

गुरु तो अभवी जीव छै जी, पिण चेला ने खघर न काय ॥ च० ॥ ५१ ॥

एक भंड सुरो आगे चले जी, तिण रे पांचसौ हस्ती लार ।

एहवो सुपनो राय देखतें जी, परभाते करै विचार ॥ च० ॥ ५२ ॥

इतरा मांहि आचिया जी, अंगाल मरदन अणगार ।

राजा देखे शंसय पड्यो जी, पछे खवर करी उण वार ॥ च० ॥ ५३ ॥

पछे चेला पण गुरु ने जांयि यो जी एह तिरया तारया नवि कोय ।

दया रहित जाण्ये छोडियो जी, पिण मोह न आय्यो कोय ॥ च० ॥ ५४ ॥

एठाणांग रा अर्थ में जी, बले कहथो कथा रे मांय ।

खोटा गुरु ने छोड़नो कहथो जी, ते निश्चय सत्र रों न्याय ॥ च०॥ ५५ ॥

हुं कही कही कित रो कहुं जी, गुरु छोडन रा नाम ।

ते सत्र में छे अति घणां जी, आं कही वा नगी ताम ॥ च० ॥ ५६ ॥

इत्यादिक साध ने साधवी जी, कुगुरु ने छोड़ तिरिया अनेक ।

जे करणी कर मुक्ति गया जी, त्यांरा गुण गाया भगवन्त ॥ ५७ ॥

गुरु २ गहला कर रह्या जी, पिण गुरु री खवर न काय ।

जो हीणाचारी ने गुरु करे जी, तो चहुंगत गोता खाय ॥ च० ॥ ५८ ॥

जो कुगुरु छोड़ सत गुरु करै जी, बले पाले व्रत अभंग ।

ते तिरिया तरसी घणां जी, सत गुरु रे परसंग ॥च०॥५९॥

गुरु ने दीला जांया छोड़िया जी, त्यांरी कही सत्र में वात ।

हिवे परम परा गुरु छोड़िया जी, तिण ने जोइज्यो विख्यात ॥च०॥६०॥

लुंके शाह गुरु ने छोड़ ने जी, किधी आपरी थाप ।

जो गुरु छोड्यां में दोष छै जी, तो इण मोटो कियो पाप ॥ च० ॥६१॥

त्यां मां सुं निकल्या दूंदिया जी, लूंका गुरु ने छोड़ ।
 जो गुरु छोड्या में दोष छै जी, तो थांमे मोटी खोड़ ॥ च० ॥ ६२ ॥
 लूंका ने ढीला जाण छोड़िया जी, समेव चारित्र लीध ।
 साधु बाज्या तिण दिवस थी जी, ओर गुरु कोई माथे ने कीध ॥ च० ॥ ६३ ॥
 जो गुरु नहिं मांथे केहने जी, तिण में बतावे दोष ।
 तो धुर सु. नुगुरा दूंदिया जी, इण लेखे ओहि मत फोक ॥ च० ॥ ६४ ॥
 कोई कहे गुरु मांथे कियां बिना जी, नहिं उतरे भव पार ।
 तो इण लेखे सगलाही दूंदिया जी, नुगुरां रो परिवार ॥ च० ॥ ६५ ॥
 जो गुरु छोड थां रो दोष छैजी, बले गुरु नहिं करियां रो दोष ।
 ए दोनूं ही दोष दूंदियां में जी, ते किण विघ जासी मोक्ष ॥ च० ॥ ६६ ॥
 बले मांहो मांहि दूंदिया जी, गुरु छोड़ें ताम ।
 बले ओर करे गुरु जाय नें जी, तिणरो धरावे नाम ॥ च० ॥ ६७ ॥
 कई सम्बेगी रा आवक आविकांजी, त्यां गुरु कियां दूंदिया ताम ।
 जो दोष हुवे गुरु छोड़ियां जी, ए खोटो हुचो काम ॥ च० ॥ ६८ ॥
 दूंदियां में गुरु छोड था घणां जी, त्यांरो कुण २ रो कहूं नाम ।
 जो दोष हुवे गुरु छोड़ियां जी, तो इये सब दूब्या बेकाम ॥ च० ॥ ६९ ॥
 बले भगत सन्यासी सेवड़ा जी, कई गुरु छोड था ऊमा आय ।
 जे ओ दूंदिया मणीजी, तुरन्त मुडले मांय ॥ च० ॥ ७० ॥
 इणरा आगल गुरु छोड़ने जी, आप हुवा गुरु तांण ।
 तो दोष कहे गुरु छोड़ियां जी, तो काय बोया त्यांने जांण ॥ ७१ ॥
 थारे सरधा रे लेखे इम बोलणो जी, गुरु मत छोड़ो कोय ।
 आगला गुरु ने सेवतां जी, थाने शुद्ध गति बेगी होय ॥ च० ॥ ७२ ॥
 इम कहणी आवे नहीं जी, जब बोल्यां सुधी बांण ।
 खोटा जांण गुरु छोड़ना जी, करना उत्तम गुरु जांण ॥ च० ॥ ७३ ॥

तो क्यूं कहो गुरु नहिं छोड़ना जी, क्यूं ठिकाय करो बकवाय ।
 इण विधि लीघ्यां सांकड़ो जी, जव कोई एक बोले नाहि ॥ च० ॥ ७४ ॥
 कुगुरु छोड़नी सिजा करी जी, रियां गांम मंजार ।
 समत अठारह तेतीस में जी, आसाढ सुदी ३ ने सोमवार ॥ च० ॥ ७५ ॥
 ॥ इति श्री भिन्न कृत कुगुरु छोड़नी ॥

॥ दोहा ॥

भारी करमां जीव संसार में, ते भूल्या अज्ञानी भर्म ।
 त्याने गुरु पिण मूढ मूरख मिल्या, ते किण विध पांसे जिण धर्म ॥ १ ॥
 शुद्ध साधारी निन्दा करे, बले दे दे अणहुन्तो आल ।
 त्यांरे बोल्यांरी समझ त्याने नही, तिणरो कुण काढे निकाल ॥ २ ॥
 त्याने ठीक नहीं धर्म अधर्म, गुरु कुगुरु री खबर न काय ।
 बले साधु तणा आचार नी, समझे नहिं मन मांय ॥ ३ ॥
 डाकण ने चढवा जरख मिले, जव डाकण हरपित थाय ।
 ज्यूं भारी करमां ने कुगुरु मिले, जांणे पाछे रहे न काय ॥ ४ ॥
 त्याने कुतुब्धि सिखाय ने, कलेश करावे दिन रात ।
 ते कुगुरुं सहित जाय कुगति में, तियां मार अनन्ती खाय ॥ ५ ॥

॥ ढाल चौदहमीं ॥

(एक २ तणां दूषण दांके रे-ए देशी)-

अनादी रो जीव गोता खाय, समकित पंथ हांथ नहिं आवे ।
 मिथ्यात में मांदि कलिया, करम जोग गुरु माठा मिलिया ॥ १ ॥

उशब उदय सुं संवलो नवि सूझे, बले भाव सहित कुगुरां ने पूजे ।

ते मुक्ति मार्ग सुं परे टलिया ॥ क० ॥ २ ॥

ते कुगुरां तणे पड़िया पाने, ते सुगुरां तणा गुण नहिं माने ।

मिथ्यात में माठा धूलिया ॥ क० ॥ ३ ॥

मारी दोष लगावता नहिं शंके, बलि पंचमे आरे रै सिर न्हाके ।

ज्यां सु व्रत नवि जाय पाल्या ॥ क० ॥ ४ ॥

सूत्र रो न्याय नहीं जाणो, कुगुरां री पच काठी तांणे ।

ऊंधा २ बोले करमां सुं बलिया ॥ क० ॥ ५ ॥

मांति २ साधु समझावे, पापी जीव रे मन नवि भावे ।

त्यांरी मांठी गतिरा टांका झलिया ॥ क० ॥ ६ ॥

त्यांरा उशब करम तणा जोरा, केवलया थकां रह गया कोरा ।

त्यांरा पिण बाला नहिं बलिया ॥ क० ॥ ७ ॥

मेला जीव मारग नहिं आवे, त्यांने उपदेश दियो अहलो जावे ।

ते मोह करम सुं माठा कलिया ॥ क० ॥ ८ ॥

भारी कर्मा जीव मूढ मिथ्याती, शुद्ध साधु ने ठीठां बले छाती ।

बले ओगण बोलण उघलया ॥ क० ॥ ९ ॥

साधु काजे बांधे ताटा ताटी, विकलारी गति होसी माठी ।

बले भीत जुने कर मेला डलिया ॥ क० ॥ १० ॥

साधु काजे पड़दा आंया बांधे, जिण धर्म नहीं जांण्यो आंधे ।

बले छान निपने हलफलिया ॥ क० ॥ ११ ॥

श्रावक ने जिमावे धर्म जांणी, छकाया रो कर रहा घमसाणो ।

ते जिन मारग सुं जात्रक टलिया ॥ क० ॥ १२ ॥

कुगुरु रा दोष जाबक डांके, साधु ने आल देता नवि संके ।

त्यांरा लौकिक में पिण गुण गलिया ॥ क० ॥ १३ ॥

त्पारे कुगुरां रा डंक भारी लाग्या, कजिया राढ़ करवा आघ्या ।
 वचन बोले अलिया ॥ क० ॥ १४ ॥
 न्याय तणी चरचा करतां त्यां, विकला ने वार नहीं लड़तां ।
 ऊंधा बोले क्रोध मांहि बलिया ॥ क० ॥ १५ ॥
 जिन आझा में न्याय देवे ठेली, अणमतिया उठाय करे बेली बेली ।
 पाखंड्यां में जाय मिलिया ॥ क० ॥ १६ ॥
 गुणवंत सांधारा कई गुण गावे, ते दुष्टी जीवां रे मन नहिं भावे ।
 ते रात दिवस रहे पर जलिया ॥ क० ॥ १७ ॥
 जीवादिक नव तत्त्वरो नहिं निरणो, बले क्रोध तणो लीण्यो शरणो ।
 त्यां ने मोह करम अजगर गिलियां ॥ क० ॥ १८ ॥
 न मिटथो चारू गति में आणो जाणो, चोरासी में लागे बेजा ताणो ।
 जिन आझा में साम्हां फिर रहा नलिया ॥ क० ॥ १९ ॥
 देव गुरु धर्म तणो काजे, जीवां ने हंणता नवि लाजे ।
 त्यांने कुमति करी कुगुरु अलिया ॥ क० ॥ २० ॥
 आचार री बात लागे खोटी, त्यांमे सुध बुध अकल जावे नाटी ।
 आंधे पुरुष मोती दलियां ॥ क० ॥ २१ ॥
 आधा कर्मी थानक सेवण लाग्या, ते चरित्र बिहुणा छै नागा ।
 त्यांने बांधे पूजे माने मन रलिया ॥ क० ॥ २२ ॥
 सामायक पोसा में भागला नें बांधे, ते कर्मा रा पुंज भारी बांधे ।
 त्यांरा समकित सहित व्रत गलिया ॥ क० ॥ २३ ॥
 भागलां ने बांधे जोड़ी हांथ, ते पाप क्रम बांधे साथ ।
 उलटा करमां रीणो मिलिया ॥ क० ॥ २४ ॥
 हरिया जव देखी ने भृगुचर, चावर मांडि में जाथ पडे ।
 भृगु जु शुद्ध मार्ग जावन हिलिया ॥ क० ॥ २५ ॥

आपरा गुरु रा किरंतब देखे, तो ऊंचे स्वर बोले किरण लेखे ।

न्याय बिना बोले सिक टलिया ॥ क० ॥ २६ ॥

त्यांरा कुगुरां रो डंक लाग्यो मारी, ज्याने आचार री वात लागे खारी ।

ते अणाचारी सुं हिल मिलिया ॥ क० ॥ २७ ॥

पंच महाव्रतां रो चरचा छेडे, ते तुरन्त भूठा नो रंग फिरे ।

अन्तरंग में आंधणज्यूं ठग लिया ॥ क० ॥ २८ ॥

जो बरता रो चरचा करे त्यां आगे, ते तो क्रोध करी लड़वा लागे ।

जाणो भाड़ में से चिणा उछलिया ॥ क० ॥ २९ ॥

जो साधु रो आचार कहे तिण आगे, तो रोम र में लाय लागे ।

मुंह बिकलां रे क्रोधे बालिया ॥ क० ॥ ३० ॥

त्यांरे कुगुरां रो डंक लाग्यो जाणो, त्यांरी बोली में नहिं थोड़ ठिकाणो ।

कहि २ ने तुरन्त जाय बदल्या ॥ क० ॥ ३१ ॥

जोड़ कीथी कोठारे गाम, समत अठारह से बरस तियालिस ताम ।

कातिक सुद ८ ने सोमवार, उत्तम गुरु सेवो नर नार ॥ क० ॥ ३२ ॥

॥ दोहा ॥

साध साधवी ने दान अशुद्ध दे, जाणने अशुद्ध ले साध ।

तो दोनुं हून्या बापड़ा, श्री जिन वचन विराध ॥ १ ॥

अशुद्ध देवाल ने लेवाल ने, कड़ुआ फल लागे आंण ।

ते जथा तथा प्रगट करुं, ते सुणज्यो चरित्र सुजांण ॥ २ ॥

॥ ढाल पन्द्रहवीं ॥

(गोतम स्वामी में गुण घणां—ए देशी)

तीन बोलां कर जीव रे जी, अन्य आउखो वधाय ।

हिंसा करे प्राणी जीवरी, बले बोले भूसा बाय जी ।

साधां ने अशुद्ध बहराये जी, हिंसा करे चोखी जाग्यां बंसाये जी ।
 साधां ने उतारे तिण मांहि जी, त्यारे अशुभ करम बंधाये जी,
 तीजे ठाणे कळो जिन राय जी । बले सूत्र भगवती मांय जी ।
 श्री वीर कहे सुण गोयमा ॥ १ ॥

दड लीपे साधां रे कारंणे, कई छपरा छावे आये ।
 केलू पिण फेरता थकां जमीया, जाला उंखाले तांय जी ।
 नीलण फूलण मारी जाय जी । अनन्ता जीव छै तिण मांहि जी ।
 बले और हयें छै काय जी । त्यां री दया न आंणी काय जी ।
 त्यारो पिण अल्प आउखो बंधाए जी ॥ श्री० ॥ २ ॥

बले नीम दिरावे ठेठ सुं जी, बले टांकी बजावे ताय जी ।
 मेला करे भाठा चुना । तिण बहुत मारी जै काय जी ।
 अयान्त जीव हणिया जाय जी । ते पूरा केम कहाय जी ।
 साधां ने रेहवारी मन लाय जी । तिण मोटो कियो अन्याय जी,
 तिण रे पिण अल्प आउखो बंधाय जी ॥ श्री० ॥ ३ ॥

जिण अर्थ दियो थानक करायवा जी, तिण पिण मराई छै काय,
 किण ही मोल भाड़े भोगलाविया, किण ही थाप्या राख्या छै ताय जी,
 इत्यादिक दोपीला कराये जी, पिण खोद समो कियो जाय जी,
 विदर सुं मारी छ काय जी, त्यां रे पिण अल्प आउखो बंधाए जी ॥ ४ ॥
 आहार शय्या वस्त्र पात्रा जी, इत्यादिक द्रव्य अनेक,
 अशुद्ध बहरावे साधने ते, द्रव्या बिना विवेक जी,
 त्यां भालीं कुगुरां री टेक जी, त्यां रे करमां तणी काली रेख जी ।
 त्यां ने शीख न लागे एक जी, गुरु ने अष्ट कियां विशेष जी,
 शंका हुवे तो सूत्र न्यो देख जी ॥ श्री० ॥ ५ ॥

पाप उदय हुवे तेहने जी, जब पड़े निगोद में जाय, -
 उत्कृष्टा अनन्ता भव करे, तियां मार अनन्ती खाय जी;
 रहे घणी संकड़ाई मांहि जी, जक नहीं छे निगोद में ताय जी,
 बले मरण बेगो २ थाय जी, उपजे न बिललाय जी,
 तिण रो लेखो सुणो चित लाय जी ॥ श्री० ॥ ६ ॥

सत्तर भव जाम्हा करे, एक सांस उसवास मांहि,
 एकण मुहूर्त में भव करे, साढे पैसठ हजार जी,
 बले छत्तीस अधिक बिचार जी, एहवी जन्म मरण री धार जी,
 मरण पांमे अनन्ती बार जी, अनन्ता काल चक्र मंभार जी,
 तिणरो बेगो न पांमे पार जी, ए फल पावे निगोद मंभार जी,
 अशुद्ध दान तणो दातार जी ॥ श्री० ॥ ७ ॥

कहां पहिलां वन्द पड़े नरक नो जी, तो पड़े नरक में जाय,
 तिहां पेज वेदना छै अति घणी, परमा धामी मारे बतलाये जी ।
 तियां मार अनन्ती खाय जी, उठे कुण छुढाये आयजी,
 भूख तिरखा अनन्ती ताय जी, दुख मे दुख उपजे आय जी,
 अशुद्ध दियां रोये फल थाय जी ॥ श्री० ॥ ८ ॥

दुख भोगता नरक में जी, शेष बाकी रखा पाप,
 ते उपजे तिरजंच में, जठे पिण घणो सोग संताप जी ।
 ते छूटे नहीं कीध्यां बिलाप जी, बले न्हाखे निगोद में आप जी ।
 आहो न आवे गुरु न मा बाप जी । दुख भोगवे आपो आप जी,
 अशुद्ध दान दियां धरम थाप जी, ते कुगुरां तणो परताप जी ॥ श्री० ॥ ९ ॥

आधा करमी साधू भोगवे जी, ते बांधे चीकना कर्म,
 ते अष्ट थया आचार थी, तिण छोड़ दियो जिण धर्म जी ।

निकल गयो त्योंरो भर्म जी छोड़ी लज्जा ने शर्म जी,
 त्यां विगोय दियो निज भर्म जी, दुख पावे उत्कृष्टा प्रेम जी ॥ श्री० ॥ १० ॥
 अशुद्ध जाण ने भोगवे जी, त्यां मांगी जिमवर पाल,
 ते भ्रमण करसी संसार में, उत्कृष्टो अनन्तो काल जी,
 नरक में जासी तोंको भाल जी, तिण ने मार देसी नरक पाल जी,
 लीध्या कर्म संभाल जी, रोसी किरतब सामो निहाल जी,
 भगवती पहिलो शतक निकाल जी, लीजो नवमों उद्देशो संभाल जी ॥ ११ ॥
 साधू रे काजे हण्ये छे काय ने जी, ते चार अणन्ती हणाय,
 जे साधु जाण ने भोगवे, ते पण अनन्ती मरण करे ताय जी ।
 ए तो दोनु दुखिया थाय जी, अनन्ता भव मारया जाय जी ।
 एक बार मारी छै काय जी, त्यां तो दुख भोग बलिया ताय जी,
 पिण यां रो पार वेगौ नवि आय जी ॥ श्री० ॥ १२ ॥
 छ कायरा अशुभ उदै हुवा, तां तो पांमी एकण वार घात जी ।
 पिण साधू पढ्यो नरक निगोद में, आवकां ने पिण लीध्या साथ जी,
 त्यां मानी कुगुरां री बात जी, कीध्या त्रस थावर नी घात जी,
 अनन्तो काल दुख में जात जी, बले मरण वेगो २ थाय जी,
 त्पाने कुगुरां हुवोया साक्षात जी ॥ श्री० ॥ १३ ॥
 गुरु ने हुवोया आवकां जी, आवकां ने हुवोया साध,
 ते दोनु पढ्या नरक निगोद में, ते श्री जिनधर्म विराध जी,
 हवा संसार समुद्र अगाध जी, ते किण विध पांमे समाध जी,
 जिण धर्म री रेस न लाध जी ॥ श्री० ॥ १४ ॥
 अशुद्ध दान दियो तिण साधने जी, तिण साधू ने लूट्यो ताय,
 तिणरे पाप उदय हुवो इण विधे, तो दरिद्र धसे घर मांय जी,
 रिद्ध संपत जाय बिलाय जी, बले दुख मांहि दिन जाय जी,

कदा न पुन्य भारी हुवे ताय जी, तो इन भव में दुखने पाय जी,
 तो पर भव में शंका न काय जी ॥ श्री० ॥ १५ ॥
 इम सांभल नर नारियां जी, कोई कीजै मन में विचार,
 शुद्ध साधू ने जाण ने जी, अशुद्ध मत दीज्यो किण वार जी,
 अशुद्ध में नहिं धर्म लिगार जी, शुद्ध देने लाहो लीज्यो सार जी,
 उत्तर जावो भव पार जी, ओ मिनख जंमारो सार जी ॥ श्री० ॥ १६ ॥

॥ दोहा ॥

इण दुःखम आरे पांचमें, बिगड्यो साधूरो भेष ।
 शंका हुवे तो पूछ निराय करो, बले अरु बरुख्यो देख ॥ १ ॥
 साधु माण छै सांकड़ो, करडो छे त्यांरो आचार ।
 ते जिण तिण सेती किम पले, जाव जीव रहणो एकण धार ॥ २ ॥
 कई सांग पहर साधु हुवा, त्यांरे घट में नवि विवेक ।
 त्यां साधपणो नवि ओलख्यो, तिणसुं सेवे छे दोष अनेक ॥ ३ ॥
 दोष सेव्यां भांगे साधु पणो, त्यांहने तो पिण खवर न काय ।
 त्यांने श्रावक पिण तैसा हिज मिल्या, त्यांने समझ पले नहिं मन माय ॥ ४ ॥
 जो आचार बतावे साधु रो, तो तुरन्त जागे त्यांने द्वेष ।
 जाणो निदा करेछे म्हाारा गुरु तणी, घट में नहिं शुद्ध विवेक ॥ ५ ॥
 आचार बतायां साधरो, तिण में निन्दा सरखे छे मूढ ।
 ते विवेक विकल सुघ बुध बिना, त्यां झाली मिथ्यात री रूढ ॥ ६ ॥
 सांची ने झूठी कहे, ते तो निन्दा होय ।
 सांची बात कहे समझाइवा, ते निन्दा में जाणो कोय ॥ ७ ॥
 जे भारी कर्मां जीवरा, त्यांने न गमें आचार री बात ।
 ते भूल्या छे भरम अनादरा, त्यांरे घट में घोर मिथ्यात ॥ ८ ॥
 पिण भव जीवां ने समझायवा, थोड़ी सी कहूँ अन्य बात ।
 ते सुण २ ने नर नारियां, ओड़ो कुगुरां तणी पचपात ॥ ९ ॥

॥ ढाल सोलहवीं ॥

(आधा कर्मी उद्देशी (ए देशी)

कोई सांघ पणों रो नाम घरावे, पूरो पलै नहीं आचारो ।

त्यांरा श्रावक दोष सेवावण सामल, यां दोयां रे घट में अंधारो रे ।

भवियण जोवो रे हृदय विचारी रे । छोड दो कुगुरां रो लारो रे ।

भवियण कुगुरु छे हीण आचारी रे ॥ १ ॥

आंधा ने आंधिया आय मिलिया, जव कुण वतावे बाटो ।

ज्यों कुगुरु ने विकल श्रावक मिलिया, दोयां रे अकल आड़े पाटो रे । २ ।

त्यांरा श्रावक जीव हणें त्यांरे काजे, त्यांरा श्रावकां ने तो बरजे नाहिं ।

ते तो दोनु हरपे छे जीव हणियां थी, त्यांरे दया नहीं घट मांयो रे । ३ ।

कई साधां रे काजे नीलो उखाड़ ने, बर्सतां में मूड जा न्हाके ।

अनन्ता जीवां रो धमसाण करता, पापी जीव मूल न शंके रे ॥ भ० ॥ ४ ॥

मोटी तिथी आठम ने चौदश, तिण दिन पिण नहीं करे टालो ।

आप हुवा अष्ट करे गुरां ने, आत्मा नें लगावे कालो रे ॥ भ० ॥ ५ ॥

साधां काजे जाग्यां खीदी ने करे विषम जाग्यां ने सूधी ।

नीलण फूलण नीला अंकुरा मारे, त्यांरी अकल घणी छे ऊंधी रे ॥ ६ ॥

बले कसी सु' खोद समी जाग्यां करतां, किडी मकोड़ादिक देवे डाटी ।

बले तिण हिज में धर्म जांणे छे भोला,

त्यांरें आई आभ्यन्तर पाटी रे ॥ भ० ॥ ७ ॥

बले साधां रे काजे कैलू करावे, जमियां उखेड़े जालो ।

बले नीलण फूलण रो जीवा नें मारी,

तस जीवां रो पिण करे खंगातो रे ॥ भ० ॥ ८ ॥

धरो खात कचरादिक पढ़ियो हुवे जाग्यां में, जुहार भेलो करे साधु काजे ।

पछे ओढ़ि र करे नखावे, तोपिण निरलज्जा मूल न लाजे रे ॥ ९ ॥

साधु काजे दड़ लीपे छपरा छावे, चन्द्रवान ताटादिक बांधे ।

बले विभद पणो घात करे जीवारी,

जिण धर्म न ओलख्यो ग्रंथे रे ॥ भ० ॥ १० ॥

एहिवा किरतव करे साधां रे कारण, त्यांने साध निखेदे जो नाहि ।

बले आप मतलब जाण ने राजी हुवे,

त्यांने गिनीज्यो मति साधां मांहि रे ॥ भ० ॥ ११ ॥

एहिवा किरतव करवावे आमना करने, आपरे सुख साता रे काजे ।

बले पहरण सांग साधू रो छो त्यांरो,

पिण निरलज्जा मूल न लाजे रे ॥ भ० ॥ १२ ॥

जीवारी घात करने जाग्यां करे चोखी, तठे रहिवा नहिं जाग्यां त्यांरी ।

ते तो प्रत्यक्ष असाध उधाड़ा दोषी,

त्यांने वीर कह्या मेष धारी रे ॥ भ० ॥ १३ ॥

कई साधां रे कारण नीच दिराये, नवि करावे जाग्यां ।

तिण जाग्यां में साध रहे तो, व्रत विह्वला नागा रे ॥ भ० ॥ १४ ॥

कई साधां रे कारण मोल ले जाग्यां, कोई साधां रे काजे ले भाड़ ।

तिण मांहि रहे तो अणाचारी निश्चय,

शुद्ध साधु तणी पाँत बाहरै रे ॥ भ० ॥ १५ ॥

साधू काजे दड़ लीपे गार घालनें, ते पिण क्रम बांधे बूढा ।

साधु पिण तिण ठाम रहे तो,

चहुं गति मांहि दीससी भूँडा रे ॥ भ० ॥ १६ ॥

ए थानक तणां छै दोष अनेक, ते तो पूरा कैम कुहाय ।

अशुद्ध थानक भोगवे मेष धारी, ते भोला ने खबर न काय रे ॥ भ० ॥ १७ ॥

नाटकियो सांग सांग सांधारो आंखे, ते पिण सांग तणी बरग खुवा ।

मेष धारयां सुं तो साधु रो मेष लाज्यो,

स्वान ज्यूं पकड़ रक्षां हाड़ा रे ॥ भ० ॥ १८ ॥

अजुण काल में पांचमें आरे, धणी हीण पड़ी छै बुद्धि ।

एहिवा अणाचारी ने साध सरधे,

त्यां में कोई नहीं दीसे शुद्ध रे ॥ म० ॥ १६ ॥

एहिवा भाव सुणे भारी कर्मा, पामें नही चमत्कार ।

कर्म जोगे त्यां ने कुगुरु मिलिया,

तिणरो किण विघ मिटै अंधारो रे ॥ म० ॥ २० ॥

त्यांरा थानक में कोई दोष बतावे तो, बोले धणां आल पंपालो ।

पाछो जवाव न आवे जब, क्रोध करने देवे अणहुं तो आलो रे ॥ म० ॥ २१ ॥

शुद्ध साधु तो शुद्ध थानक में रहे छै, त्या में दोष बतावे अनाखी ।

भूँठ बोले छै आप सरीसा करण ने,

त्यांरा भूँठा बोल्या छै साखी रे ॥ म० ॥ २२ ॥

शुद्ध साधू रे आल देतां नहीं शंकै, आपरा दोष ढाँके निशंकै ।

दोनु प्रकारे बूढ़ गया छै, आप रो नबि छमै बंक रे ॥ म० ॥ २३ ॥

परभाते आहार बहरयो तिण घर रो, आथण रो बहरे दाल न रोटी ।

कारण बिना दोनु टंक बहर ने ल्यावे, आपिण चलगत खोटी रे ॥ २४ ॥

परभाते आहार लियो तिण घर रो, दोषारि घूघरियादिक आणे ।

आथण रो ल्यावे ऊंना दाल न रोटा,

शंका पिण किण री न आणे रे ॥ म० ॥ २५ ॥

त्यां रा श्रावक पिण विवेक रा विकल, त्यांरे भूल पड़े नहिं शंका ।

जैसे को तैसा आय मिल्या हिव, कुण काढ़े त्यांरो बंक रे ॥ म० ॥ २६ ॥

देवकी रे घरे आया तीन सिंघाड़ा, तिण रे तो तुरंत पड़ गई शंका ।

तिण तो पूँछ निर्णय कियो, रुढी रीत शंका काड़ हुई निशंक रे २७ ॥

त्यांरा श्रावक रे घरे बहरन जावे, ए दिन में बार अनेक ।

तो पिण संका पड़े नहीं त्यारे, ज्यां में तो शुद्ध नहीं छे विवेक रे ॥ २७ ॥

कारण बिना ऊनो आहार न्यावे आथण रो,
 नहीं गेरडो गिलाण विशेष, घालीयो ऊनी दाल न रोटा ।
 रस के तिण छे ढीला ज्यां लग भेष रे ॥ भ० ॥ २६ ॥

कोई राखड्यादिक तिह्वार आथण रो, जब तो पहला करे गाला गोलो ।
 पीछे रस गिरधी फिर आथण रो, त्यां जा घर जा संभालो रे ॥ ३० ॥
 छतो आहार मिले परभात रो, त्यां ने तो पिण गिरधी थको बहरे नाहि ।
 जाणो आथण रो लेस्युं तिह्वार रो जीमण,

तायां बीजा लाग्गा तिण मांदि रे ॥ भ० ॥ ३१ ॥

इम आरत ध्यान करता दिन काढे, सिंभारा न्यावे सेवा ने कसा ।
 बरते धृत खांड रा करे चबोला, इण विध पूजे तिह्वार रे ॥ भ० ॥ ३२ ॥
 इण विध तिह्वार पूजे रस गिरधी, ते पिण नाम धरावे साधू ।
 ताजा आहार तूंडा परे पापी,

त्यारे किण विध होसी समाध रे ॥ भ० ॥ ३३ ॥

ताजा आहार तिह्वार रो सरस जाणे, तो चांप र खावे भरपूर एहिवा ।
 विकलाई करे छे तिण रा, पड़ी साध पणों में धूल रे ॥ भ० ॥ ३४ ॥
 एहिवा रस गिरधी जीभारा लंपटी, त्यां रो बिगड़ गयो भेष ।
 त्यां ने साध सरधे बांधे पूज अज्ञानी,

ते पिण डूब्या बिना विवेक रे ॥ भ० ॥ ३५ ॥

कोई कारण पड़ियां जाय आथण रा, जब दोष नहीं छै लिगार ।
 बिना कारण जाय तिह्वार जांणी,

त्यां ने छै तीन धिक्कार रे ॥ भ० ॥ ३६ ॥

कोई गृहस्थ घरसुं बोलावण आयो, म्हारे घर बहरण पधारो ।
 तेडिया तिण रे घर जाय जांण नें, किम कहिजे अणगारो रे ॥ ३७ ॥

तेढ़न आयो छ काया मार देतां, तिणरा हांथ सुं पिण नहीं करे टालो ।
 तेड़िया गया में दोष न सरघे, त्यारे आयो अन्तर जालो रे ॥ ३८ ॥
 कदा करम जोगे साधू तैड़ियो जावे, तो प्रायश्चित्त ले हुवै शुद्धो ।
 पिण सदा तेड़िया जाय, तिणरा अष्ट हुवै छै बुद्धो रे ॥ ४० ॥ २६ ॥
 जो सहज ही गृहस्थ आयो छै थानक में, ते कहे म्हारी कानी दसां पधारो ।
 तिण भाव भेद न आण्यो सांधारो, जव गया नहीं दोष लिगारो रे ॥ ४० ॥
 तेड़िया जाय ने अण दीण्यो लेवे, ते ने मांहि निश्चय भिष्टी ।
 एहिवा भागल अष्ट हुवे छे त्यानि, साध सरघे नहीं समदृष्टि रे ॥ ४१ ॥
 कहि भेष धारी गृहस्थ ने देवे, पूठा पाना परत विशेष ।
 लोट पातरा ने ओधो पूंजनी देवे, तो अष्ट हुवा लेहि भेष रे ॥ ४२ ॥
 कोई भोला गृहस्थ तो हम जाणै, म्हासुं दीसे स्वामी जी री माया ।
 पूंजनी काढ दीनी छै म्हानै, तिणसुं म्हे पालां छै दया रे ॥ ४३ ॥
 गृहस्थ ने साधू पूंजणी दीण्यो, भोला तो जाणै दोष न लागे ।
 पिण निशीथ सत्र में श्री जिन भाण्यो,

तिण रो चोमासी चारित्र भांगे रे ॥ ४४ ॥

गृहस्थ ने साधू पूंजणी देवे, ते नेमें निश्चय छै भिष्टी ।

पिण भोलां रे भावे ते तेहिज साधू ,

तिण ने असाधु सरघे समदृष्टि रे ॥ ४५ ॥

कई कहे पूंजनी सुं तो दया पाले छै, तिण ने साधू पूंजणी देवे ।

साधु तिण लेखे तो मुह पत्री पिणदेणी, इणसुं दया पालसी बांध रे ॥ ४६ ॥

वलें धोवणादिक पिण देणों गृहस्थ ने, तिणसे काचा पाखी तणो हुवे टालो ।

आपिण दया पाले इणलेखे, पूंजणी रो न्याय संभालो रे ॥ ४७ ॥

पूंजणी देणी तो रोटी पिण देणी, तिणसुं टाले चूल्हारो आरम्भ ।

पूंजणी देवे रोटी नहिं देवे, ह्यांरी सरघा रो बड़ो अपचंभोरे ॥ ४८ ॥

कोई काचा पांणी सुं कपड़ादिक धोवे, बाटादिक में धाले काचो पांणी ।
तिणरो धोवणादिक देखो दया पलावणी,

पूजनी देवारा लेखे जांणी रे ॥ म० ॥ ४६ ॥

पूजनी सुं तो गिणवा जीवा पूंजी, जे ते पणथोड़ा सा अल्प मात ।

ऊनो पांणी धोवणादिक दीध्यां, टाले अणन्त जीवां र। घात रे ॥ ४७ ॥

गृहस्थ ने एक पूंजणी देखी, तिण लेखे तो देखी वस्तु अनेक ।

थोड़ी सी वस्तु साधु देवे गृहस्थ नें, आखो व्रत रहे नहिं एक रे ॥ ४८ ॥

गृहस्थ ने साधु हाथ पकड़ने, राग करने हेठो बसाणे ।

इये भागल मेष धारी छै त्यांने, डावा हुवे ते साध ने जांणे रे ॥ ४९ ॥

सम्मत अठारह इक्यावन बरसै, सावण सुद तीज ने बुधवार ।

मेष धारयां ने ओलखाण काजे, जोड़ कीधी सिरियारी मंझार रे ॥ ५० ॥

॥ दोहा ॥

इम दुःखम आरे पांचमे, गुणविना बधियो मेष ।

ते समकित व्रत विना फिरे, भूल्या सरव विशेष ॥ १ ॥

ते सार भी ते संपरग्री, बले करे अकार्य अनेक ।

ते साधू नाम धरावतां, त्यां झाली मिथ्यात री टेक ॥ २ ॥

त्यां जुवा २ गच्छ वांधिया, मांहो मांहि करे कजिया राड़ ।

त्यांरी सरधा चलगत जुई २, बले जुई २ भापे आचार ॥ ३ ॥

जव साधां सुं चरचा करे, जव सगला एक होय जाय ।

कहे सगलाई साध छां, एहिची बोले अज्ञानी बाय ॥ ४ ॥

सावज काम करतां ने करावतां, शंका आंणे नवि मन मांहि ।

हिव कुण २ अकार्य कर रह्या, ते सुणज्यो चित लाय ॥ ५ ॥

॥ ढाल सत्रहमीं ॥

(भवियण जोवो रे हृदय विचारी— ए देशी)

साधां रे कारण थानक करावे छै, छ कायां रो कर धमसाण ।

तिण थानक मां रहिवा लाग्या, त्यां छोड़ी छै श्री जिन आणों रे ।

भवियण जोवो रे हृदय विचारी, थे छोड़ धो कुगुरां रो लारो रे ।

भवियण जे तूँ उतरो भव पारो रे ॥ १ ॥

सांभ्रती एहिवा थानक भोगवे, चले भूँठा बोले ठाम २ ।

कहे थानक म्हारे काजे न कीच्या,

आवकां रे कामें कियो ताम रे ॥ भ० ॥ २ ॥

तिणरा आवकां ने कहे न हम बोले,

थानक ने कहे धर्मशालो,

ज्यूं थारी मारी आछी लागे लोकां में,

म्हाने तो दूषण सुं टालो रे ॥ भ० ॥ ३ ॥

त्यां ने आवक पिण तेहिवा ही मिलिया,

त्यां ने ज्यूं सिखावे ज्यूं बोल कहे ।

धर्मशाला म्हारे काजे कराई,

भूँठ बोलै वाजते बोलै रे ॥ भ० ॥ ४ ॥

आवक त्यांसुं रीझ रझा छै,

जाणै बोले पढाया खवा ।

त्यां में जाण पया री युक्ति न दीसे,

ते तो निन्दक साधां रा कहथा रे ॥ भ० ॥ ५ ॥

वेपारियां नें ठगावे सीसा, उजाड़ में धतूरो खवायो ।

ते लोभ भमियां करे ताम, आऊ उजाड़ रे मांहि रे ॥ भ० ॥ ६ ॥

ज्यूं मेपधारी लोकां ने वेसाखी, भूँठ बोलनो त्यानि सिखायो ।
 इण थानक ने कहे धर्मशाला, ते धर्मशाला कहितां मरसी ताह्यो रे ॥७॥
 साधां रे काजे थानक कीध्यो चोड़े, छकायां रो कर खंगालो ।
 ते थानकं प्रत्येच्छै पापशालां, तिणरो नाम दियौ धर्मशाला रे ॥ ८ ॥
 तिण थानकं में साध रहे काजे, मन गमती राखे बारी ।
 तिण हिंसा थकी साधनें श्रावकांरी, भव २ में होसी खुवारी रे ॥ ९ ॥
 सारा श्रावक मूढ मंति छै, जाण २ गुरु रो दोष ठाकै ।
 आघा कर्मी थानक ने कहे धर्मशाला, भूँठ बोलतां मूल न शंके ॥ १० ॥
 एहिवा भूँठ बोल्यां ने पूछा कीजे, थे तो धर्मशाला करावण कांजे ।
 थे रुपिया कठा थी आण कराई, जब पाछो जवाब देतां लाज रे ॥ ११ ॥
 मिनष आतरयो घूड़ रे के जूत्यो, ते धन उदके थानक कामें ।
 ते दान लेई धर्मशाला करावे, एहिवा दान लैता कुण नबि लाजे रे ॥ १२ ॥
 बले धर्मशाला करावण काजे, लेवे अउतरो मालो ।
 ओ निर्मायल माल लोकांरो लेवै, ओतो खांपण वालो प्यालो रे ॥ १३ ॥
 कोई अन्तकाल समय धन उदके, रंक गरीब भिखारी त्याही ।
 ते धन लेई धर्मशाला करावो, तिणमें करो पोसा समाई रे ॥ १४ ॥
 बले गावां सुं पर गावां सुं मांगणी करणे, करावो छौ धर्मशालो ।
 थे भिचा मांगो नीचो हांथ मांडो, थारे कुल सामों क्यों नहीं निहालो रे ।
 थे मोटका मिनख भाजो लोकां में, बड़ा २ करो छो किरिया । बरकाजो
 थे धर्मशाला कराई, अयोग्य दान ले थे छोड़दी धर्म न लाजो रे ॥ १५ ॥
 थे निर्मान्य दान मुरदारो लेई ने, थे धर्मशाला करवाई ।
 ते दान तण्यो लेवांल छे, कुण २ तिणरो थे नाम बतावो रे ॥ १७ ॥
 अठे तो धर्म जाणी दान दे अन्त कोले, तिणरो लेवांल किणने थाप्यो ।
 थे पहलां रे बदले भूँठ बोलने, कोई विगोवो आपो रे ॥ १८ ॥

दातार तो दान दे इम जांणी, सांधारी जाग्या वधांवण ताईं ।
 इण रुपियां साटे चोखो थानक करासी, तो साध उतरसी तिणमांहि रे ॥१६॥
 ज्यूं जांणे धन उदके आतरये, तिके वल साधां रे कामे ।
 वे कहो इसो दान साध काने ले, किसो आवक लियो छे तामें रे ॥२०॥
 ओ तो दान साध आवक कियो छे, तो तीजो न दीसे कोई ।
 इण दान तणो झेलू हुवे तिणरो, चौड़े नाम वताय द्यो सोई रे ॥ २१ ॥
 जो साधां रो नाम वताय चौड़े, ते साध सहित आवक सर्व भूँडा ।
 जो आवक दान लियो कहते, न्यात जात में दीसे भूँडा रे ॥ २२ ॥
 त्यां में कई एक तो पापकर्म खंडरता, कई एक लौकिक खंडरता ।
 ते तो कहदे थानक साधां रे कारज कीच्यो,
 सूधा बोले छे लाजां मरता रे ॥ भ० ॥ २३ ॥
 कई कहे थानक म्हारे काजे कियो छे, वद २ ने कहे वारंवार ।
 त्या इसणां २ कई भूँठा बोला छे,
 त्यांरे घर में घोर अंधारो रे ॥ भ० ॥ २४ ॥
 त्यां भूँठा बोलां ने पाछो इम कहण्यो, तो थे लिया अंतरया रो दान ।
 इण दान थकी जानें न्यात लोकां में,
 थे होस्यो घणा हैरान रे ॥ भ० ॥ २५ ॥
 भिनप आतरयो ने धुरइ को जूत्यो, तिण दान रा थे लेवालो रे ।
 दान लेई धर्मशाला करे, जव थे कुल में लगायो कालो रे ॥ भ० ॥ २६ ॥
 निर्माल्य दान मुरदां रो लेई ने, जाग्यां कराये हरखो ।
 तिण देखी तिण जाग्या मांहि करो,
 पोसा समायक तो उड़ गयो जावक सेखी रे ॥ भ० ॥ २७ ॥
 थे सांप्रत मुरदा रो दान लेई ने, सांधा काजे थानक कावे ।
 थे कहो थानक म्हारे काजे कीच्यो,
 ओ तो भूँठ कुगुरां रो सिखायो ॥ २८ ॥

आप २ तणा थानक री ममता, धर पीढ्यां लग लागी छै ।

थारी मर्जी बिना अनेरा टोलां रा,

कुण धंसे तिण मांहिरे ॥ भ० ॥ २६ ॥

मठ बांधी मठ धार्यां ज्यूं बैठा, ओरां ने उतरण दे नांहि ।

कदा उतरण दे तो घणियांपो थारो, उतारे खोज मांडण ताई रे ॥ ३० ॥

आपरे तणा थानक मांण बैठा, औरां ने उतरण दे नाहिं ।

कदा उतरण देतो घणीआपो थां रो उतारे खोज मांडण ताई रे ॥ ३१ ॥

थानक निमित्त अर्थ लागे ते, करे सामग्री ही ने मेलो ।

और सामग्री तणां नहीं देवे, थारे नांहि छे मांहो माहिलो रे ॥ ३२ ॥

बले ग्राम पर ग्राम सुं अर्थ मंगावे, ते पण सामग्री मांहि ।

कोई शरमा शरमी देवे अनेरे, ते तो लाखों में नांहि रे ॥ भ० ३३ ॥

गछ बासी ज्यूं गच्छ मांहि बैठा, आप २ तणा थानक ठहराया ।

ते पण साधू बाजे लोकां में, ते पण भोलाने खबर न कायो रे ॥ ३४ ॥

मुरदां रो दान ले थानक करावे, ते थानक नहीं छे श्रेष्ठ ।

तिण थानक मांहि साध रहे छे, ते तो नेमाई निश्चय अष्ट रे ॥ ३५ ॥

मुरदां रो दान ले थानक करायो, त्यांरी अष्ट हुई छे बुद्धि ।

तिण थानक में करे पोषा समाई, ते पण श्रावक नहीं छे शुद्ध रे ॥ ३६ ॥

कोई मांदो आतयो ने घुरड़ो जूत्यो, ते तो धन्य उदके थानक काजे ।

ते आतर्यादिकरो दान लेई ने, लोकां में बधारा बैठा रे ॥ ३७ ॥

इण दान रो लेवाल किण ने ठहरावे, किण रो ठेका बघै छै राज्यो ।

ओ किण २ रो बध्यो छे परिग्री, ओ किण २ रे आवसी काजो रे ॥ ३८ ॥

इण मुरदां रो दान ले थानक करायो, त्यांरी मति घणी छै मांठी ।

तिण थानक में करे पोसा समाई, त्यांरी अकल आड़ी आई पाटी रे ॥ ३९ ॥

ए तो निर्माल्य मुर्दां रो माल, ते रांक भिखारी ले भोगवै ।

तेरा चार तीर्थ उत्तम एहिवां, दान ने हाथ घाले रे ॥ ४० ॥

एहिवो फितूर खानो मांड रह्यो लोकां में, त्यां मति मांहि मोटी मोलो ।

बुद्धिवन्त बिन कुण काढे निकालो, चहुं मांडी रखा गांगी रोलो रे । ४१ ।

त्यांरा थानक रो काई काढे निकालो, जब बोले घणा आल पंपालो ।

शुद्ध साधू रहे निर्दोषित जाग्यां में,

त्यांरे उलटा देवे साधां ने आलो रे ॥ ४२ ॥

आधा कर्मादिक थानक छे दोषीला, तिण ने दियो छै निर्दोष थापी ।

निर्दोष जाग्या में साथ रहे छे, तिणमे' दोष कहे छे पापी रे ॥ ४३ ॥

एहिवी अयोग्य जाग्यां में रहसी, त्यां में अकल पिण एहवी आवे ।

त्यांरो अशुद्ध उपदेश मुहड़ा री बांगी,

ए भव जीवां ने किम समझावे रे ॥ ४४ ॥

जाण २ ने एहिवी जाग्यां सेवे, बले अशुद्ध लेवे अन्न पांगी ।

ते प्रत्यक्ष जैन तणां बिगड़ायल, त्यांरी खोटी बखाण री बांगी रे । ४५ ।

वीर बिक्रमादित्य रे सिंहासन बैठों, लोक कहे आछी बुद्धि आवे ।

त्यू' निर्दोष जाग्यां भोगवे, त्यांरे आछी २ अकल बुद्धि आवे रे ॥ ४६ ॥

माहों मांहि कहे सगलाही साथ, मांहि मां सगलां री बन्दना छुड़ावै ।

बले मांहो मांह सरधा कहे त्यांरी खोटी,

माहो मांह दोष अनेक बतावै ॥ ४७ ॥

मांहो मांह आप २ तणा आवक ने, साधू कहे त्यांस भिड़कावे ।

ते समाथक पोसा न करे त्यांरे पासे,

बले बखाण सुनने नवि जावै रे ॥ ४८ ॥

माहों मांय साध करे त्यांरी बन्दना छुड़ा, त्यां विकलां री किसी परतीत ।

कपटी थकां झूठा बोले अज्ञानी, त्यांनै साध तणी नही रीत रै ॥ ४९ ॥

साथ सरधे त्यांरी बन्दना छुड़ावे, त्यांरी सरधा घणो विपरीत ।
 साध कहे त्यांने बांधा धर्म न सरधे, ते भव २ में होसी फजीत रे ॥ ५० ॥
 मांहो मांह मेला हुवा करें नहिं, बन्दना सातां पण गुण छै नांहि ।
 आवो पधारो छै नहीं मांहो मांह, नहीं उत्तारें थानक मांहि रे ॥ ५१ ॥
 आमना जंणाय गृहस्थ ने, मांहो मांहि दे बन्दना छुड़ाय ।
 बलें साथ मांहो मांह कहे किण लेखे,

ओपण अंधकार त्यांरा मत मांहि रै ॥ ५२ ॥

जग में दोय कोड़ साथ भाझेरा, उत्कृष्टा नव सहस्र कोड़ ।
 त्यां साधां ने थे वान्दो बन्दावो, शीश नवावे वे कर जोड़ रे ॥ ५३ ॥
 त्यांरें बन्दना छोड्यो त्यां साधां ने, काढा साथ तणी पांत वारो ।
 त्यांनैं बलें तेहिज साव सरधे, ओपण विकलां रो नहीं छै विचारो रे ॥ ५४ ॥
 जयां साधारी बन्दना छुड़ावै, त्यांने साध कहे किण लेखे ।
 आभ्यन्तर आंख हियां री फूटी, ते खूत्र सामो नहिं देखे रे ॥ ५५ ॥
 साध सरध त्यांरी बन्दना छुड़ावै, ते डूब गया काली धारो ।
 ते मारी कर्मी छै मूढ मिथ्याती, त्यांरा घट मांहि घोर अन्धारो रे ॥ ५६ ॥
 मांहो मांहि साध कहे छुहड़ा सुं, त्या पिय करे अन्तरंग द्वेप ।
 बले ईसको खेदो करे छै मांहो मांह, त्यां पहर विगाडो भेष रे ॥ ५७ ॥
 जान कह दे तो कहे साध छां, कामे तान कदेक कहे देता असाध ।
 फिरवां भाषा बोले अज्ञानी, त्यांरी किण विध होसी समाध रे ॥ ५८ ॥
 एहिवा भेष धारयां रा बखाण सुणे छै,
 त्यां रे दिन २ होवै जाडो मिथ्यात ।
 ते क्लेश कदागरो करे साधांसुं, छेड़ें विवाद करे ऊंधी बात रे ॥ ५९ ॥
 सम्मत अठारह बावन वर्षे, भाद्रवा बढ सातम शुक्रवार ।
 जोड़ क्रीधी कुगुरां रो कषट उलखावण, पाली शहर भंभारो रे ॥ ६० ॥

मेघ धारी भागल कुटिल हुवा, त्यांस पले नवि आचार ।
 दोष सेवे छे जाँण ने, पूँछ्या सांच न बोले लिंगार ॥१॥
 त्यांरे पोथ्यां तणो गंज देखने, कोई प्रश्न पूँछियो एम ।
 ओ पोथ्यां रो गंज पढ्यो तेहने, पडिलेहणा करो छो केम ॥२॥
 जब भारी कर्मा जीवां थकी, सांच वंल्यो नहि जाय ।
 निज दोष काढण ने पापिया, बोले छे मिरथा वाय ॥३॥
 कहे पोथ्यां पडिलेहणी, चाली नहीं किण ही सत्र रे मांह ।
 तिण स्रं नहि पडिले हां पोथियां, थे शंका में राखो काय ॥४॥
 पोथ्या ने नवि पडिलेहियां, तिण रो नहि मां ने दोष न पाप ।
 म्हाने हिंसा पिण मूल लागे नहीं, एहिबी किदी लोकां में थाप ॥५॥
 कपड़ा वा पाट वा बाजोटम्हे भोगवां, त्यांरी करणी पडिलेहण जोय ।
 नहि भोग वेढ्यां कपड़ादिक तेहणा, नहि पडिलेहा दोष न कोय ॥६॥
 एहिवा भूँठ बोल दोष काढ ने, ते भोला ने खबर न काय ।
 हिवे कूड़ कपट त्यांरो सुणो, एका एक चित्त लगाय ॥७॥



॥ ढाल अठारहवीं ॥

(एक अंकुरा वनस्पती में—ए देशी)

कहे पोथ्यां री पडिलेहणा नवि चाली, तिणरी भापे छे एकन्त भूँठी रे ।
 सत्र अर्थ सबला नहि सूझै, तिणरी हियां डियांरी फूटी रे ।
 भूँठ बोला रो संग न कीजे ॥ १ ॥
 जो थोड़ा पण उपद नहीं पडलेहे, तिण ने मासिक दंड बतायां है ।
 शंका हुवे तो निशीथ मांहि जोवो, दूजे उद्देश्ये मांहि रे ॥ भू० ॥ २ ॥

बलें आवश्यक दशवैकालिक आदि देई, घणां सूत्र री साख रै ।

नित पड़िलेहण करणी साध ने, श्री वीर गया छै भाप रै ॥भू०॥३॥
राखे रेत पोथी ने आखो थानक पड़ा रो पिण चावरी, थान उपध छेह रै
मांही रे त्याने न एक वार तो अवश्य पड़िलेहे ।

बिन पड़िलेहे न राखी कोई रै ॥ भू० ॥ ४ ॥

मेष धारी कहे पोथ्यां नहिं उपध में, तिण सूं पोथ्यां पड़िलेहण नहिं रै ।
एतो ज्ञान तेणी ने सराय छै, तिण सूं नहिं पड़िलेहां दोष न कोई रै ॥५॥
भूठ बोल पोथी री पड़िलेहण उथापे, तिणने भारी करमा जीव जांखो रै ।
तिण रो न्याय सुणो भव जीवा, पिण भूठा रो पच मत ताना रै ॥६॥
पोथ्यां रो गंज बिन पड़िलेहां राखे, तिण में जमे जीव रा जालो रै ।
नीलण फूलण चोमासा मांहि आवे,

घणां जीवारो हुवै खंगाल रै ॥ भू० ॥ ७ ॥

किड़ियां कंथवादिक जीवां रा समूहे, उपज २ मरोतण ठाम रै ।
बिन पड़िलेहण पोथ्यारा गंज में, त्यांरी भारी मध्यो संग्रामों रे ॥८॥
बिन पड़िलेहण पोथ्यां रा गंज में, अणन्त जीवां तणी होवे घातो रै ।
तिणरो पाप दोष लागे नहिं सरधे, त्यांरी विकल माने छै घातो रै ॥९॥
पोथ्यां रा गंज ने बिन पड़िलेहां राखे, अनन्त जीवां रा होवे धमासाखों रे ।
तिण ने हिंसा तणो पाप किणने लागे, चोढ़ कहतां शंका मत आंखो रे ॥१०॥
जो पोथ्यां री हिंसारी पाप लाग्यो हुवे, तो पोथ्यां रो नाम बतावो रे ।
नाम परनाम पापरो झेलू बतायो, थारी सरधाने मतिण छिपायो रे ॥११॥
जो किण ही ने पाप न लागी हुवे तो, ओपिण कहो निशंको रे ।
जैसी हुवे तैसी कही बतावो, छोड़ो हियारो बंको रे ॥ भू० ॥ १२ ॥
त्यारे प्रश्न पूछारो जवाब न आवे, जब कूड़ा २ कुहेत लगावै रै ।
आल पंपाल बोले बिना बिचारयां, गान्यां रो गोलो मुखसुं चलावै रे ॥१३॥

पोथ्यां रो गंज विन पड़िलेहां राखो, त्यांने पाप लागे भरपूरो रे ।

पोथ्यां विन पड़िलेह्यां रो पाप न सरघै, त्यांरो तो मत जावक कूड़ो रे । १४

पोथ्यांरा गंज विन पड़िलेह्यां राखे, त्यांरी सदा रहे असमाधो रे ।

पोथ्यां रा गंजसुं जीव मरे अनन्ता, त्यांने निश्चय ही जाणो असाध रे १५

कहे पोथ्यां ने कवही नहि पड़िलेहां, तिणरा दोष न लागे कोई रे ।

गृहस्थरे घरे पोथ्यां ने मेल्यां, ओ पिण दोष छै नाहिं रे ॥ भू० ॥ १६ ॥

पोथ्यां नहि पड़िलेहरो दोष न लाग्या,

तो गाडां में मेल्या रो दोष छै नाहिं रे ।

बलें बैठिया पोठी पांच न्यावे, ओ पणदोष न लागी काई रे ॥ भू० ॥ १७ ॥

जो पोथ्यां नहि पड़िलेहा रो दोष न लागे,

तो मोल लीध्या बहरावे दोष नाहिं रे ।

दीस्यादिक दोष सेवे पोथ्यां रे ताई, त्यांरे लेखे तो दोष न काय रे । १८

पोथ्यां नहि पड़िलें हे छै त्यांरे लेख, मेलना गृहस्था रे घर मांयो रे ।

ओवरा बखारी में पिण मेलणी,

पोथ्यां ने विण पड़िलेह्यां राखे, तिण न्यायो रे ॥ भू० ॥ १९ ॥

कहे पोथ्यां री पड़िलेहण करणी, ते नहिं छै सूत्र रे मांहो रे ।

तो गृहस्थ रे घरे पोथ्यां मेलणरो ओपिण नहौं छै निकाल त्यांहोरे । २०

पोथ्यांरी पड़िलेहणा सूत्र में नहिं चाली, पोथ्यां ने गिणे उपघरे मांहि रे ।

इम कहर अज्ञानी पड़िलेहणा छोड़ी, ओतो चौड़े कपट चलायो रे ॥ २१ ॥

पाट बाजोट कपट करिया राखे, इत्यादिक उपघ विशेष रे ।

त्यां ने उपघ जाँण पड़िलेहवा नहीं, आ दोष किण लेखे रे ॥ भू० ॥ २२ ॥

आखा धानक ने विन पड़िलेहां राखे, नवि पड़िलेह पीछो पड़ी सिवाड़ी रे ।

बले पड़िलेहा विन उपघ राखे अनेक,

त्यां खोई संयम रूपी नियमों रे ॥ भू० ॥ २३ ॥

कपड़ा ने पोथ्यां ने आलां मांय धाले, उपर गारो लीपे काठो रे ।

जब पूरी पंडलेहणां त्योंरी, चारित्र घट मांह सुं नाठा रे ॥ शू० ॥ २४ ॥

मास छ मास ताई न खोलै, आलो जब जमें जीवां रो जालो रे ।

त्यो में जीव अनेक उपजै नष पछै, एहिवा गुरु छै विकलां वाला रे ॥ २५ ॥

थानक आड़ा परदा बांधे छै ते, साध हांथां सुं खोल न बांधे रे ।

तिण रे साध पणो न पलतो लाग्यो, ओ दोष म जांणे बांधे रे ॥ २६ ॥

तिण पड़दे रे नीलण फूलण आवे, आड़ा दियो छै ताला रे ।

तिण हिंसा तणो पाप साधु ने हुवे छै,

तिण सुं पहलो महाव्रत भांगे रे ॥ भू० ॥ २७ ॥

जो तीसरा खण पड़दो हेठो करे छै, जब तो पड़दो भोगविया साधो रे ।

तिण ने देव तणो परिग्रह लागो, जिण चारित्र दियो विराधो रे ॥ २८ ॥

जब कहे गृहस्थ रो आज्ञा लेने, म्हे पड़त भेल्यां ठिकाने रे ।

तिण लेखे तो गृहस्थ नी आज्ञा लेने,

सिरख राखणी शीत ढांकण सारू रे ॥ भू० ॥ २९ ॥

साधु रे कारण पड़दा बांधे छै, ते कर्म बांधे हुवे भारी रे ।

तिण पड़दा में रहे साध जांण ने,

तिण री पण वणी खुचारी रे ॥ भू० ॥ ३० ॥

कारण विना पण महीने सुं अधिका रहे छै,

त्यां मांग्यो कल्प लोपी मर्यादो रे ।

तिण दोष तणो प्रायश्चित्त तहि लेवे,

बले पूछ्यां करे बकवादो रे ॥ भू० ॥ ३१ ॥

कई चोमासो उतर गयां पछे, कारण बिना रहिवा लाग्यो रे ।

खावा पीवा कपड़ादिक काजै, त्यां छूटै नहीं सदां जांगां रे ॥ ३२ ॥

चोमासो करे तिण गांम नगर में, नही करे चोमासो दोरो रे ।

तथा पहली चोमासो करे तिण गामें,

तिण चारित्र चोडे विगोयो रे ॥ भू० ॥ ३३ ॥

छती शक्ति छै पगां चालण री तोही, ले छै कारण री नामो रे ।

कारण कहे छे दोष रो खोज भांगण ने रे,

पिण रहे छें मतलब कामों रे ॥ भू० ॥ ३४ ॥

त्यां में कोई मतलब खावा रे काजे,

कोई चेला मतलब काजे रे ॥ भू० ॥ ३५ ॥

कोई रहे कपडादिक काजे, तिण सुं भूठ वोलो नवि लाजे रे ॥ ३६ ॥

कोई जणावे म्हारा आवक फिर जासी, तिम तमां पड़सी बधारो रे ।

फिरता २ कदा सर्व फिरे तो, इयां थी छुट जासी पग म्हारा रे ॥ ३७ ॥

जो आवक म्हारा फिर जाए म्हारा थी,

तो पछे कारी न लागे कायो रे ।

भगवन्त बांधी मर्यादा भांग ने, देवे चोमासो ठहरायो रे ॥ भू० ॥ ३८ ॥

कल्प मर्यादा लोपतां शंक न आंखें, ताम साध तथी नहीं रीतो रे ।

ते तो इयह लोकारा अर्थ छै अज्ञानी,

ते चहुंगत में होसी फजीतो रे ॥ भू० ॥ ३९ ॥

साध एक मास रहयो तिण गामें, तो विमण दिन काढना बारै रे ।

तठा पहली पण तहां आय रहे छै, ते बिटल हुवा बेकारो रे ॥ भू० ॥ ४० ॥

कल्प भांग ने करे चोमासो, कल्प भांगने करे शेपे कालो रे ।

अणहुं तो अज्ञानी कारण बतावे, त्यां सुं भूठ तथो नहिं टालो रे ॥ ४१ ॥

कल्प भांगने करे चोमासो, कल्प भांगने रहे शेपे कालो रे ।

तिण ने साधु पिण जांखे पूजे अज्ञानी,

त्यारें आयो आभ्यन्तर जालो रे ॥ भू० ॥ ४२ ॥

जैसा ही पूज्य ने जैसा ही चेला, जैसा ही परिवार छे दूजो रे ।

कल्प भांगने करे चौमासो, ते पूज्य छे पूरो अबूझो रे ॥ ४३ ॥

दोष सेव्यां रो प्रायश्चित्त न लेवे अज्ञानी, सुधी नहिं पाले मर्यादो रे ।

ए विधि ग्राम बस्ती में रहे, तिण गच्छ में भगवन्त रा नहिं साध रे ॥ ४४ ॥

थानक मांहि पांणी बचे, जिम ठाम ठामड़ा झेल पांणी रे ।

तिण हिंसा लागे छै त्रस थावर री,

तिणरो दोष न जाणो आयाणा रे ॥ ४५ ॥

काचो पांणी ले पोते जाय ठोले, तिणने दया घट में खू नाठी रे ।

एहिवा साधु पिण बाजे लोकां में, त्यांरी चौड़े चलगत मांठी रे ॥ ४६ ॥

त्यांरा गृहस्थणी थानक आय लीपै, जब आर्या धोवण गारां में धालै रे ।

कई आर्या हाथां खू दड़ लीपे छे, कई गारा पीड़ा हांथा झाले रे ॥ ४७ ॥

कई आर्या थानक तणी छै, जाग्यां पड़ी हुवे तो थानक मांहि आणे रे ।

त्यां छे जां स्थाने आपणी कर जाणो रे,

तिणखू मेलदे एकन्त आण ठिकाणे रे ॥ ४८ ॥

औषधादिक अधकी आणे बधै छे, ते बेसी राखे रातो रे ।

त्यांने पूछथा कहे ए तो गृहस्थ री छै,

तिणरी फेर आज्ञा ले प्रमाते रे ॥ ४९ ॥

आपरी वस्तु थानक में बासी राखे ते, गृहस्थरी थापी किण न्याय रे ।

बले गृहस्थ रो आज्ञा लेवे किण लेखे,

त्यां में आ पिण अकल न कायो रे ॥ ५० ॥

मुवां गया रा पातरा अधिका, हुवे तो त्यांरी पिण ममता रुके नहीं रे ।

त्याने पड़िलेहथां राखे बिन, पड़िलेहथां आपरा थानक मांहि रे ॥ ५१ ॥

लोट पातरा थानक में पड़िया देखीने, कोई प्रश्न पूछे छे आमो रे ।

ऐ तो लोट पातरा सांवठा किणरा,

जब तो कहे गृहस्थरा ठामों रे ॥ ५२ ॥

लोटे पातरा गृहस्थरा कहिने, आप न्यारो होय जावे रे ।

एहिवा एहिवा झूठ जाण ने बोले,

त्यां मे साधु रो खेरो न पावे रे ॥ ५३ ॥

गृहस्थ रा लोट पातरा क्याने चाहिजे, ते थानक में मेले क्याने रे ।

आपरा पात्रा ने कहे गृहस्थरा, साध नहि कहिजे त्याने रे ॥ ५४ ॥

जो आपरे चाहिजे पात्रा लोट, तो लेवे छे तिण मांसुं तामों रे ।

बले मूयां गयां रा बधे लोट पात्रा, ते मेल देवे तिण ठामो रे ॥ ५५ ॥

ए तो कोठार ज्यूं छै लोट ने पात्रा, ते तो निश्चय त्यांरा जाणो रे ।

मेप धारी कहे ए तो गृहस्थ रा छै,

त्यां विकलारी करज्यो पिछानों रे ॥ ५६ ॥

बिन पडलेहां राखे पहलो व्रत भांगो, बीजो व्रत भांगो झूठ भाषे रे ।

तीजो व्रत भांगे जिण आज्ञा लोप्यां रे,

पांचवो व्रत भांगै अधिको राखे रे ॥ ५७ ॥

आचार कुशीलीया तिण लेखे तो, चोथो न छटो व्रत भांगे रे ।

बिन पडिलेहियां पात्रा अधिका राखे, ते व्रत विहूया नागो रे ॥ ५८ ॥

लोटे पात्रा ने उपध अधिका राखे, त्यांमे छै मोटी खोड़ो रे ।

अधिका राखे नवि पडलेहां, ते तो निश्चय भगवान रा चोरो रे ॥ ५९ ॥

कुगुरां ने ओलखावण जोड़ करी छै, सोजत शहर मंझारो रे ।

समत अठारह बरस तिरपने, आसोज सुद सातम थावर वारो रे ॥ ६० ॥

कई भेष धारी भूला थका, कर रह्या ऊंधी तांण ।
 अब्रत बतावे साधरे, ते सूत्र अर्थ अजाण ॥ १ ॥
 त्यां साधपणो नहिं ओलख्यो, भूल्या भ्रम गिंवार ।
 सर्व सावजरा त्याग मुख से कहे, बले पापरो कहे आगार ॥ २ ॥
 आहार पांणी कपड़ा उपरे, रह्या सदा मुरमाय ।
 ए भेष धारयां रे अब्रत खरी, पिण साधां रे अब्रत नहिं काय । ३ ॥
 चार गुण ठाणां अब्रत सही, त्यां नहीं ब्रत लिगार ।
 देस ब्रत गुण ठाणों पांचमों, आगे सर्व बरती अणगार ॥ ४ ॥
 जो साधां रे अब्रत हुवे तो, सर्व ब्रती कुण होय ।
 त्यांरा भाव भेद प्रकट करूं, ते सांभलज्यो सब कोय ॥ ५ ॥

॥ ढाल उगणींसमीं ॥

(आ अणु कम्पा जिण आज्ञा में—ए देशी)

चौबीसमां श्री बीर जिनेश्वर, निर्दोष आहार आशी ने खायो ।
 शुद्ध परिणामां उदर में उतारयो, तिणमांही मूर्ख पाप बतायो ।
 इण पाखण्ड मत रो निर्णय कीजे ॥ ई० ॥ १ ॥
 अणन्त चौबीसी मुक्त गई ते, आहार न्याया था दूषण ढालो ।
 तिण मांहीं पाप बतावे अज्ञानी, त्यां सगलां रे शिर दीध्यो आलो ॥ २ ॥
 सर्व सावद्य योगां रा त्याग करि नें, सर्व ब्रती शुद्ध साध कहावे ।
 तरण तारण पुरुषां रे अज्ञानी, अब्रत रो आगार बतावे ॥ ई० ॥ ३ ॥
 गोतम आदि दे साध अनन्ता, साधवियां रो छेह न पारो ।
 सगलां रो आहार अधर्म मांही धान्यो,
 तिण आंख मिची ने कीध्यो अंधारो ॥ ई० ॥ ४ ॥

साधूरो जन्म हुवो जिण दिन थी, कल्पै ते वस्तु बहरी ने लावे ।
 ते पिण अरिहन्त नी आज्ञा सुं, तिण मांही मूरख पाप वतावे ॥ ई० ॥ ५ ॥
 वस्त्र पात्रा रजो हरणादिक, साधूरा उपध सुत्र मांही चाल्या ।
 अरिहन्त री आज्ञा सुं राख्या, अधर्म मांहि अज्ञानी घाल्या ॥ ई० ॥ ६ ॥
 दशवैकालिक ठाणांग अंग में, प्रश्न व्याकरण उववाई मांहचो ।
 धर्म उपध साधू व्रत में, तिण मांही दुष्टी पाप वतायो ॥ ई० ॥ ७ ॥
 किण ही गृहस्थ लीलितरी ने त्यागी, जीवे त्यालग आण बैरागो ।
 साध पणो लेई अव्रत सरधे, तो विवेक विकल खाहवा काइ लागो ॥ ८ ॥
 अधर्म जाणे लीलितरी खाध्यां, तो पचखाण भांग्यो किण लेखे ।
 घर में थका जाव जीव त्यागी थी, इणसाहमो मूरख क्यूं नहिं देखे ॥ ९ ॥
 किण ही गृहस्थ जे जे वस्तु त्यागी थी, तो अधर्म रो मूल अव्रत जाणो ।
 साध पणो लेई सेववा लाग्यो, ते क्यो न पाले लिया पचखाणो ॥ ई० ॥ १० ॥
 अव्रत सरधने बस न पाले, तिण भागलां रे छे भारी कर्मो ।
 मार्ग छोड़ ने उजाड़ पड़िया, साध आहार कियां में सरधे अधर्मो ॥ ई० ॥ ११ ॥
 करे विया वच चेला गुरु री, करम तणी कोड़ तेह खपावे ।
 तिर्थ कर गोत्र वधे उत्कृष्टो, पिण गुरु ने मूर्ख पाप वतावे ॥ ई० ॥ १२ ॥
 दश बीस चेला परिक्रमणो करने, गुरु री व्यावच करवाने आवे ।
 तो गुरु ने पाप लगाय अज्ञानी, दुर्गति मांहि काय पहुँचावे ॥ ई० ॥ १३ ॥
 गुरु ने पाप लागे विया वच करायां, सुत्र मांही कठे ही ने चाल्यो ।
 मूढ मति जीव भारी कर्मी, ओ पिण घोंचो कुगुरां रो घाल्यो ॥ ई० ॥ १४ ॥
 गुरु ने पाप सुं मेला किया में, चेलां रा कर्म कठे किण लेखे ।
 आभ्यन्तर फूटी ने अन्ध थया ते, सुत्र सामो मूढ मूल न देखे ॥ ई० ॥ १५ ॥
 साध मांहीं-मांहि देवे न लेवे, वस्त्र पात्र आहार न पांणी ।
 ते पिण लीध्यां में पाप वतावे, एहिची कुपात्र बोले बांणी ॥ ई० ॥ १६ ॥

दातार ने धर्म साधां ने बहरायां, पिण साध बहरी हुवा पाप संधारो ।
 दातार तिरिया साध डूव्या, आ पिण सरधा कहे मेषधारी ॥ ई० ॥१७॥
 जो पाप लागे साधु आहार कियां में, तिण रे पाप रो साध दियो दातारो ।
 तिण री आशा राखे किण लेखे, भूल्या रे भूल्या थे मूढ गिंवारो ॥ ई० ॥१८॥
 साधां तो पाप अठारह ही त्याग्या, चोखी छे त्यांरी सुमति न गुप्ति ।
 दातार खने शुद्धजांच लिया में, पाप कटे सुं लाग्यो कुमति ॥ ई० ॥१९॥
 गुरु दीक्षा देई शिष्य शिष्यनी करे ते, निर्जरा रा मेद मांहि चाल्या ।
 मोह मिथ्यात संधारी कर्मा, ह्ये पिण परिग्रह मांहि धाल्या ॥ ई० ॥२०॥
 छठे गुण ठांणे परमाद कहि ने, साधां रे अत्रत थापे खुवारी ।
 पूछे तो कहे म्हे सरव बरती छां, ओ पिण भूँठ चोले मेषधारी ॥ २१॥
 छठे गुण ठांणे परमाद कह्यो ते, किण हिक बेलां लागतो जाणो ।
 विशेष कषाय अशुभ योग आयां, पिण मूढमति करे ऊंधी तांणो ॥ ई० ॥२२॥
 परमाद व्रत कहे आहार उपध संधार रह्या, कुबुद्धि कूडी बकवादो ।
 आहार उपध केवली पिण आंणे, तठे गयो त्यांरो परमादो ॥ ई० ॥२३॥
 अप्रमादीनी क्रिया सात में गुण ठांणे, प्रमाद नहीं तिण गुण ठाणा आगे ।
 आहार उपध हुवे पिण भोगवतां, त्यो साधां ने प्रमाद क्यूं नहिं लागे ॥ २४॥
 केवलि आचरियो छदमस्त आचरियो, केवली त्यागो ते छदमस्त त्यागो ।
 आहार औषध केवली ज्यूं भोगवियां, तिण साधांने प्रमाद किण विधलागे ॥ २५॥
 साध आहार करतां चारित्र कुशले, शुद्ध परिणामां सुं कटे आगला कर्मो ।
 जद ऊंध मति कोई आवलो बोले, धणो खावो ज्यूं धणो हुवे धर्मो ॥ २६॥
 पोहर रात ताई साधु ऊंचे शब्दे, धर्म कथा कहे मोटे मंडाणे ।
 उण ऊंध मति री सरधा रे लेखे, आखी रात में करणो बखांणो ॥ ई० ॥२७॥
 जेणां सुं साधु करे परलेहणा, काटवा कर्म आत्मा ने उतरणी ।
 उण अंधमतिरी सरधा रे लेखे, आखी ही दिन परलेहण करणी ॥ २८ ॥

मर्यादा सुं आहार साधां नें करण्यो, मर्यादा सुं करण्यो बखाण्यो ।

मर्यादा सुं परलेहणा करणी, समभो रे समभो थे मूढ अयाण्यो ॥ ई० ॥ २६ ॥

छ कारण आहार साधां नें करण्यो, धण्यो २ खासी किण लेखे ।

छाईसमां उत्तराध्ययन में छे, बले छठो ठाण्यो मूढ क्यूं नहि देखे ॥ ३० ॥

कहे धर्म हुवे साधू आहार किया में, तो क्यां नें करे आहार रा पचकाण्यो ।

पाप जांणी ने त्याग करे छे, उलट बुद्धि बोले एहवि बांण्यो ॥ ई० ॥ ३१ ॥

साधू काउ संग में त्याग्यो हालवो चालवो, बले मुखसुं न बोले निरवद्य बांण्यो

उण उलट बुद्धि री सरधा रे लेखे, ए पिण पाप तणा पचकाण्यो ॥ ३२ ॥

कोई साध बोलण रा त्याग करी मौन साधे,

धर्म कथा मांढी नें करे बखाण्यो ।

उण उलट बुद्धि री सरधा रे लेखे, इये पिण पाप तणा पचकाण्यो ॥ ३३ ॥

कोई साधू साधां नें आहार देवण रा, त्याग करे मन उद्धरंग आण्यो ।

उण उलट बुद्धि री सरधा रे लेखे, इये पिण पाप तणा पचकाण्यो ॥ ३४ ॥

कई साधू साधां री न करे बिया वच, त्याग करे मन उच्चरंग आण्यो ।

उण उलट बुद्धि री सरधा रे लेखे, इये पिण पाप तणा पचकाण्यो ॥ ३५ ॥

साधा मूल गुण में सर्व सावद्य त्याग्यो, तिण सुं नवा पाप न लागे जांण्यो ।

आगला कर्म काटण साधां रे, उतर गुण छे दश विध पचकाण्यो ॥

आ सरधा श्री जिनवर भाषी ॥ ए आंकड़ी ॥ ३६ ॥

कोई बास वेलादिक करे संथारो, कोई साध करे नित रो नित आहरो ॥

पापरा त्याग दोयां रे सरीखा, पिण तप तण्यो छे मदेज न्यारो ॥ आ० ॥ ३७ ॥

जेणा सुं चान्पा जेणा सुं उभ्या, जेणा सुं बैद्या जेणा सुं स्रवता ।

जेणा सुं भोजन किया, जेणा सुं बोल्या,

तिण साधू ने पाप न कक्षो भगवन्ता ॥ अ० ॥ ३८ ॥

दशवैकालिक चौथे अध्ययने, आठमी गाथा अरिहन्त भाषी ।
 छ बोल साधू जेणा सुं क्रियां में, पाप कहे भारी कर्मा अनाखी ॥ ३६ ॥
 निरवद्य गोचरी रिषीश्वरां री, मोक्षरी साधन भगवन्त भाषी ॥
 दशवैकालिक पांचमें अध्ययने, बाणवी गाथा बोलै साखी ॥ अ० ॥ ४० ॥
 शुद्ध आहार क्रियां साधू शुद्ध गति जावे, निर्दोष दियां जावे शुद्ध गति दाता ।
 दशवैकालिक पांचमें अध्ययने, पहिला उद्देशा री छेहली गाथा ॥ ४१ ॥
 सात कर्म साधू ढीला पाड़े, संकतो आहार करे तिण कालो ।
 भगवती सूत्र पहिले श्रु तस्कन्धे, नवमों उद्देशो जोय संभालो ॥ अ० ॥ ४२ ॥
 आहार करे गुरु री आज्ञा सुं; तिण साधू ने वीर कह्यो छें मोक्षो ।
 अठारमो अध्ययन ज्ञाता रो जे ई, संशय काटो मेटो मन रो धोखो ॥ ४३ ॥
 शब्द रूप गंध रस स्पर्श री, साधां रे अन्नत मूल न कायो ।
 सुगढायंग अध्ययन अठारहमें, और उववाई सूत्र मांयो ॥ अ० ॥ ४४ ॥
 साधां रे अन्नत कहे पाखण्डी, तिण कुमती री संगत दूर निवारो ।
 इम सांभल ने उत्तम नर नारी, सर्व व्रती गुरु माथे धारो ॥ अ० ॥ ४५ ॥



॥ ढाल बीसमीं ॥

आधा कर्मी उदेसी भोगवे तिण ने, निश्चय कहा अण्णाचारी ।
 दशवैकालिक रे तीजे अध्ययने,
 शंका में जाणो लिगारी, भवियण जोयज्यो हृदय विमासी ॥ १ ॥
 आधा कर्मी उदेसी भोगवे, तिणने अष्ट कह्यो भगवान् ।
 दशवैकालिक रे छठे अध्ययने, निर्णय करो बुद्धिमान् रे ॥ भवि० ॥ २ ॥
 आधा कर्मी उदेसी भोगवे तिणने, नरक गामी कहा भगवान् रे ।
 उत्तराध्ययन रे बीसमें अध्ययने, निर्णय करो बुद्धिमान् रे ॥ भवि० ॥ ३ ॥

आधा कर्मी उदेसी भोगवे तिणना, छहुं व्रत भांग्या जाण ।

आचारांग रे दूजे अच्ययने, जोई करो पिछांग रे । ॥ भवि० ॥४॥

आधा कर्मी उदेशिक भोगवे, तिण में छे मोटी खोड़ रे ।

आचारांग पहले श्रुतस्कन्धे, कह दियो भगवन्त चोर रे ॥ भवि० ॥५॥

आधा कर्मी उदेशिक भोगवे अधिगत जीव,

बलि कहथा छे अनन्त संसारी ।

भगवती रे पहिले शतक रे नवमों उदेशे,

तियां बहुत कियो विस्तार रे ॥ भवि० ॥ ६ ॥

आधाकर्मी उदेशिक भोगवे, तिण ने कह था गृही ने भेष धारी ।

दो अपचरा सेवणहार कह था छै,

सुयगड़ांग दूजे श्रुतस्कंध मंझारी रे ॥ भवि० ॥७॥

आधा कर्मी उदेशिक एक बार भोगवे, तिणने चोमासी प्रायश्चित देणो ।

सदा नितरो नित तठे सुं भोगवे, तिण ने प्रायश्चित रो काई करणो रे ॥८॥

आधा कर्मी उदेसी भोगवे, तिण ने सबलो दूषण लागे ।

सदां नितरो नित तठे सुं भोगवे, तिण ने प्रायश्चित रो काई थागे ॥९॥

साधु काजे दड़ लीपे जठे, कीड़ी मकोड़ी देवे दाटी ।

अनेक त्रस जीवां ने मारे, त्यांरी बिकलां री गत होसी माटी रे ॥१०॥

अनेक त्रस जीवां ने मारे, अनेकां पर देवे दाटी ।

कुगुरु काजे जीव इण बिष मारे, त्यांरी अकलां आड़ी आई पाटी ॥११॥

स्वास ऊरवास रुंधी जो मारे, महा मोहणी कर्म बंधे ।

ए कह थो दशा श्रुतस्कंध सूत्र में, ते पिण बिकलां ने खबर न काये रे ॥१२॥

चोगठ रो तिण खोणा है जठे, किड़ी आला खांग में आवे ।

घर लीपे दड़ रुंधे जठे, कीड़ियां लाखां गर्में मर जावे ॥ भवि॥१३॥

पोती क्रम दोष सेवे तिणने, कह था गृहस्थी ने भेष धारी ।

दो अपचरा सेवणहार कह्या छै,

सुयगड़ांग दूजा श्रुतस्कंध मंभारो रे ॥ भवि० ॥ १४ ॥

पोती क्रम दोष में आधा कर्मी दोष विशेष छै भारी ।

सदा नित रो नित आधा कर्मी दोष सेवे छे,

ते निश्चय नहीं अणगारी ॥ भ० ॥ १५ ॥

आधा कर्मी स्थानक सेवे उघाड़ो, बलि साधू बाजे अनाखी ।

महा मोहणी कर्म बांधे छे, दशा श्रुतस्कंध सत्र छै साखी ॥ भवि० ॥ १६ ॥

आधा कर्मी स्थानक सेवे उघाड़ो, पूछ्यां थी पाधरो बोलणो नहीं आवे ।

मिश्र बोल्यांथी महा मोहणी कर्म बंधाये,

कूड़ कपट थी काम चलावे ॥ भवि० ॥ १७ ॥

आधा कर्मी स्थानक सेवे उघाड़ो, पूछ्यां थी बोले कूड़ ।

त्यांरा श्रावक त्यांरी साख भरै छै, ते गया बहती रे पूर रे ॥ भवि० ॥ १८ ॥

आधा कर्मी स्थानक सेवे, उघाड़ु बले भूँठ बोले जाण २ ।

त्यांरा जैसा ही स्वामी तैसाही सेवक, निकल गयो जाचक घाण ॥ १९ ॥

कोईक श्रावक त्यांरा भारी कर्मा, भूँठ बोलतां न डरे लिगार ।

आधा कर्मी ने निर्दोष कहे छै, ते हूब गया काली धार रे ॥ भवि० ॥ २० ॥

आधा कर्मी उदेसी भोगवे, तिण ने साध सरधे ते मिथ्याती ।

ठाणांग मे दशमें ठाणे कह्यो छे अर्थ,

भूँठे तणी मति जाणौं बातो रे ॥ भवि० ॥ २१ ॥

आधा कर्मी उदेसी भोगवे ते छे,

भारी कर्मा सुध बुध बाहिरा जीव अज्ञानी,

क्यां मे पामें श्री जिन धर्मा रे ॥ भवि० ॥ २२ ॥

आधाकर्मी दोष सत्र सुं बतायो, सत्र में दोष अनेक ।

मोल रो लियो दोष कहुं छुं, ते सुणज्यो आण बिवेक ॥ भवि० ॥ २३ ॥

मोल रो लियो भोगवे तिण नेर, निश्चय कह्था अणाचारी ।

दशवैकालिक रे तीजे अभ्ययने, शंका में जांणो लिगारी ॥भवि०॥२४॥

मोल रो लियो भोगवे तिण ने, अष्ट कह्था भगवाने ।

दशवैकालिक रे छठे अभ्ययने, निर्णय करो बुद्धि माने रे ॥भवि०॥२५॥

मोल रो लियो भोगवे तिणने, नरक गांमी कह्था भगवाने ।

उत्तराध्ययन रे बीसमें अभ्ययने, निर्णय करो बुद्धिमान रे ॥२६॥

मोल रो लियो भोगवे, तिण में छे मोटी खोड़ ।

आचारांग सूत्र पहिले श्रुत स्कन्धे, कह दिया भगवन्त चोर रे ॥ २७ ॥

मोल रो लियो भोगवे तिणरा, सुमति गुप्ति महाव्रत मांगा ।

निशीथ रे उगणीस में उद्देशे, कह्था व्रत विहुणा नागा रे ॥ २८ ॥

मोलरो लियो एक बार भोगवे, तिण ने चोमासी प्रायश्चित देणो ।

सदा नितरो नित ठेठ सुं भोगवे,

तिण ने प्रायश्चित रो काई करणो रे ॥ भवि० ॥ २९ ॥

मोल रो लियो भोगवे, तिण ने सबलो दूषण लागे ।

सदा नितरो नित ठेठ सुं भोगवे, तिण ने प्रायश्चित रो काई थागे ॥३०॥

मोल रो लियो दोष सूत्र सुं वताऊं, सूत्र में दोष अनेक ।

नित पिंड रो दोष कह्नुं छुं, सुणज्यो आण चिवेक ॥ भवि०॥३१॥

नितरो नित एकण घर को बहरै, तिणने निश्चय कह्था अणाचारी ।

दशवैकालिक रे तीजे अभ्ययने, शंका में जांणो लिगारी रे ॥ भवि॥३२॥

नितरो नित एकण घर को बहरै, तिण ने अष्ट कह्था भगवाने ।

दशवैकालिक रे छठे अभ्ययने, जोई करो पिछ्छाण रे ॥भवि० ॥३३॥

नितरो नित एकण घर को बहरै, तिणने नरक गांमी कह्था छे भगवान ।

दशवैकालिक रे छठे अभ्ययने, निर्णय करो बुद्धिमान रे ॥भवि०॥३४॥

नितरो नित एकण घर को बहरे, तिण में छे मोटी खोड़ ।

आचारांग पहले श्रुतस्कन्धे, कह दिया भगवन्त चोर रे ॥भवि०॥३५॥

नितरो नित एकण घर को बहरे,

एक बार तिण ने चोमासी प्रायश्चित देणो ।

सदा नितरो नित ठेठ सुं बहरे, तिण ने प्रायश्चित रो काई करणो रे ॥३६॥

नित रो नित एकण घर को बहरे, तिण ने सबलो दूषण लागे ।

सदा नितरो नित ठेठ सुं बहरे, तिण ने प्रायश्चित रो काई थागे ॥३७॥

भागल भेषधारी नितरो नित बहरे, एकण घर को आहार ।

पूछाथी पाधरो नहीं बोले, भूँठ बोले विविध प्रकार रे ॥भवि०॥३८॥

भागल भेष धारी नितरो नित बहरे, एकण घर को आहार पांणी ।

पूछायां थकी पाधरो नहीं बोले, भूँठ बोले जाण जांणी रे ॥ ३९ ॥

आहार तणो संभोग न तोड़ो, ते पिण खावा न काजे ।

एक मांडले रा आहार जुवा जुवा, करे छे निरलज्जा मूल न लाजे रे ॥४०॥

॥ ढाल इकबीसमीं ॥

आधा कमीं स्थानक मांहे साध रहवे, तो पहलो इम व्रत भांग्यो ।

दया रहित कह्यो सूत्र भगवती में, अणन्ता जन्म मरण करसी आगो रे ।

मुनिवर जीव दया व्रत पालो रे ॥ १ ॥

सर्व सावध रा त्याग कहे तो, दूजो इम महाव्रत भांग्यो ।

जे उहे कहवे स्थानक हमारे काज न कीण्यो,

तो कपट सहित भूँठ लागे रे ॥ २ ॥

जे जीव मुवां त्यांरो शरीर न आपे तो, अदत्त उण जीवां री लागे ।

आज्ञा लोपी श्री अरिहन्त देव नी,

तिण सुं तीजो महाव्रत गयो भांगी रे ॥ ३ ॥

थानक ने आपणो करी राखे, ममता रहे नित लागी ।

मठ वासी मठ मांहे वसे ज्यूं, पांचमो महाव्रत गयो भांगी रे ॥ ४ ॥

चोथो ने छठो ते तो किण विघ भांग्या, आचार कुशीलियां ने लेखे ।

हिवे भागल फिरे साधने भेष में, तिण ने बुद्धिबन्त ज्ञान स्रं पेखे रे ॥ ५ ॥

एक करण सुं उत्कृष्टे भांगे, हिंसा छ कायां री लागी ।

एक व्रत भांग्यां सुं उत्कृष्ट भांगे, व्रत छद्दुं गया भांगी ॥ ६ ॥

इण सुं तो दोष मोटा २ सेवे, साधां रा भेष मंझारो ।

ते चतुर विचक्षण जाण हो सेवे, त्यांने केम सरखे अणगारो ॥ ७ ॥

दोष वियालीस कहया सूत्र मां, वाचन कहया अणआचार ।

ए दोष सेव्यां सेवायां, महाव्रत में पड़सी विगाड़ो रे ॥ ८ ॥

आचारांग रे धीजे अध्ययने, छठो उदेशो निकालो ।

वचन सुण २ ने हिवे विमासो, मत करो आल पंपालो रे ॥ ९ ॥

कोई स्थानक निमित्त अर्थ देवे, तिणनें मुखसुं मति सरावो ।

आपस में छ काय जीवां ने सानी करी, जीव ने कोई मरावो रे ॥ १० ॥

स्थानक करावतां ने धर्म कहिनें, भोला ने मत भरमावो ।

आप रहवा ने जाग्यां करणी, जीवां ने कोई मरावो ॥ ११ ॥

साधू काजे जीव हणो ते, आरे होसे भूंडा सुं भूंडो ।

जे साधु उण जाग्यां में रहसी, तो साधुपणो तिणरो हूब्यो ॥ १२ ॥

जिन स्थानक निमित्त अर्थ दियो तिणने, उतस्या जीवां रो उणने पायो ।

धर्म जाणो तो पाप अठारमों, होसी घणो संतापो ॥ १३ ॥

साधू काजे दड़ लीपे छपरा छावे, जीव अनेक विधी मारे ।

आप हूवे वलि वधे जीवां सुं, गुरां रो जन्म विगाड़ो ॥ १४ ॥

थे धर्म ठिकाणो जीव हणो तो, दया किसी थोड़ पालो ।

कुगुरां रा भरमाविया थे, आत्म ने कोई लगावो कालो ॥ १५ ॥

रात अंधारी ने जीव न दूझे, तो आंड़ा मत जड़ो किंवाड़ो ।
 छ कायारा पीयरं बाजो तो, हांथ सुं जीव मत मारो ॥ १६ ॥
 जो थाने सांची सीख न लागे तो, मत लेवो साधवियां रो शरणो ।
 साधां नें रहणो द्वार उघाड़ो, साधवियां ने धान्यो छे जड़नो ॥ १७ ॥
 गृहस्थ साथे मैल्यो संदेसो, जब मारी जावे छे कायो रे ।
 उजोयां बिना बेहवे मारग में, एवो मत करो अन्यायो ॥ १८ ॥
 ए साध पयो थांसुं पलतो न दीसे, तो श्रावक नाम धरावो ।
 शक्ति सारू व्रत चोखा पालो, दूषण मति लगावो ॥ १९ ॥
 आचार थांसुं पलतो न दीसे तो, आरा रे मांथे मति न्हाखो ।
 भगवन्त ना केड़ायत बाजो, तो भूँठ बोलतां कियां न शंको ॥ २० ॥
 व्रत बिह्वणा साधु बाजो, होय रही लोकां में पूजा ।
 खाली बादल ज्यूं थोथा बाजो, ओ मोने अचरज आवे ॥ २१ ॥
 इत्यादिक आचार मांहिने, पूरा केम कुहाओ ।
 हिंसा मांहि जो धर्म थापो, ते पिण खबर न कायो ॥ २२ ॥
 तेलो करे तिणा ने तीन दिन, कोई ऊंना पानी कर पावे ।
 तिण ने तो आगलां री सरधारे लेखे, एकन्त पाप बतावे ॥ २३ ॥
 चोथे दिन आरम्भ करीने, छ काया हणी ने जिमावो ।
 तिण में मिश्र धर्म ग्रहण्यो, तो ओ किण बिघ मिल से न्यायो ॥ २४ ॥
 तेलो करे तिण ने ऊंना पांणी प्याया, एकन्त पाप बतावे ।
 चोथे दिन आरंभ करीने जिमावे, तिण में मिश्र कियां थी थावे ॥ २५ ॥
 मिश्र मांहि धर्म कहवे, तिणरी सरधा रे लेखे ।
 ओ धणो सल कहवायो । हिंसा मांहि धर्म स्थापो तो,
 छत्र सामो जावो रे ॥ २६ ॥

अर्थ अनर्थ रे धर्म न काजे, जीव ह्यो मंदबुद्धि ।
 धर्म काजे जीव ह्यो, त्यांरी सराधा ऊंची सुं ऊंची ॥ २७ ॥
 समूचे आचार साधूरो बतायो, तिणमें राग द्वेष मति आंणो ।
 इये वचन सुण सुण हिये विमासो, मत करो खांचा तांणो ॥ २८ ॥
 प्रीत पुरांणी थांसु पहली, तिण सुं भिन्न भिन्न कर-समभाऊं ।
 जे थारे मन शंका हुवे तो, सत्र काढ बताऊं ॥ २९ ॥
 सम्मत अठारह बरस तैतीसे, मेढता शहर मंझारो ।
 बैसाख वद दशमी दिन थाने, सीख दीनी हित कारो ॥ ३० ॥

॥ ढाल बाईसर्मी ॥

(बियालीस दोषां की लिखी छै)

तीजी सुमति छै एखणा आहार तणां अधिकारो ए ।
 सांचंडणी शुद्ध साध ने नीग्रथी तिरे संसारो हे ।
 साधू ने लेणो द्रुक्तो ॥ १ ॥
 द्रव्य क्षेत्र काल भावो ए सांचे मन शुद्ध पालिज्यो,
 जो होवे मुक्ति री चाहो रे ॥ २ ॥
 साधु अर्थे जो कियो आघा कर्मी आहारो ए ।
 उदेसीक नहि भोगवे जो देवे भेषियो तयारो ए ॥ ३ ॥
 पोती क्रम सीतल मलो, ते छै आहार अशुद्धो ए ।
 मित्र सुं मन नहि करे तयारी, निर्मल न्हेस्यां ने बुद्धो ए ॥ ४ ॥
 थापी राख्यो साधू कारणे, पावणो करे आगो पाछो ए ।
 अंधारा सुं करे चानखो, एहिवा मुनि ने लेवे बहरे त्यांरो ए ॥ ५ ॥
 मोल लेई ने ते दिया, उघारो जांचे जांणी ए ।
 बदला भेलावे भेलो कोई, आंणो सामो आंणो ए ॥ ६ ॥

सारा किंवाड़ खोली देवे, ऊंची अब को ठामो ए ।

निबल आगे कीसी न एक, सीरी आपें तामों ए ॥ ७ ॥

आंधण में डरे घणां, दोष हुवा छै सोला ए ।

लगावे शुद्ध सोधने कोई, गृहस्थी होवे मोलो ए ॥ ८ ॥

ऊभी सती दातार नी, रमावे छे वालो ए ।

जाणीक आहार देसी भलो, बांधे पटेनी पोलो ए ।

यो मारग नहीं साधरो ॥ ९ ॥

बेटा बेटा मा बाप, री स्त्री ने भरतारो ए ।

सासु बहु सगा तणा कहे छे समाचारो ए ॥ १० ॥

जातो जंणावे आपणी, दीन दयावन थावे रं ।

आहार आयो नहीं मारो ए, मुंढो दे कुमलायो हे ॥ ११ ॥

लाम अलाम भाषे भलो, आहार छै सखरो ए ।

आपो बिन उलखायां बिना, इसड़ो साधुने न होयो होयो ॥ सा० ॥ १२ ॥

औषध भेषज करे क्रोधी देवे आपो ए ।

लड़ें भगड़ें देवे गालियां, ज्ञानी कछो यो पापो हे ॥ सा० ॥ १३ ॥

मान माया लोमे करी, दूषण हुवा दसों ए ।

आगे पाछे दातार नो करे, घणां जसो हे ॥ यो० ॥ १४ ॥

भोज किया बिड़दावली, बोले चारण भाटो ए ।

अण दिघ्या ओगण करे, एहिवो उषट घाटो ए ॥ यो० ॥ १५ ॥

विधा फोड़वे कामणदिक करे, मन्तर तन्तर बेचूनो ए ।

संजोग मेले सामठा, ईसड़ो करे खूनो ए ॥ यो० ॥ १६ ॥

उपकरण रा दोष ते कह्या, गलावे ते गर्भो यो ।

उत्तम ते नही आदरे, साधू टाले सरब ए ॥ यो० ॥ १७ ॥

साधू ने शंक ऊपजे, अथवा-ऊपजे-दातारो ।

हाथ खरड़ा ना होवे सचित्त सुं नहीं लेवे अणगारो ए॥ यो० ॥ १८॥

सचित्त उपर अशनादिक धरियो, सचित्त डांकण रो ताही ए ।

दातार आंधो ने पांगलो, मिश्र मेलो थायो ए ॥ यो० ॥ १९॥

पूरो सस्त्र ताहि पर गम्भो, नीलो आंगण होयो ए ।

न्यावे तड़का पाड़तो, दोष दश जोयो हे ॥ यो० ॥ २० ॥

खेत्र थकी दोय कोस थी, आधो ले जावे खांची हे ।

काल थको तीजो पहर उलंग दे मांदलारा, भेद पांचो हे ॥ यो० ॥ २१ ॥

जिह्वा रो लोलुप थकी, मेले आहार संजोगो हे ।

भलो मिल्यां राजी हुवे, भुंड़ो मिल्यां सोगो हे ॥ यो० ॥ २२ ॥

ताकी ताकी जावे गोचरी, न्यावे ताजा मालो ए ।

निरस ऊपर निजर नहीं, कुंदो बांणी रह्यो लालो ए ॥ यो० ॥ २३ ॥

मारी आहार भली करे, खावे ठाड़ो टूंडी ए ।

अण मिलियां बकतो फिरे, सांचलोयां भांडो ए ॥ यो० ॥ २४ ॥

बेसकर भलो घालियो, भलो दियो बंधारो ए ।

तीवण में ताजी तरकारियां, बखाणे छिम कारो ए ॥ यो० ॥ २४ ॥

ताजा आहार भली तरे, सराहि २ खायो ए ।

भगवती छत्र मे इम कह्यो; चारित्र कोयला थायो ए ॥ यो० ॥ २६ ॥

निरस आहार तरकारी तेहमें, नहीं मिरचा ने लूणों ए ।

चारित्र में निकले धूवो खाय, माथा धूणों ए होयो ॥ यो० ॥ २७ ॥

छ कारण छोड़े आहार ने, छ कारणले आहारो ए ।

हर्ष शोक आखे, नहीं, पाले संयम भारो हे ॥ यो० ॥ २८ ॥

वस्त्र पात्र सेज्या बले, लेवे थोड़ा सो आहारो हे ।

साधू ते शुद्ध भोगवे, घन २ ते अणगारो ए॥ यो० ॥ २९ ॥

पांय सुमति आराधे जो, तीन गुप्ति आराधे ए ।

जो सुख पांये सासतां, बरते सदा समाधो ए । यो भारग छे साधारो ॥३०॥

॥ ढाल तेइसर्वी ॥

देव तयो आचार न जांणे, गुरु की खबर न काई रे ,

धर्म तयो मर्म न जांणे, रांखे घणी तस काई रे ।

प्राणी समकित किय विध आई रे ॥ १ ॥

नव तत्व रा तो ने भेद न आवे, कूड़ी करे लपराई रे ।

धर्म तयो धोरी होय बैढ्यो, तो में दीसे घणी भोलाई रे ।

प्राणी समकित ॥ २ ॥

जीव न जांणे अजीव न जांणे, पुन की खबर न काई रे ।

पापतणीं प्रकृति नहिं धारी, तूं कीधी घणी लड़ाई रे ॥ प्राणी ॥ ३ ॥

आ सर्व नाला छूटयां दखे, सम्बर समता ने आई रे ।

निर्जरा तयो तूं निर्णय न कीध्यो, थारी कठे गई चतुराई रे ॥ प्राणी ॥ ४ ॥

बंध मोक्ष नो बीउ नो जोड़ो, तिणरी खबर न काई रे ।

समदृष्टि तूं नाम धरावे, तूं ने कुगुरां दियो भरमाई रे ॥ प्राणी ॥ ५ ॥

हांथ जोड़ी ने समकित लेवे, कुगुरां रा पासे जाई रे ।

अजाण पणे मीट्यो नहीं अन्तर, मिथ्या दे वोसराई रे ॥ प्राणी ॥ ६ ॥

सांग धारयां ने साधज सरधे, पढ़े पगां में जाई रे ।

तिखुत्ता सुं करे छे बन्दना, मन मे हर्षज थाई रे ॥ प्राणी ॥ ७ ॥

सावज करणी सुं पापज लागे, तिणरी खबर न काई रे ।

निर्वद्य करणी धर्मज पुन्य, तेपण अटक न आई रे ॥ प्राणी ॥ ८ ॥

पोथी पाना काढ ने बैठो, भोला ने भरमाई ।

कूड कपट कर फंद में न्हाखे, माड़ी छे पेट भराई रे ॥ प्राणी ॥ ९ ॥

सारां में तूं वड़को वाजै, मनमे मगज न माई रे ।
 न्याय मार्ग थारे किणविध आवे, कुगुरां दियो डंक लगाई रे ॥ १० ॥
 पुण्य धर्म रो नहीं निमेड़ा, अकल गई लपराई रे ।
 जे तूने जाणपथां को निर्णय पूंछे, उलटी मांडे लड़ाई रे ॥ ११ ॥
 द्रव्य क्षेत्र काल भाव न धारिया, गुरु विन वस्तु न काई रे ।
 चार निखेपां रो निर्णय कोष्यो, भिनष जमारो पाई रे ॥ प्राणी ॥ १२ ॥
 करन जोग भांगा नहिं धारया, ब्रतां री खबर न कोई रे ।
 अव्रत मांहि धर्म प्ररूपे, यो नरक री साई रे ॥ प्राणी ॥ १३ ॥
 न्याय वातां थारे किण विध आवे, थोथो करे बड़ाई रे ।
 आज्ञा वारे धर्म प्ररूपे, खोटा चोच लगाई रे ॥ प्राणी ॥ १४ ॥
 सरधा जिनेश्वर भाख्यो धर्म, खूज मां दियो जिनाई रे ।
 चतुर होय ता निर्णय कोज्या, सत गुरु के संग पाई रे ॥ प्राणी ॥ १५ ॥
 जीव अजीव रा ॐ द्रव्य कीध्या, नव कीध्या न्याय वताई रे ।
 समदृष्टि ओलखने आभ्यन्तर, जाणो निशंक देवड़ी आई रे ।
 प्राणी समकित किणविध आई रे ॥ १६ ॥



